

ՊԼՏՄՈՒԹԻՒՆ

Ս Ա Ի Բ Բ Գ Բ Ո Յ

Ի Զ Ի Ն Ե Ի Դ Ն Ո Ր Կ Յ Ա Կ Ա Ր Ա Ն Ա Ց Ի



Ա Շ Խ Ե Տ Ա Ս Ի Բ Ո Ւ Թ Ե Ա Մ Ի

Հ Ա Յ Բ Ա Պ Ե Տ Ի Գ Ա Լ Ս Տ Ա Ն Ե Ա Ն

Многъ язвахъ ермоу

Մ Ա Ր Գ Ա Ս Ի Ր Ա Կ Ա Ն Ն Ը Ն Մ Ա Ր Ա Ն Ի



Ի Հ Ա Յ Բ Ա Պ Ե Տ Ո Ւ Թ Ե Ա Ն Տ Ն Տ Ն Ն Ե Ր Ս Ի Ս Ի
Կ Ա Թ Ո Ւ Ղ Ի Կ Ո Ս Ի Ա Մ Ե Ն Ա Յ Ն Հ Ա Յ Ո Ց

Ե Ի

Յ Ա Ռ Ա Զ Ն Ո Ր Գ Ո Ւ Թ Ե Ա Ն Ն Ո Ր Զ Ո Ւ Ղ Ա Յ

Տ Ն Ե Ո Վ Հ Ա Ն Ն Ո Ւ Ս Ո Ւ Բ Ե Ն Ե Ա Ն

Ա Ր Ք Ե Գ Ի Ս Կ Ո Գ Ո Ս Ի Ե Ի Ա Ս Պ Ե Տ Ի



Դ Տ Պ Ա Ր Ա Ն Ի

Ա Ր Ա Ր Ա Տ Ե Ա Ն Ա Ն Կ Ե Բ Ո Ւ Թ Ե Ա Ն

Դ Կ Ա Լ Կ Ա Թ Ա

1846

1698



25

Printed in Turkey

12004

Printed in Turkey

1900

СВЯТЫЙ ПРАВОСЛАВНЫЙ КРИСТИАНСКИЙ ЦЕРКОВЬ

СВЯТЫЙ ПРАВОСЛАВНЫЙ КРИСТИАНСКИЙ ЦЕРКОВЬ

СВЯТЫЙ ПРАВОСЛАВНЫЙ КРИСТИАНСКИЙ ЦЕРКОВЬ



СВЯТЫЙ ПРАВОСЛАВНЫЙ КРИСТИАНСКИЙ ЦЕРКОВЬ

СВЯТЫЙ ПРАВОСЛАВНЫЙ КРИСТИАНСКИЙ ЦЕРКОВЬ

СВЯТЫЙ ПРАВОСЛАВНЫЙ КРИСТИАНСКИЙ ЦЕРКОВЬ

СВЯТЫЙ ПРАВОСЛАВНЫЙ КРИСТИАНСКИЙ ЦЕРКОВЬ



СВЯТЫЙ ПРАВОСЛАВНЫЙ КРИСТИАНСКИЙ ЦЕРКОВЬ




СВЯТЫЙ ПРАВОСЛАВНЫЙ КРИСТИАНСКИЙ ЦЕРКОВЬ

СВЯТЫЙ ПРАВОСЛАВНЫЙ КРИСТИАНСКИЙ ЦЕРКОВЬ

СВЯТЫЙ ПРАВОСЛАВНЫЙ КРИСТИАНСКИЙ ЦЕРКОВЬ

1876




1536 ⁴⁵ / 466-ԱԿ

ՊԵՏՄՈՒԹԻՒՆ

ՍՈՒՐԲԳՐՈՅ

ԴՆԻՆ ԵՒ ԻՆՈՐԿՏԱԿԱՐԱՆԱՑ՝




ԱՇԽԱՏԱՍԻՐՈՒԹԵԱՄԻ

ՀԱՅՐԱՊԵՏԻ ԳԼԼՍՏԱՆԵԱՆ

միայ յաշակերտաց

ՄԱՐԳԱՍԻՐԱԿԱՆ ՆԵՄԱՐԱՆԻ



Ի ՀԱՅՐԱՊԵՏՈՒԹԵԱՆ ՏՆՏՆՆԵՐՍԻՍԻ
ԿԱԹՈՒՂՈՍԿՈՍԻ ԱՄԵՆԱՅՆ ՀԱՅՈՅ

ԵՒ

ՅԱԹԱՋՆՈՐԳՈՒԹԵԱՆ ՆՈՐ ԶՈՒՂԱՅ
ՏՆ ՅՈՎՀԱՆՆՈՒ ՍՈՒՐԵՆԵԱՆ
ԱՐԲԵՊԻՍԿՈՊՈՍԻ ԵՒ ԱՍՊԵՏ



Ի ՏՊԱՐԱՆԻ

ԱՐԱՐԱՏԵԱՆ ԸՆԿԵՐՈՒԹԵԱՆ

Ի ԿԼԼԿԱԹԱ՝

1846

75-2065

Printed in Turkey

ԻՄԵՂԵՐՁԱՆ ՅԱԻԿԵԿԱՆ ՅԻՇԱՏԱԿԻ
ՊԱՐՈՆ ԱԻԵՏԻ ԱՂԱԲԻԿԳԵԱՆ
ԱՍՏՈՒԱԾԱՍԷՐ ԵՒ ԱԶԳԱՍԷՐ
Պ Ա Յ Ա Ջ Ա Տ Ի

Ե Ի

ՀԱՅՐԱԽՆԱՄ ՔԵՈՒՈՅ
ՈՐ ՔՐԻՍՏՈՆ ԷՆՎԱՅԵԼ,
ԸՆՏԱՆԱՍԻՐՈՒԹԵԱՄԻ

ՄՆՈՅՅ ՋՄԵՋ
ԱՆՈՐԻՇ, ՅՈՐԳԻՈՅ ԻԻՐՈՅ

Ջ Ա Յ Ս
Գ Ո Ւ Ջ Ն Ա Ք Ե Ա Յ
Տ Ր Ի Տ Ո Ւ Ր
Ե Ր Ա Խ Տ Ա Գ Ի Տ Ո Ւ Թ Ե Ա Ն

Ի ԳԻՄԱՅ ԻԻՐ ԵՒ ԵՂԱՐՅՅ

ՅԱՐՈՅԱՆԷ

ԱՄԵՆԱԻՈՆԱՐԷ ԲԵՌՈՐԳԻ ԻԻՐ ԵՒ ԽԱՌԱՅ

ՀԱՅՐԱՊԵՏ ԳԱԼՍՏԱՆԵԱՆ

1875

...

...

...

...

...


...

Printed in Turkey

Պ Ա Տ Մ Ո Ւ Թ Ի Ի Ն Ս Ո Ւ Բ Բ Գ Բ Ո Ց :

Հ Ա Ն Ե Ա Լ Ք

Ի ՀԻՆ ԵԻ ԻՆՈՐ ԿՏԱԿԱՐԱՆԱՑ :



Սպէղծոմն Մարդոց :

ԱՏԵՂԾ Աստուած զմարդն հող յերկրէ ,
և փչեաց յերես նորա շունչ կենդանի . և
եղև մարդն հողի կենդանի : Եւ անկեաց
Աստուած զգրախտն յԵդեմ ընդ Արևելս .
և եդ անդ զմարդն զոր ստեղծ : Եւ պատուի-
րեաց Աստուած Ադամայ , և ասէ . յամենայն
ծառոց որք են ՚ի գրախտիդ , ուտելով կերի-
ցես : Բայց ՚ի ծառոյն գիտութեան բարոց
և չարի մի՛ ուտիցէք . զի յորում աւուր ու-
տիցէք ՚ի նմանէ՛ մահու մեռանիցիք :

Ա

Եւ ստեղծ Աստուած զամենայն գազանս վայրի, և զամենայն թռչունս երկնից: Եւ կոչեաց Ադամ անուանս ամենայն անասնոց, և ամենայն թռչնոց երկնից, և ամենայն գազանաց վայրի, բայց Ադամայ ոչ գտաւ նման նմա: Եւ էարկ Աստուած թմբութիւն 'ի վերայ Ադամայ, և ննջեաց, և էառ մի 'ի կողից նորա, և ելից ընդ սյնը մարմին: Եւ շինեաց Աստուած զկողն զոր էառ յԱդամայ 'ի կին, և էած զնա առ Ադամ: Եւ ասէ Ադամ, այս այժմիկ ոսկը յոսկերաց խնոց, և մարմին 'ի մարմնոյ խմէ, սա կոչեսցի կին, զի յառնէ իւրմէ առաւ: Ասան այնորիկ թողցէ այր զՏայր իւր և զմայր իւր, և երթիցէ զՏեա կնոջ իւրոյ, և եղիցին երկուքն 'ի մարմին մի:

Անկառն Մարդոյ:

Եի օձն էր իմաստնագոյն քան զամենայն գազանս որ 'ի վերայ երկրի, զոր արար Տէր Աստուած, և ասէ օձն ցկինն, զի՞ է, զի ասաց Աստուած թէ յամենայն ծառոց որք իցեն 'ի ներքս 'ի դրախտի այդը՝ մի ուտիցէք Եւ ասէ կինն ցօձն, 'ի պտղոյ ծառոց դրախտիդ

կերթիցուք, բայց ՚ի պտղոյ ծառոյն, որ է ՚ի մէջ դրախտի, ասաց Աստուած մի՛ ուտիցէք ՚ի նմանէ. և մի՛ հուպ լինիցիք՝ զի մի՛ մեռանիցիք: Եւ ասէ օձն ցկինն, ոչ եթէ մահու մեռանիցիք: Զի գիտէր Աստուած, [թէ յորում աւուր ուտիցէք ՚ի նմանէ բանայցեն աչք ձեր, և լինիցիք իբրև զաստուած՝ ճանաչել զբարի և զչար: Եւ ետես կինն, զի բարի էր ծառն ՚ի կերակուր, և գեղեցիկ ՚ի տեսանել աչաց. և էառ ՚ի պտղոյ նորա և եկեր, և ետ առն իւրում ընդ իւր, և կերան:

Եւ կոչեաց Տէր Աստուած զԱդամ և ասէ ցնա. ՚ի ծառոյն յորմէ պատուիրեցի քեզ անտի չուտել՝ մի՛ թէ կերեր արդեօք ՚ի նմանէ: Եւ ասէ Ադամ. կինն զոր ետուր ընդիս սն ետ ինձ ՚ի ծառոյ անտի՛ և կերի: Եւ ասէ Տէր Աստուած ցկինն. Զի՛նչ գործեցեր զայդ. և ասէ կինն օձն խաբեաց զիս և կերի: Եւ ասէ տէր Աստուած ցօձն փոխանակ զի արարեր դու զայն անիծեալ լիջի՛ր դու յամենայն անասնոց և ամենայն գաղանաց երկրի. ՚ի վերայ լանջաց քոց և որովայնի քոյ գնասցես, և հող կերիցես զամենայն աւուրս կենաց քոց: Եւ ցկինն ստէ. բազմացուցանելով բազմացուցից

զտրամուծիւնս քո և զՏեծուծիւնս . տրամու-
 թեամբ ծնցլիս որդի . և առ այր քո դարձ քո .
 և նա տիրեսցէ քեզ : Եւ ցԱդամ ասէ . փո-
 խանակ զի լուար ձայնի կնոջդ քոյ , և կերեր
 ՚ի ծառոյն անտի , յորմէ պատուիրեցի քեզ
 անտի չուտել , և կերեր ՚ի նմանէ . անիծեալ
 լիցի երկիր ՚ի գործս քո , տրամուծեամբ կերի-
 ցես զնա զամենայն աւուրս կենաց քոց : Փուշ
 և տատասկ բուսուցէ քեզ . և կերիցես
 զբանջար վայրի : Քրտամբ երեսաց քոց կե-
 րիցես զՏաց քո , մինչև դարձցիս յերկիր ,
 ուստի առար . զի հող էիր և ՚ի հող դարձցիս :
 Եւ կոչեաց Ադամ զանուն կնոջ իւրոյ կեանս .
 զի նա է մայր ամենայն կենդանեաց :

Վայէն և Հաբէլ :

ԵՄՈՒՏ Ադամ առ Եւայ կին իւր , և յը-
 զացաւ . և ծնաւ զՎայէն . և ասէ . ստացայ
 մարդ Աստուծով : Եւ յաւել ծնանել զեղ-
 բայր նորա զՀաբէլ . և եղև Հաբէլ հովիւ
 խաշանց և Վայէն գործէր զերկիր : Եւ ե-
 ղև յետ աւուրց եբեր Վայէն ՚ի պտղոյ երկրի
 պատարագ Աստուծոյ : Էած և Հաբէլ յան-
 դրանկաց խաշանց իւրոց և ՚ի պարարտաց

նոցա . և հայեցաւ Աստուած 'ի Հաբէլ և պատարագ նորա : Եւ 'ի Վային և 'ի զոհս նորանց նայեցաւ , և տրտմեցաւ , Վային յոյժ . և խոնարհեցան և անկան երեսք իւր : ... Եւ ասէ Վային ցՀաբէլ եղբայր իւր եկ երթիցուք 'ի դաշտ , և եղև իբրև չողան 'ի դաշտ անդր՝ յարեաւ Վային 'ի վերայ Հաբէլի եղբօր իւրոյ և սպան զնա :

Եւ ասէ Աստուած ցՎային . զի՞նչ գործեցեր զայդ . գոչումն արեան եղբօր քոյ բողոքէ առ իս յերկրէ : Եւ արդ անիծեալ լիջիր դու 'ի վերայ երկրի , որ եբաց զբերան իւր ընդունիլ զարիւն եղբօր քոյ 'ի ձեռաց քոց :

Ձի գործեսցես զերկիր և ոչ յաւելցի տալ քեզ զչորութիւն իւր . երեբեալ և տատանեալ եղիցիս 'ի վերայ երկրի :

Եւ եդ Տէր Աստուած նշան 'ի Վային , և ել Վային յերեսաց Տեառն , և բնակեցաւ յերկրին Նայիդ յանդիման Եդեմայ ,

Ջրհեղեղ :

Եի եղև իբրև սկսան մարդիկ բազմանալ ի վերայ երկրի , և դատերք ծնան նոցա , ասե-

սեալ որդւոցն Աստուծոյ դստերսն մարդկան ,
 զի գեղեցիկ էին , առին իւրեանց կանայս յա-
 մենեցունց՝ զորս ընտրեցին : Հսկայք էին ՚ի
 վերայ երկրի յաւուրսն յայնոսիկ՝ և յետ այ-
 նորիկ իբրև մտանէին որդիքն Աստուծոյ
 առ դստերս մարդկան . և ծնան իւրեանց
 որդիս . նոքա էին հսկայքն , որ յաւիտենից
 արքանուանիք : Եւ իբրև ետես Տէր Աստ-
 ուած , եթէ բազմացան չարիք մարդկան ՚ի
 վերայ երկրի և ամենայն ոք խորհէր ՚ի սրտի
 իւրում խնամով ՚ի չարիս զամենայն աւուրս :
 Եւ ասէ Տէր Աստուած . ջնջեցից զմարդն ,
 զոր արարի յերեսաց երկրի . ՚ի մարդոյ մինչև
 յանասունս և ՚ի սողնոց մինչև ՚ի թռչունս
 երկնից . զի ստրջացայ զի արարի զնոսա :
 Բայց Նոյ եգիտ շնորհս առաջի Տեառն
 Աստուծոյ :

Նոյ այր արդար կատարեալ էր յազգի
 անդ իւրում . և հաճոյ եղև Նոյ Աստուծոյ :
 Եւ ասէ Տէր Աստուած ցՆոյ . Ժամանակ ա-
 մենայն մարդոյ հասեալ է առաջի իմ . զի
 լցաւ երկիր անիրաւութեամբք ՚ի նոցանէ .
 և ասա ես տպականեցից զնոսա և զերկիր :
 Արդ արն դու քեզ տապան չորեքկուսի

փայտից, խորշս խորշս գործեսցես զտապան, և նաւթիւ ծեփեսցես զնա ներքոյ և արտաքոյ: Եւ ես ահա ածից ջրհեղեղ ջրոյ ՚ի վերայ երկրի, ապականել զամենայն մարմին, յորում շունչ կենդանի ՚ի ներքոյ երկնից, և ինչ որ իցէ ՚ի վերայ երկրի օտակեսցի Բայց եղից զուստ իմ ընդ քեզ, և մտցես ՚ի տապանն, դու և որդիք քո, և կին քոյ, և կանայք որդւոց քոց ընդ քեզ: Եւ յամենայն անասնոց, և յամենայն գաղանաց, և յամենայն մարմնոց, երկուս երկուս յամենայնէ մուծցես ՚ի տապանն բուծանել ընդ քեզ արու և էգ լինիցին:

Եւ դու առնուցուս քեզ յամենայն կերակրոց՝ զոր ուտիցէք, և ժողովեսցես դու առ քեզ և եղիցի քեզ և նոցա կերակուր: Եւ այլ ևս եօթն օր, և ածից ես անձրև ՚ի վերայ երկրի զքառասուն տիւ և զքառասուն գիշեր, և ջնջիցից զամենայն հասակ զոր արարի յերեսաց երկրի: Եւ արար Նոյ զամենայն զոր միանգամ պատուիրեաց նմա Տէր Աստուած: Եւ եղև անձրև ՚ի վերայ երկրի զքառասուն տիւ և զքառասուն գիշեր, և զօրացաւ և բազմացաւ յոյժ ՚ի վերայ երկրի, և շրջէր

տապանն 'ի վերայ ջրոց . և սաստկացաւ ջուրն յոյժ յոյժ 'ի վերայ երկրի . և ծածկեաց ջուրն զամենայն լերինս բարձունս , որք էին 'ի ներքոյ երկնից :

Եւ մեռաւ ամենայն մարմին շարժուն 'ի վերայ երկրի . [Թռչնոց , և անասնոց , և զազանաց , և ամենայն սողնոց զեռնոց 'ի վերայ երկրի , և ամենայն մարդ : Եւ ամենայն որ ունէր շունչ կենդանի յոնգունս իւր և ամենայն որ ինչ էր 'ի վերայ ցամաքի՝ մեռաւ : Եւ ջնջեաց զամենայն որ էր 'ի վերայ երեսաց երկրի 'ի մարդոյ մինչև յանասուն և 'ի սողնոց մինչև 'ի [Թռչունս երկնից և ջնջեցան յերկրէ և մնաց միայն Նոյ և որք ընդ նմա էին 'ի տապանի անդ : Եւ բարձրացաւ ջուրն 'ի վերայ երկրի աւուրս հարիւր և յիսուն :

Ո-ԽԻ ԸՆԴ ՆՈՅԷ :

Եի յիշեաց Աստուած զՆոյ , և զամենայն զազանս և զամենայն անասուն , և զամենայն [Թռչունս որք էին ընդ նմա 'ի տապանի անդ . և էած Աստուած հողմ 'ի վերայ երկրի և զա-

դարեաց ջուրն: Եւ նստաւ տապանն յԵօթ
 երորդում ամսեանն ՚ի քսան և Եօթ ամսոյն
 ՚ի լերինն Արարադայ: Եւ եղև վեց հարիւ-
 րորդի ՚ի միում ամի կենաց Նոյի ամսեանն ա-
 առաջնում, որ օր մի էր ամսոյն, նուազեաց ջու-
 րն յերեսաց երկրի, և եբաց Նոյ զձեզուն
 տապանին զոր արար, և ետես զինուազեալ էր
 ջուրն ՚ի վերայ երկրի: Եւ խօսեցաւ Տէր
 Աստուած ընդ Նոյի, և ասէ, ել ՚ի տապանէ
 այդի, դու և կին քոյ, և որդիք քոյ, և կա-
 նայք որդւոց քոց ընդ քեզ: Եւ ամենայն մար-
 մն թռչնոց մինչև ցանասունս, և զամե-
 նայն սողուն զեռուն երկրի հան ընդ քեզ,
 և զեռասցեն ՚ի վերայ երկրի, և ածեցէք և
 բազմացարուք ՚ի վերայ երկրի:

Եւ օրհնեաց Աստուած զՆոյ և զորդիս
 նորա և ասէ ածեցէք և բազմացարուք և լը-
 ցէք զերկիր և տիրեցէք դմա: Եւ ահ և եր-
 կիւղ ձեր եղիցի ՚ի վերայ դազանաց երկրի, և
 ՚ի վերայ ամենայն թռչնոց երկնից, և ՚ի վե-
 րայ ամենայն զեռնոց երկրի, և ՚ի վերայ ձը-
 կանց ծովու, զոր ընդ ձեռամբ ձերով ետու:
 Եւ խօսեցաւ Տէր Աստուած ընդ Նոյի և ընդ
 որդիս նորա որք ընդ նմա էին և ասէ, ահա-

ւասիկ ես հաստատեմ զուխտ ընդ ձեզ և ընդ
 գաւաղի ձերում յետ ձեր : Եւ ընդ ամենայն
 շնչոյ կենդանւոյ որք ընդ քեզ են , և [Ժոզ-
 նոց և յանասնոց և յամենայն գաղանաց երկ-
 րի որք ընդ ձեզ , և յամենեցունց որք ելին 'ի
 տապանէ անտի . և ամենայն անասնոց երկրի :
 Եւ հաստատեցից զուխտ իմ ընդ ձեզ , ոչ ևս
 մեռցի ամենայն մարմին 'ի Ջրհեղեղէ , ոչ ե-
 ղիցի Ջրհեղեղ ջուրց ասպականել զամենայն եր-
 կիր : Եւ ասէ Տէր Աստուած ցՆոյ և ցորդիս
 նորա , այս է նշան ուխտին , զոր ես տաց ընդ իս
 և ընդ ձեզ՝ յողգս յաւիտենից :

Զաղեղն իմ եդից յամպս , և եղիցի 'ի նշա-
 նակ յաւիտենական ուխտին ընդ իս և ընդ ամ-
 ենայն երկիր : Եւ եղիցի գումարել ինձ
 զամպս 'ի վերայ երկրի , երևեսցի Աղեղն իմ
 յամպս : Եւ յիշեցից զուխտ իմ որ ընդ իս և
 ընդ ձեզ , 'ի մէջ ամենայն շնչոյ կենդանւոյ
 յամենայն մարմնոյ . և ոչ ևս եղիցի Ջրհեղեղ
 'ի սատակել զամենայն մարմին : Եւ եղիցի
 աղեղն յամպս , և տեսից յեշել զուխտն յաւի-
 տենական 'ի մէջ իմ և 'ի մէջ ամենայն շնչոյ
 կենդանւոյ յամենայն մարմնոյ որ է 'ի վերայ
 երկրի : Եւ ասէ Աստուած ցՆոյ , սա է նշան

ուխտին , զոր ես ուխտեցն՝ ընդիս և ընդ
 ձեզ , և 'ի մէջ ամենայն մարմնոյ որ է 'ի վե-
 րայ երկրի : Եւ էին որդիք Նոյի . որք ելին
 'ի տապանէ անտի , Սէմ , Քամ , Յաբել :
 Քամ էր հայր Քանանու : Երեքին սոքա էին
 որդիք Նոյի , և 'ի նոցանէ սփռեցան ընդ ամենայն երկիր :

Հինութեան Բաբելոնի :

Եւ էր ամենայն երկիր լեզու մի , և բար-
 բառ մի ամենեցուն : Եւ եղև 'ի խաղալն նո-
 ցա յարևելից , գտին դաշտ մի յերկրին Սե-
 նատր , և բնակեցան անդ : Եւ ասեն այր
 ցընկեր իւր . եկայք արկցուք աղիւս . թրձես-
 ցուք զայն հրով , և եղև աղիւսն 'ի տեղի
 քարի , և կուար 'ի տեղի շաղախոյ : Եւ ասեն
 եկայք շէնեցուք մեզ քաղաք և աշտարակ ,
 որոյ լինիցի գլուխ մինչև յերկինս , և արա-
 ցուք մեզ անուն յառաջ քան զսփռիլ 'ի վե-
 րայ երեսաց ամենայն երկրի : Եւ էջ Տէր
 տեսանել զքաղաքն և աշտարակն , զոր շինե-
 ցին որդիք մարդկան :

Եւ ասէ Տէր . ահա ազգ մի , և լեզու մի
 ամենեցուն , և զայդ ոկսան գործել . և ոչ ինչ

պակասի 'ի նոցանէ զամենայն զոր ինչ յօժարիցին գործել : Եկայք իջցուք և խառնակեսցուք անդ զլեզուս նոցա . զի մի՛ լուիցեն իւրաքանչիւր բարբառոյ ընկերի իւրոյ : Եւ սփռեաց զնոսա Տէր անտի ընդ երեսս ամենայն երկրի . և դադարեցին 'ի շինելոյ զքաղաքն և զաշտարակն : Ասան այնորիկ կոչեցաւ անուն նորա խառնակութիւն . զի անդ խառնակեաց Տէր զլեզուս ամենայն երկրի , և անտի ցրուեաց Տէր ընդ երեսս ամենայն երկրի :

Աբրահամ :

Եի ասէ Աստուած ցԱբրահամ, ել դու յերկրէ քուսմէ , և յազգէ քուսմէ , և 'ի տանէ Տօր քոյ , և եկ յերկիր զոր ցուցից քեզ : Եւ արարից զքեզ յազգ մեծ , օրհնեցից քեզ և մեծացուցից զանուն քոյ . և եղիցիս օրհնեսլ : Եւ գնաց Աբրահամ որպէս խօսեցաւ ընդ նմա Աստուած . և Աբրահամ էր ամաց եօթանասուն և հնգից , յորժամ ել 'ի Խտուանէ : Եւ էառ Աբրահամ զՍառայ զկին իւր , և զՂովգ զեղբօր որդի իւր , և զամենայն զինչս իւրեանց՝ զորս ստացան , և զամենայն ոգիս

զորս ստացան 'ի խառանէ, և ելին զնացին յերկիրն քանանացոց : Եւ ասէ Աստուած ցԱբրահամ. հայեանց աչօք քովք, և տես 'ի տեղւորէ յայդմանէ յորում դու ես, 'ի կողմանէ հիւսիսոյ և հարաւոյ, և յարևելից և 'ի ծովու : Զի զամենայն երկիրդ զոր տեսանես, քեզ տաց զդա :

Եւ արարից զգաւակ քոյ իբրև զաւաղ երկրի. եթէ կարիցէ ոք թուել զաւաղ երկրի ապա և քո զաւակ ընդ թիւ մացէ : Եւ արդ՝ արի շրջեանց ընդ երկիրդ յերկայնութիւն դորա, զի քեզ տաց զդա : Եւ ասէ Աբրահամ. որովհետև ինձ ոչ ետուր զաւակ, ընդ ո՞՞րմինն իմ ժառանգեսցէ զիս : Եւ եհան զնա արտաքս՝ և ասէ ցնա. նայեանց ընդ երկինս, և թուեա՛ զաստեղս, եթէ կարացես թուել զնոսա. և ասէ ցնա, այնպէս եղիցի զաւակ քո :

Եւ վասն Սառայի կնոջ քոյ օրհնեցից զնա. և տաց քեզ 'ի նմանէ որդի, և օրհնեցից զնա. և թագաւորք ազգաց 'ի նմանէ եղիցին : Եւ ասէ Աբրահամ ցԱստուած. Իսմայէլս այս կեցցէ առաջի քո : Եւ ասէ Աստուած ցԱբրահամ. այո՛, ահա Սառա կին քո ծնցի քեզ

որդի . և կոչեցցես զանուն նորա Իսահակ .
 և հաստատեցից զուխտ իմ ընդ նմա՝ յուխտ
 յաւիտենական . և ընդ զաւակի նորա : Եւ
 վասն Իսմայէլի ահա լուայ քեզ . և օրհնեցից
 զնա և բազմացուցից զնա յոյժ . և տաց զնա
 յաղգ մեծ :



Ծնոնդ Իոսահակայ :

Եւ երևեցաւ նմա Աստուած առ կաղ-
 նեաւն Մամբրէի, մինչ դեռ նստէր առ դուրս
 խորանին իւրոյ ՚ի միջօրէի : Ամբարձեալ զաչս
 իւր ետես . և ահա արք երեք կային ՚ի վերոյ
 քան զնա . և իբրև ետես ընթացաւ ընդ ա-
 ուղ նոցա ՚ի դրանէ խորանին իւրոյ . և երկիր
 եպագ ՚ի վերայ երկրի և ասէ, Տէր եթէ
 դտի շնորհս առաջի քո . մի՛ զանց առներ ՚ի
 ծառայէ քումմէ : Այլ առից սակաւ մի ջուր .
 և լուացեն զոտս ձեր . զովասջիք ընդ ծա-
 ուովս : Եւ առից հաց՝ և կերիջիք . և ապա
 երթիջիք զճանապարհս ձեր . փոխանակ զի՛
 դարձայք առ ծառայ ձեր . և ասեն՝ այդպէս
 արն՝, որպէս ասացերդ :

Եւ պնդեցաւ Աբրահամ ՚ի խորանն առ Սառա և ասէ ցնա, փութան և թրեան երիս գրիւս ալեր նաշոյ, և արան նկանակս: Եւ յանդեայ ընթացաւ Աբրահամ, և էառ որթ մի մատաղ և բարի, և ետ ցպատանին, և փութացոյց վաղվաղակի Տասուցանել: Եւ էառ կողի և կաթն, և զորթն զոր Տասոյց, և եղ առաջի նոցա, և կերին, և նա կայր առաջի նոցա ընդ ծառովն: Եւ ասեն ցնա, ո՞ւր է Սառա կին քո, նա պատասխանի ետ և ասէ, ասաւանիկ ՚ի խորանի անդ է: Եւ ասէ Աստուած, դարձեալ եկից առ քեզ ՚ի ժամանակի յայսմիկ ՚ի սոյն աւուրս, և ունիցի որդի Սառա կին քո, և Սառա ունին դնէր առ դրան խորանին: Եւ Տէր յայց ել Սառայի որպէս և ասաց, արար Սառայի՝ որպէս և խօսեցաւ, և յղացաւ և ծնաւ Սառա Աբրահամու որդի ծերութեան, ըստ ժամանակին որպէս և խօսեցաւ ընդ նմա Աստուած: Եւ կոչեաց Աբրահամ զանուն որդւոյ իւրոյ՝ զոր ծնաւ նմա Սառա՝ Իսահակ:

Եւ Աբրահամ հարիւրամեան էր, յորժամ եղև նմա Իսահակ որդի իւր:

Ագար և Իսահայէլ :


Եւ ամեաց մանուկն, և հատուցաւ ՚ի ստե-
նէ, և արար Աբրահամ ուրախութիւն մեծ
յաւուր յորում հատուցաւ ՚ի ստենէ Իսահայի:
Եւ տեսեալ Սառայի զորդին Ագարայ Ե-
գիպտացոյ, որ եղև Աբրահամու, զի իա-
ղայր: Եւ ասէ ցԱբրահամ, ՚ի բնց հան զա-
ղախինդ և զորդի դորա, զի մի՛ ժառանգեսցի
որդի աղախնոյդ ընդ որդւոյ իմում Իսահա-
կայ: Յարեաւ Աբրահամ ընդ առաւօտն, և
էառ հաց, և տիկ ջրոյ, և ետ ցԱգար, և եղ-
յուս նորա զմանուկն, և արձակեաց զնա, և
երթեալ մուրեալ շրջէր յանապատի անդ-
առ ջրհորովն երդման:

Եւ նուազեաց ջուր ՚ի տկէ անտի, և ընկէց
զմանուկն ՚ի ներքոյ միոյ եղևին ծառոյ: Եւ
երթեալ նստաւ յանդիման նորա ՚ի բացէ իբ-
րև վտաւանաւ, զի ասէր՝ թէ ոչ տեսից
զմահ որդւոյն իմոյ, և նստէր յանդիման նո-
րա, և ձայն բարձեալ մանկանն լայր: Եւ լուաւ
Աստուած ձայնի մանկանն ՚ի տեղւորէն ուր
էր, և կոչեաց հրեշտակ Աստուծոյ զԱգար

յերկնից՝ և ասէ ցնա • զի՞նչ է այդ Ագրան ,
 մի՞ երկնչիր • զի լուաւ Աստուած ձայնի որդե-
 ւոյ քոյ ՚ի տեղւորէ անտի՛ ուր էր :

Արևան զմանուկն քո , և զօրացն զնա ձեռամբ •
 զի յազգ մեծ արարից զնա : Եւ եբաց Աստ-
 ուած զաչս նորա , և ետես ջրհոր ջրոյ կեն-
 դանւոյ , և չողաւ ելից զտիկն ջրով և ար-
 բոյց մանկանն : Եւ էր Աստուած ընդ ման-
 կանն : Եւ աճեաց և եղև աղեղ՛աւոր :

Եւ բնակէր յանապատին Փառանու , և է-
 առ նմա մայրն նորա կին յերկրէն Եգիպ-
 տացւոց :



Փորձ հասարոցն Աբրահամու :

Եւ եղև յետ բանիցս այսոցիկ , փորձեաց
 Աստուած զԱբրահամ՝ և ասէ ցնա • ան-
 դու զորդիդ քո զտիրելի , զոր սիրեցեր զԽա-
 Տակ • և գնա՛ դու յերկիր բարձր , և հանցես
 զդա անդ յողջակէզ ՚ի վերայ միոյ ՚ի լեբանց՝ յո-
 րոց ասացից քեզ : Եւ յարեաւ Աբրահամ ընդ-
 առաւօտն , համետեաց զէշիւր , և էառ ընդ-
 իւր երկուս ծառայս , և զԽաՏակ զորդի իւր •

1597

75-2028


և պատառեաց փայտ յողջակէզ՝ յարեաւ և գնաց, և եկն ՚ի տեղին զոր ասաց նմա Ատառած : Եւ էառ Աբրահամ զփայտ ողջակիզին, և ետ ՚ի վերայ Իսահակայ որդւոյ իւրոյ, և էառ ՚ի ձեռին զհուրն և զսուրն, և գնացին երկոքեան ՚ի միասին :

Եւ եկին ՚ի տեղին՝ զոր ասաց նմա Ատառած, անդ շինեաց սեղան Աբրահամ, և եդ ՚ի վերայ նորա զփայտն, և կապեաց զԻսահակ որդի իւր, և եդ զնա ՚ի սեղանն ՚ի վերայ փայտին :

Եւ ձգեաց Աբրահամ առնուլ զսուրն և զենուլ զորդի իւր : Եւ կոչեաց զնա հրեշտակ Տեառն յերկնից, և ասէ. Աբրահամ Աբրահամ, մի՛ միտեր զձեռն քո ՚ի պատանեակդ, և մի՛ ինչ առներ դմա, զի սոյժմս գիտացի թէ երկիւզած ես յԱտառծոյ, և ոչ խնայեցեր յորդիդ քո սիրելի վասն իմ : Եւ համբարձ Աբրահամ զաչս իւր և ետեոս, և ասա խոյ մի կախեալ կայր զճառոյն Սաբեկայ զեղջերաց, և գնաց Աբրահամ և էառ զխոյն, և եհան զնա ողջակէզ փոխանակ Իսահակայ որդւոյ իւրոյ :

Եւ կոչեաց հրեշտակ Տեառն զԱբրահամ երկիցս անգամ յերկնից՝ և ասէ : Յանձն իմ երդուայ ասէ Տէր, փոխանակ զի արարեր

դու զբանդ զայդ, և ոչ խնայեցեր զորդիդ քո ժիրելի վասն իմ: Օրհնելով օրհնեցից զքեզ, և բազմացուցանելով բազմացուցից զզաւակ քո իբրև զաստեղս երկնից բազմութեամբ և իբրև զաւաղ առ ափն ծովու: Եւ օրհնեսցին ՚ի զաւակի քում ամենայն ազք երկրի փախանակ զի լուար ձայնի իմում:



Աճո-ննո-բիւն Իսահակայ ընդ Ռեբեկայ:

Եի Տէր օրհնեաց զԱբրահամ ամենայնիւ: Եւ ասէ Աբրահամ ցծառայն իւր ցերէց տան իւրոյ, ցիշխան ամենայն ընչից նորա, գնան յերկիրն իմ, և ՚ի տուն իմ, և առցես դու անախկին որդւոյ իմում Իսահակայ: Եւ էառ ծառայն տանն ուղա յուղտուց տեառն իւրոյ՝ և մեկնեցաւ և գնաց ՚ի Միջագետս ՚ի քաղաքն Նաքովրայ: Եւ նստոյց զուղտանն արտաքոյ քաղաքին առ Ջրհորոյ Ջրոցն ընդ երեկս, յորժամ Ջրուորն ելանէր: Եւ ասէ Տէր Աստուած Տեառն իմոյ Աբրահամու, յաջողեան առաջի իմ այսօր, և արն ողորմութիւն ընդ Տեառն իմում Աբրահամու: Եւ եղիցի կոյս

մի որում ես ասացից, եթէ խոնարհեցնո՞ զսա-
 փորդ քո զի արբից, և ասացէ՛ց զիս՝ անբ, և
 ուղտուց քոց ևս արբուցից, մինչև դադարեա-
 ցին յըմպելոյ, զայն պատրաստեցեր ծառայի
 քում Խսահայ, և այնու գիտացից եթէ ա-
 րարեր ողորմութիւն Տեառն խնում Աբրա-
 համու: Եւ եղև մինչև կատարեալ էր զխօսան
 ՚ի մտի իւրում, և ասա Ռեբեկա եկն՝ որ
 ծնեալն էր Բաթուէլի որդւոյ Մեղքայ կնոջ
 Նաքովրայ, և ունէր սափոր յուս իւր: Եւ
 էր կոյսն գեղեցիկ երեսօք յոյժ, կոյս՝ զոր
 այր ոչ գիտէր՝ էջ յաղբիւրն, և ելից զսա-
 փորն իւր՝ և ել: Ընթացաւ ծառայն ընդ-
 առաջ նորա՝ և ասէ, արբո՞ ինձ սակաւ մի
 ջուր ՚ի սափորոյ այդի:

Եւ նա ասէ, անբ Տէր, և փութացաւ
 իջոյց զսափորն ՚ի վերայ բաղկաց իւրոց, և
 արբոյց նմա: Եւ իբրև դադարեաց յըմպել-
 ոյ, ասէ՛ և ուղտուց քոց հանից աջուր մինչև
 ամենեքեան արբցեն: Եւ փութացաւ թա-
 փեաց զսափորն յաւաղանն, և ընթացաւ դար-
 ձեալ ՚ի ջրհորն հանել ջուր, և եհան ամե-
 նայն ուղտուց նորա: Եւ եղև իբրև դադար-
 եցին ամենայն ուղտքն յըմպելոյ, և էառ այրն

գինդս ոսկիս մի մի ըստ դահեկանի ձուլոյ .
 և երկուս ապարանջանս ՚ի ձերս նորա . ՚ի
 տանն դահեկանէ ձոյլ նոցա :

Եւ ասէ . ո՞ր դուստր ես դու , պատմեա՛ն ինձ՝
 թէ իցէ ՚ի տան քում մեզ տեղի իջեւանաց :
 Եւ ասէ ցնա . դուստր Բաթուէլի եմ ես որդե-
 ւոյ Մեւքեայ , զոր ծնաւ Նաքովրայ : Եւ աս-
 սէ . յարդ և խոտ շատ է մեր , և տեղի իջեա-
 նաց : Եւ ասէ օրհնեալ Տէր Աստուած տեառն
 իմոյ Աբրահամու . որ ոչ վրիպեցոյց զարդա-
 րութիւն իւր և զճշմարտութիւն ՚ի տեառնէ
 իմմէ . և ինձ յաջողեաց Տէր ՚ի տան եղբօր
 տեառն իմոյ : Եւ ընթացաւ աղջիկն պատ-
 մեաց ՚ի տան հօր իւրոյ ըստ բանիցն այնոցիկ :
 Եւ Ռեբեկայ էր եղբայր՝ որում անուն էր
 Լաբան , և ընթացաւ Լաբան առ այրն ար-
 տաքոյ յաղբիւրն :

Իբրև ետես զգինտան և զապարանջանն
 ՚ի ձեռս քեռ իւրոյ , և զի լուաւ զբանս Ռե-
 բեկայ քեռէ իւրմէ , որ ասէր , թէ այսպէս
 խօսեցաւ ընդիս այրն , և եկն առ այրն , մինչ
 կայր ՚ի վերայ ուղտուց իւրոց առ աղբերն :
 Եւ ասէ ցնա . եկ՛ մուտ ՚ի տուն օրհնեալ
 Տեառն , զի՞ կաս արտաքոյ , զի ես պատրաս-

տեցի տուն և տեղի ուղտուցդ : Եւ եմուտ այրն
 'ի տուն անդր, և իջոյց յուղտուցն, և ետուն
 յարդ և խոտ ուղտուցն, և ջուր լուանալոյ ոտից
 նորա, և ոտից նոցա, որք ընդ նմա էին : Եւ
 եդին Տաց առաջի նոցա ուտել, և նա ասէ ոչ
 կերայց մինչև խօսեցայց զբանս իմ : Եւ ասէ .
 ծառայ Աբրահամու եմ ես : Եւ Տէր օրհ-
 նեաց զտէր իմ յոյժ, և բարձրացաւ, և ետ նմա
 արջառ և ոչխար, և արծաթ և ոսկի, ծա-
 ռայս և աղախնայս, ուղտս և էշս :

Եւ ծնաւ Սառա կին տեառն իմոյ որդի մի
 յետ ծերութեան իւրոյ, և նմա ետ զամենայն
 որ ինչ էր նորա : Եւ ասաց տէր իմ, 'ի տուն
 հօր իմոյ երթիցես և 'ի տոհմ իմ, և առցես
 անտի կին որդւոյ իմում : Եւ ես ասացի ցտէր
 իմ, գուցէ ոչ գայցէ կինն ընդիս : Եւ ասէ
 ցիս . Տէր Աճ իմ օրում հաճոյ եղէ առաջինո-
 րա, նա առաքեսցէ զհրեշտակ իւր ընդ քեզ,
 և յաջողեսցէ զճանապարհս քո, և առցես կին
 որդւոյ իմում յազգէ իմմէ, և 'ի տանէ հօր
 իմոյ : Եւ իբրև եկի այսօր յաղբիւրն՝ ասեմ,
 Տէր Աստուած տեառն իմոյ Աբրահամու
 թէ յաջողեցեր ինձ զճանապարհս իմ, զոր ես
 այժմիկ եկեալ եմ :

Ահաւասիկ ես հասեալ կամ ՚ի վերայ աղբեր ջրոյս, և եղիցի կոյս, ցոր ես ասացից թէ արբո՛ ինձ սակաւ մի ջուր ՚ի սափորոյդ քու՞մէ : Եւ ասացէ ցիս անբ, և ուղտուցդ և սահանից ջուր, այնէ կին զոր պատրաստեաց Տէր վասն որդւոյ տեառն իմոյ : Եւ մինչև կատարեալ էր զխօսս ՚ի մտի իմում, անդէն վաղվաղակի ելանէր Ռեբեկա, և ունէր սափոր յուս իւր, էջ յաղբիւրն և էհան ջուր, և ասեմ ցնա արբո՛ ինձ : Եւ փութացեալ իջոյց զսափորն յինքէնէ՛ և ասէ, անբ դու, և ուղտուցս իմոց արբոյց :

Եւ հարցի ցնա և ասեմ, ո՞ր դուստր ես դու, պատմեա՛ ինձ, և նա ասէ, դուստր Բաթուէլի եմ ես որդւոյ Նաբովրայ : Եւ եղի դինտ յականջս նորա, և ապարանջանս ՚ի ձեռս նորա : Եւ երկրպագի Տեառն, և օրհնեցի զՏէր Աստուած տեառն իմոյ Աբրահամու, որ յաջողեաց ինձ ՚ի ճանապարհի աստ ճշմարտութեան : Արդ՝ եթէ առնէք դուք շնորհս և արդարութիւն առ տէր իմ, պատմեցէ՛ք ինձ, ապա թէ ոչ ցուցէ՛ք ինձ, զի դարձայց յաջ կամ յահեակ : Պատասխանի ետուն Լաբան և Բաթուէլ և ասեն, ՚ի Տեառնէ

եւ իրդ այդ, և մեք ոչ կարեմք հակառակ ինչ
չար ասել բարւոյ: Ահաւասիկ Ռեբեկա ա-
ռաջի քո, ան և գնան, և եղիցի կին որդւոյ
Տեառն քո, որպէս և խօսեցաւ Տէր:

Եւ եղև իբրև լուաւ ծառայն Աբրահամու
զբանս նոցա, երկիր եպագ Տեառն: Եւ ե-
հան ծառայն անօթս ոսկւոյ և անօթս ար-
ծաթոյ և զհանդերձ, և ետ ցՌեբեկա, և
ետ ընծայս եղբօր նորա, և մօրն: Վերին և
արբին նա և արքն որք ընդ նմա էին, և ննջե-
ցին, և յարուցեալ ՚ի վաղորդեայն անդր ասէ,
արձակեցէք զիս, զի երթայց առ տէր իմ:
Եւ ասեն եղբայր նորա և մայր, կացցէ կոյսն
աւուրս տասն, և ապա երթիցէ: Եւ նա ա-
սէ ցնոսա, մի՛ խափանէք զիս, զի տէր յաջո-
ղեաց զճանապարհ իմ, արձակեցէք զիս, զի
երթայց առ տէր իմ:

Եւ նոքա ասեն կոչեսցուք զաղճիկն, և
հարցցուք ՚ի բերանոյ նորա: Վոչեցին զՌե-
բեկա, և ասեն ցնա, երթամբ ընդ առնս
ընդ այսմիկ, և նա ասէ, երթամ: Եւ յու-
ղարկեցին զՌեբեկա զքոյրն իւրեանց, և
զինչս նորա, և զծառայն Աբրահամու, և
որք ընդ նմա էին: Եւ եւ Իսահակ բզբօս-

նույլ ՚ի դաշտին ընդ երեկո , ամբարձ զաջ
 իւր՝ և ետես , զի գային ուղտք տասն : Ամ-
 բարձեալ զաջս իւր Ռեբեկա՝ ետես զԻսա-
 Տակ , էջ վաղվաղակի յուղտէ անտի : Եւ ա-
 սէ ցժառայն ս՛վ է այրն՝ որ գայ ՚ի դաշտին
 ընդ առաջ մեր . և նա ասէ , նա է տէրն իմ ,
 և նորա առեալ զձորձսն էարկ զիւրև : Եւ
 պատմեաց ծառայն զամենայն զխօսն , զոր ա-
 րարեալ էր :

Եւ եմուտ ԻսաՏակ ՚ի տուն Սառայի մօր
 իւրոյ , և էառ զՌեբեկա , որ եղև նորա կին
 և սիրեաց զնա : Եւ այս են ամբ կենացն Աբ-
 րահամու , զորս եկաց՝ հարիւր եօթանասուն
 և հինգ ամբ : Եւ պահասեալ Աբրահամու
 մեռաւ ՚ի բարեոք ծերութեան , ալևորեալ
 և լի աւուրբք . և յաւելաւ ՚ի Ժողովուրդ
 իւր : Եւ թաղեցին ԻսաՏակ և Իսմայէլ որ-
 դիք նորա՝ յայրի անդ ՚ի կրկնում ագարակին
 Եփրօնի որդւոյ Սահառայ , որ է յանդիման
 Մամբրէի : Ագարակն , զոր ստացաւ Աբրա-
 համ յորդւոցն Քետայ , անդ թաղեցին զԱբ-
 րահամ և զՍառա զկին նորա :

Յակոբ և Եսայ :

ԵՒ էր Իսահակ ամաց քառասնից՝ յորժամ էառ զՌեբեկա զգուտար Բաթուէլի Ասորւոյ որ էր ՚ի միջագետաց Ասորւոց , զքոյր Լաբանու Ասորւոյ՝ իւր ՚ի կնութիւն : Եւ աչէր Իսահակ զՏէր վասն Ռեբեկայ կնոջ իւրոյ , զի ամուլէր , և եղեն երկու որդիք յորովայնի նորա : Եւ եկն որդին անդրանիկ շառաղոյն ամենեւին իբրև զմորթ թաւ , և անուանեաց զանուն նորա Եսաւ : Ապա ել եղբայր նորա , և ձեռն նորա զգարշապարէ Եսաւայ , և կոչեաց զանուն նորա Յակոբ : Եւ ածեցին մանկունքն , և էր Եսաւ այր հմուտ որսոյ վայրագ , և Յակոբ այր առանց պաճուճանաց ընդասուն :

Եւ սիրէր Իսահակ զԵսաւ , զի որս նորա կերակուր էր նմա , և Ռեբեկա սիրէր զՅակոբ : Եւ էր եփեալ Յակոբ թան , և եկն Եսաւ ՚ի գաշտէն նքթեալ : Եւ ասէ Եսաւ ցՅակոբ , տո՛ւր ինձ ՚ի ճաշակել ՚ի շիկաթանէդ յայդմանէ , զի նքթեալ եմ , վասն այնորիկ կոչեցաւ անուն նորա Եդոմ : Եւ ասէ Յակոբ ցԵսաւ , վաճառեմ ինձ այսօր

զանդրանկութիւն քո :

Եւ ասէ Եսաւ , ահաւասիկ ես երթամ ՚ի վախճանիլ , և առ իմէ՞ իցէ այն անդրանկութիւն : Եւ ասէ ցնա Յակոբ , երդուիր ինձ այսօր , և երդուաւ նմա , և վաճառեաց զանդրանկութիւն իւր Յակոբու : Եւ Յակոբ ետ Եսաւայ հաց և թան ոսպնեայ , կերաւ և էարբ և յարեաւ և գնաց , և անարգեաց Եսաւ զանդրանկութիւն իւր : Եւ եղև իբրև ծերացաւ Իսահակ , և վատեցին աչք նորա ՚ի տեսանելոյ , կոչեաց զԵսաւ զորդի իւր զերէց և ասէ ցնա , որդեանկ իմ , ևնա ասէ , ահաւասիկ ես :

Եւ նա ասէ ցնա , ահաւասիկ ես ծերացեալ եմ , և ոչ գիտեմ զօր վախճանի իմոյ : Արդ ան դու զգործիս քո զաղերշն և զկապարճ և ել ՚ի դաշտ , և որսն ինձ որս , և արն ինձ խորտիկս որպէս և ես սիրեմ , և բեր մատն ինձ , զի կերից , և օրհնեսցէ զքեզ անձն իմ մինչև մեռեալ իցեմ : Եւ լուաւ Ռեբեկա զի խօսէր ընդ որդւոյ իւրում , և գնաց Եսաւ ՚ի դաշտ սրսալ որս հօր իւրում :

Եւ խօսեցաւ Ռեբեկա ընդ Յակոբայ որդւոյ իւրում , և ասէ , ահա լուայ ես ՚ի հօրէ

քումմէ , զի խօսէր ընդ եղբօր քում , և տ-
սէր : Բեր ինձ որս , և արան ինձ խորտիկս , զի
կերից և օրհնեցից զքեզ առաջի Տեառն մինչ-
չև մեռեալ իցեմ : Եւ արդ՝ որդեանկ իմ ,
լուր ինձ որպէս ես պատուիրեմ քեզ : Գնան
դու 'ի դաշտն . և առ ինձ անդի երկուս ուլս
փափուկս և ընտիրս , և արարից զնոսա խոր-
տիկս Տօր քում , որպէս և սիրէ :

Եւ ասէ Յակոբ ցՌեբեկայ մայր իւր . եղ-
բայր իմ Եսաւ թաւ է , և ես լերկ : Գուցէ
շօշափիցէ զիս հայր իմ . և լինիցիմ առաջի
նորա արհամարհոտ և ածիցեմ 'ի վերայ իմ
անէծս , և ոչ օրհնութիւն : Եւ ասէ ցնա
մայրն իւր . յիմ վերայ անէծքն այն՝ որդեակ .
բայց միայն լուր ձայնի իմուս , և երթ ան-
զուլն ինձ : Եւ գնաց նա , և էառ և էած մօր
իւրում զուլն և արար մայր նորա խորտիկս սր-
պէս և սիրէր հայր նորա :

Եւ առեալ Ռեբեկայ պատմուճանս զազ-
նիւս որդւոյ իւրում զերիցու , որ կայր առ նմա
'ի տան , և զգեցոյց Յակոբայ որդւոյ իւրում
կրտսերոյ : Եւ զուլենիս ագոյց 'ի բազուկս
նորա . և 'ի վերայ մերկոյ պարանոցի նորա :
Եւ ետ զխորտիկն և զհացն զոր արար 'ի ձեռս

Յակօբայ որդւոյ իւրում : Եւ տարաւ Տօր
 իւրում , և ասէ . Տայր իմ . և նա ասէ աճա-
 ւասիկ եմ . և ասէ ո՞վ ես դու որդեակ : Եւ
 ասէ Յակօբ ցՏայր իւր . ես եմ Եսաւ անդ-
 ըանիկն քո . արարի որպէս և խօսեցար ընդ-
 իս . արի , նիստ և կէր յորսոյ իմմէ , զի օրՏ-
 նեացէ զիս անձն քո :

Եւ ասէ Իսահակ ցորդին իւր , զի է՞ , զի
 վաղվաղակի գտեր որդեակ . և նա ասէ . որ-
 պէս պատրաստեաց Տէր Աստուած առա-
 ջի իմ : Եւ ասէ Իսահակ ցՅակօբ , մօտ կէկ ,
 և շօշափեցից զքեզ , որդեակ . եթէ դ՞ու իցես
 որդին իմ Եսաւ , թէ ոչ : Մատեաւ Յակօբ
 առ Իսահակ Տայր իւր , շօշափեաց զնա և աս-
 տէ , ձայնդ՝ ձայն Յակօբայ , և ձեռքդ՝ ձեռք
 Եսաւայ : Եւ ասէ , դ՞ու ես որդին իմ Եսաւ .
 և նա ասէ , ես եմ : Եւ ասէ մատն ինձ և կե-
 ըից յորսոյ քումմէ , որդեակ . զի օրՏնեացէ
 զքեզ անձն իմ . և մատոց նմա . և եկեր , և
 եբեր գինի , և էարբ :

Եւ ասէ ցնա Իսահակ Տայր իւր . մօտ կէկ
 որդեակ և համբուրեան զիս : Եւ մատեաւ
 համբուրեաց զնա . և էառ զՏօտ հանդեր-
 ձից նորա . և օրՏնեաց զնա , և ասէ . աճա

Տոտ որդւոյ իմոյ իբրև զՏոտ անդոյ լիոյ, զոր
 օրհնեաց Տէր : Եւ տացէք եղ Աստուած 'ի
 ցողոյ երկնից և 'ի պարարտութենէ երկրի . և
 բազմութիւն ցորենւոյ և գինւոյ : Եւ ծա-
 ռայեցենք . քեզ ազգք . և երկրպագցենք . քեզ
 իշխանք . և եղիցիս տէր եղբօր քում և
 երկիրպագցենք . քեզ որդիք Տօր քո, որ անի-
 ծանէ զքեզ, անիծեալ լիցի . և որ օրհնեացէ
 զքեզ օրհնեալ : Եւ եղև յեա գաղարելոյ
 Խասահայ յօրհնելոյ անտի զՅակօբ զորդի
 իւր, իբրև ել Յակօբ յերեսաց Խասահայ
 Տօր իւրոյ . եւն եղբայր նորա յորսոյ : Աբար
 նա խորտիկս և մատոյց Տօր իւրում և ասէ
 ցՏայր իւր . յարիցէ Տայր իմ և կերիցէ յորսոյ
 որդւոյ իւրոյ, զի օրհնեացէ զիս անձն քո :

Եւ ասէ Խասահայ Տայր իւր . ո՞վ ես գու .
 և նա ասէ . ես եմ որդին քո անդրանիկ՝ Ե-
 սաւ : Եւ զարմացաւ Խասահայ զարմացումն
 մեծ յոյժ, և ասէ . իսկ այն ո՞վ էր, որ որսացաւ
 ինձ որս և եբեր, մատոյց ինձ և կերի յամենայ-
 նէ մինչև քո եկեալ էր . և օրհնեցի զնա և ե-
 ղիցի օրհնեալ : Եւ իբրև լուաւ զբանսն Խ-
 սահահայ Տօր իւրոյ, աղաղակեաց 'ի ձայն մեծ
 գառնացեալ յոյժ . և ասէ ցՏայր իւր . օրհ-


նե՛ճ և զիս հայր :

Եւ ասէ ցնա եկն եղբայր քո նե՛նգու-
թեամբ , և էառ զօրհնութիւնս քո : Եւ նա
ասէ . յիրաւի անունն կոչեցաւ Յակոբ . զի այս
երկիցս խաբեաց զիս , էառ զանդրանկու-
թիւն իմ , և արդ էառ զօրհնութիւն իմ ,
և ասէ Եսաւ ցհայր իւր , և ո՛չ մի՞ ինչ օրհ-
նութիւն թողեր ինձ , հայր : Պատասխանի
եա Իսահակ և ասէ ցԵսաւ . որովհետև տէր
զնա քեզ , և զամենայն եղբարս նորա արարի
նմա ծառայս , ցորենով և գինով հաստատե-
ցի զնա , քեզ զի՞նչ արարից որդեակ : Ասէ
Եսաւ ցհայր իւր . մի՞թէ մի օրհնութիւն իցէ
քոյ հայր , օրհնեան և զիս հայր : Համբարձ
զձայն իւր Եսաւ և ելաց :

Եւ պատասխանի եա Իսահակ հայր նորա
և ասէ ցնա , ահա ՚ի պարարտութեան եղի-
ցի բնակութիւն քոյ , և ՚ի ցօղոյ երկնից ՚ի
վերուստ եղիցի օրհնութիւն քո : Եւ սրով
քով կեցցես , և ծառայեսցես եղբօր քում , և
եղիցի յորժամ իշխանութիւն ունիցիս քակես-
ցես և լուծցես զլուծ նորա ՚ի պարանոցէ քու-
մէ : Եւ պա հէր Եսաւ սխա ընդ Յակոբու
վասն օրհնութեան որով օրհնեաց զնա հայր

իւր . և ասէ Եսաւ ՚ի մտի իւրում . մերձեսցին
աւուրք Տօր խնոյ . յայնժամ սպանից զՅակօբ
եղբայր իմ :

Ազգ եղին Ռեբեկայ բանքն Եսաւոյ որդե-
ւոյ իւրոյ երիցու . և յղեաց կոչեաց զորդի
իւր զկրտսեր զՅակօբ , և ասէ ցնա . ԱՏաԵ-
սաւ եղբայր քո սպառնայ սպանանել զքեզ :
Արդ ընդ որդեանի ձայնի իմում , և արի՛ գնա
՚ի միջագետս առ Լաբան եղբայր իմ ՚ի Խա-
ռանի : Եւ բնակեսցիս դու ընդ նմա աւուրս
բաղումս , մինչև անցցէ րամսու թիւն բար-
կութեան եղբօր քոյ ՚ի քէն և մոռացցէ
զոր ինչ արարեր նմա . և ապա առաքեցից
և կոչեցից զքեզ անտի : Գուցէ անդաւակի-
ցիմ յերկոցունց ՚ի ձէնջ ՚ի միւսմ աւուր :



ՌԵԲԵԿԱ ԼԵՎ :

Սոչեաց առ ինքն Իսահակ զՅակօբ և ա-
սէ ցնա . արի՛ , և գնա՛ ՚ի միջագետս Ասորոց
՚ի տուն Բաթուէլի Տօր մօր քոյ . և առ քեզ
կին ՚ի դստերաց Լաբանու եղբօր մօր քոյ :

Եւ գնաց Յակոբ յերկիրն արեւելից : Եւ
 հայեցաւ և ահա ջրհոր մի ՚ի դաշտի անդ ,
 և էին անդ երեք հօտք խաշանց մակաղեալք
 ՚ի նմա . և ՚ի ջրհորոյն յայնմանէ արբուցա-
 նէին զխաշինսն և վէմ մի մեծ կայր ՚ի վերայ
 բերանոյ ջրհորոյն : Եւ անդ ժողովէին ա-
 մենայն հօտք . և տապալէին զվէմն ՚ի բերա-
 նոյ ջրհորոյն , և տային զճուր խաշանցն , և
 կափուցանէին զվէմն ՚ի բերան ջրհորոյն
 անդրէն ՚ի տեղի իւր :

Եւ ասէ ցնոսա Յակոբ , եղբարք ուստի՞
 էք դուք . և նոքա ասեն . ՚ի Խառանէ եմք :
 Եւ ասէ ցնոսա գիտէ՞ք դուք զԼաբան զորդի
 Նաբովրայ . և նոքա ասեն , գիտեմք : Ասէ
 ցնոսա . ո՞ր ջրիցէ . և նոքա ասեն , որ ջրէ . և ա-
 հա Ռաբէլ դուստր նորա գայ ընդ խաշին-
 օրն : Եւ մինչ դեռ նա ընդ նոսա խօսէր , ա-
 հա Ռաբէլ դուստր Լաբանու գայր ընդ
 խաշինս հօր իւրոյ . քանզի նա արածէր զխա-
 շինս հօր իւրոյ : Եւ եղև իբրև ետես Յա-
 կոբ զՌաբէլ դուստր և զխաշինս Լաբանու
 եղբօր մօր իւրոյ , մատուցեալ Յակոբ տա-
 պալեցոյց զվէմն ՚ի բերանոյ ջրհորոյն , և
 արբոյց խաշանցն Լաբանու եղբօր մօր

իւրոյ : Եւ համբուրեաց Յակոբ զՌաֆէլ ,
 և ձայն եբարձ , և ելաց :

Եւ պատմեաց Յակոբ Ռաֆէլայ եթէ եղ-
 բայր հօր նորա էր , և որդի Ռեբեկայ , ըն-
 թացաւ կոյսն և պատմեաց հօր իւրում ըստ
 բանիցս այսոցիկ : Եւ եղև իբրև լուաւ Լա-
 բան զՅակոբու որդւոյ քեռ իւրոյ , ընթա-
 ցաւ ընդառաջ նորա , գիրկս էարկ , և համ-
 բուրեաց զնա , և տարաւ զնա ՚ի տուն իւր : Եւ
 ասէ Լաբան , յոսկերացս իմոց ես դու , և էր
 ընդ նմա ամսօրեայ մի ժամանակ : Եւ ասէ Լա-
 բան ցՅակոբ , զի եղբայր իմ ես դու , ոչ ծա-
 ուայեսցես ինձ ձրի , յայտ արն ինձ , զի՞նչ
 իցեն վարձք քո : Եւ Լաբանայ էին երկու
 դստերք , անունն երիցուն՝ Լիա , և անուն
 կրտսերոյ՝ Ռաֆէլ :

Աչք Լիայի գիճագոյնք , բայց Ռաֆէլ
 բարի էր տեսլեամբ և գեղեցիկ երեսօք :
 Եւ սիրէր Յակոբ զՌաֆէլ , և ասէ ծառայե-
 ցից քեզ եօթն ամ վասն Ռաֆէլայ դստեր
 քոյ կրտսերոյ : Եւ ասէ Լաբան , լաւ իցէ
 քեզ տալ զնա քան տալ առն օտարի , բնա-
 կեանց դու ընդիս : Եւ ծառայեաց Յակոբ
 վասն Ռաֆէլայ ամս եօթն , և էին յաչս նորա

իբրև առուրք սակաւք՝ քանզի սիրէր զնա : Եւ
ասէ Յակոբ ցԼաբան , տուր ինձ զկին իմ .
զիցեալ են առուրք : Եւ ժողովեաց Լաբան
զամենայն արս տեղւոյն և արար հարսանիք :
Եւ եղև երեկոյ առեալ Լաբանու զԼիա
դուստր իւր տարաւ առ Յակոբ :

Եւ ետ Լաբան Ջելփայ զաղախին իւր
նաժիշտ դստեր իւրում Լիայ : Եւ ասէ Յա-
կոբ ցԼաբան , զինչ՞ գործեցեր զայս . ո՞չ
վասն Ռաքելի ծառայեցիքեզ , ընդէն՞ խա-
բեցեր զիս : Ասէ Լաբան չեն օրէնք յաշ-
խարհի մերում տալ նախ կրտսերն քան զե-
րէցն : Արդ կատարեն եօթն ևս ամ ընդ-
նմա՝ տաց քեզ և զնա փոխանակ վաստակոցն ,
զոր վաստակեցերս ինձ զեօթն ամ ևս այլ :
Արար Յակոբ այնպէս , և կատարեաց զեօ-
թըն ևս ամ ընդ նորա՝ և ետ Լաբան զՌա-
քէլ դուստր իւր նմա՝ ի կնութիւն :

Եւ ետ Լաբան Ռաքէլի դստեր իւրում
զԲալլա զաղախին իւր՝ նաժիշտ : Եւ սիրեաց
Յակոբ զՌաքէլ քան զԼիա , և ծառայեաց
նմա այլ ևս եօթն ամ : Եւ ծնաւ Լիա Յա-
կոբայ որդիս վեց : Եւ ծնաւ Ռաքէլ զորդի-
յեա բազում ամաց , և կոչեաց զանուն

Թողո՞ւ Յո՞րհ զԼուսն

Նորա Յուսէփ :


Եւ մեծացաւ Յակոբ յոյժ յոյժ , և եղեն նորա ոչխար և արջառ յոյժ , և ծառայք , և աղախնայք , ուղտք և էջք : Եւ լուաւ նա զբանս որդւոցն Լաբանու՝ զի ասէին , եթէ էառ Յակոբ զամենայն ինչս Տօր մերոյ , արար անտի իւր զայն ամենայն փառս : Եւ ետես Յակոբ զերեսս Լաբանու և ահա ոչ էին ընդ նմա իբրև յերեկն և յեռանդ ըն : Եւ ասէ Տէր ցՅակոբ , դարձիր յերկիր Տօր քո և յաղգ քո և եղէց ընդ քեզ : Եւ յլեաց Յակոբ և կոչեաց զՌաֆէլ և զԼիա ՚ի դաշտ անդր , ուր խաշինքն էին : Եւ ասէ ցնոսա . տեսանեմ ես զերեսս Տօր ձերոյ , զի ոչ են ընդիս որպէս յերեկն և յեռանդն . և Աստուած Տօր իմոյ էր ընդիս : Եւ դուք գիտէք , զի յամենայն զօրութենէ ծառայեցի Տօր ձերում : Եւ հայր ձեր ընդ հարաւ ընդ իս , փոխեաց զվարձս իմ զտասն բծացդ . և ոչ ետ նմա Աստուած առնել ինձ չար : Եւ ասէ ցիս Աստուած ՚ի տեսլեան , Յակոբ , և ես ասեմ , զի է՞ : Եւ նա ասէ , քան-

զի տեսի որչափ ինչ առնէ ընդ քեզ Լաբան,
 արդ արի և եւ յերկրէս յայսմանէ, և երթ
 յերկիր ծննդեան քոյ: Պատասխանի ետուն
 Ռաբէլ և Լիա և ասենցնա, ամենայն մե-
 ծութիւն և փառք, զոր եհան Ասաուած ՚ի
 հօրէ մերմէ՝ մեզ եղիցի և որդւոց մերոց, արդ՝
 որ ինչ առաց քեզ Աստուած, արան: Յարեաւ
 Յակոբ էառ զկանայս և զմանկունս իւր և ե-
 հան զնոսս յուղտս: Եւ խաղացոյց զամե-
 նայն զինչս իւր, և զամենայն ստացուածս իւր,
 զոր արար ՚ի Միջագետս Ասորոց, երթալ առ
 Իսահակ հայր իւր յերկիրն Քանանացւոց:
 Ազգ եղև Լաբանու Ասորոյ յաւուրն երոր-
 գի եթէ գնաց Յակոբ: Եւ առեալ զեղբա-
 րս իւր ընդ իւր պնդեցաւ զինի նորա ճանա-
 պարհ զեօթն աւուր, և եհասնմա ՚ի լերինն
 Գաղատաու: Եւ ասէ Լաբան ցՅակոբ, ընդ-
 էր՞ արարեր զայդ, ընդէր՞ գաղտագնաց
 եղեր յինէն, և գողացար զիս, և վարեցեր
 զգատերս իմ՚բբև զգերեալս սրոյ: Եթէ ազգ
 արարեալ էր քո ինձ՝ առաքէի զքեզ ուրա-
 խութեամբ, և արուեստականօք թմբկաց և

քնարաց : Բարկացաւ Յակոբ և ասաց ցԼաբան . զինչ՞ վնասէ իմ , կամ զինչ՞ յանցանք են իմ , զի պնդեցար զՏեա իմ : Այս քսան ամէ , զի էի ընդ քեզ . ոչխարք քո և այծք քո ոչ ստերջեցան . և զխոյս մաքեաց քոց ոչ կերի : Չ գաղանաբեկն ոչ բերէի առ քեզ . այլ ես յանձնէ տուժէի . զգողոնի տունջեան , և զգողոնի գիշերոյ 'ի ձեռաց իմոյ պահանջէիր : Չ ցերեկ այրեալ լինէի 'ի տօթոյ և ըզցայգ 'ի ցրտոյ . հատեալ էր քուն յաչաց իմոց : Այս քսան ամէ 'ի տան քումէի , զչորեքտասան ամ փոխանակ դստերաց քոց վաստակեցի . և զվեց ամ 'ի իաշինս քո . և խաբեցեր զիս 'ի վարձս տասն բծացս : Եւ եթէ ոչ Աստուած հօր իմոյ , Աստուած Աբրահամու , և երկխղն Իսահակայ էր ընդ իս , այժմ թերևս ունայն իսկ արձակէիր զիս :

Եւ ասէ Լաբան . արդ եկ ուխտ դիցուք ես և դու . և եղիցի վկայութիւն ընդիս և ընդ քեզ : Եւ առեալ վէմ՝ կանգնեաց արձան Եւ ասէ ցեղբարսն իւր . կուտեցէք քարինս և կուտեցին քարինս և արարին բլուր . և կերին և արբին անդ 'ի վերայ բլրոյն : Եւ ասէ Լաբան . ահա կարկառս այս և ահա արձան

զոր հաստառեցաք, ընդ իս և ընդ քեզ, եղիցի վկայ, զի ես ոչ անցից ըստ կարկառոս, և մի՛ դու անցանիցես ըստ բլուրս և ըստ արձանըս ըստ այս՝ չարութեամբ: Եւ եղեն զինքիս ՚ի լերինն և կոչեաց՝ զեղբարս իւր ուտել զհաց, կերին և արբին և ագան ՚ի լերինն անդ: Եւ յարուցեալ Լաբան ՚ի վազիւ անդը համբուրեց զորդ իս իւր և զգոտերս իւր, և օրհնեաց զնոսա, և գնաց դարձարարեալ ՚ի տեղի իւր:



Պատմի՛ Յաշիֆ Եսաւայ:

Եւ առաքեաց Յակոբ հրեշտակս առաջ քան զինքն առ Եսաւ եղբայր իւր յերկիրն ՚ի Սէիր յաշխարհն Եդովմայ: Պատուէր ետնոցա և ասէ, այսպէս ասասջիք տեառն իմում Եսաւայ, թէ այսպէս ասէ ծառայ քոյ Յակոբ, ընդ Լաբանայ կեցի և յամեցայ մինչև ցայժմ: Եւ եղեն իմ արջառ և ոչխար և էջք և ծառայք, և աղախնեայք, և առաքեցիպատմել տեառն իմում Եսաւայ զի գըտցէ ծառայ քոյ շնորհս առաջի քոյ: Եւ դար-

ձեալ հրեշտակացն առ Յակոբ՝ և ասեն . չոքաք առ Եսաւ եղբայրքո , և գայ ընդ առաջ քո , և չորեքհարիւր արք ընդ նմա :


Եւ զասի հարաւ Յակոբ . և տարակուսեալ էր : Եւ ննջեաց անդ զայն գիշեր . և էառ յորոց ածէրն ձեռամբ իւրով պատարագըս , և առաքեաց Եսաւայ եղբօր իւրում : Այծս երկերիւր , քաղս քսան , և ցուլս տասն մաքիս երկերիւր , խոյս քսան : Ուղտս ծնընդականս կողուամբ հանդերձ երեսուն , կովս քառասուն , էշս քսան , և մտրուկս տասն : Եւ ետ ՚ի ձեռս ծառայից իւրոց հօտս հօտս առանձինն , և ասէ ցծառայս իւր . երթայք յառաջ քան զիս , բացադոյնս ՚ի միմեանց տանիցի հօտ ՚ի հօտից : Պատուիրեաց առաջնոյն և ասէ . եթէ պատահիցէ քեզ Եսաւ եղբայրիմ . և հարցանիցէ թէ ո՞յր ես և յո՞ երթաս , և ո՞յր է այդ , որ առաջի քոյ երթայ : Ասացեա . ծառայի քո Յակոբայ պատարագ են , զոր առաքեաց տեառն իւրում Եսաւայ . եւ ինքն զկնի մեր գայ : Պատուիրեաց առաջնոյն , և երկրորդին , և երրորդին , և ամենեցուն , որք երթային յառաջ զհետ խաշանցն և ասաց . ըստ բանիցս այ-

սոցիկ և խօսեցըիք ընդ Եսաւայ՝ յորժամ
 դտանիցէք զնա : Եւ յարուցեալ ՚ի նմին գի-
 շերի էառ զերկուս կանայսն , և զերկուս ա-
 ղախնայս , և զմեաասան որդիսն իւր . և էանց
 ընդ հունն Յակոբայ : Չաչս իւր ՚ի վեր ամ-
 բարձ Յակոբ , ետես և ահա Եսաւ եղբայր
 իւր գայր . և ընդ նմա արք չորեքհարիւրք
 և բաշխեաց Յակոբ զմանկունս ՚ի Լիա և ՚ի
 Ռաքէլ , և յերկուս աղախնայս : Եւ արար
 զերկուս աղախնայսն և զորդիս նոցա առա-
 ջի , և զԼիա և զորդիս նորա զկնի , ևս ըզ-
 Ռաքէլ և զՅովսէփ հուսկյետոյ : Եւ ինքն
 էանց յառաջ քան զնոսա , և երկիր եպագ-
 եօթն անգամ ՚ի վերայ երկրի , մինչև մերձե-
 նալ առ եղբայր իւր : Ընթացաւ Եսաւ ընդ
 առաջ նորա , գիրկս էարկ և համբուրեաց .
 և անկաւ ՚ի վերայ պարանոցի նորա և համ-
 բուրեաց զնա և լացին երկոքեան : Հայե-
 ցեալ ՚ի վեր ետես զկանայս և զմանկունս ,
 և ասէ . դուքա զինչ են քո . և նա ասէ .
 մանկունք իմ են . որովք սղորմեցաւ Աստու-
 ած ծառայի քում : Եւ մատեան աղախնայ-
 քրն և որդիք նոցա , և երկիր պագին նմա :
 Եւ մատեաւ Լիա և որդիք իւր և երկիր պա-

գին նմա , յետոյ մատեաւ Յովսէփ և Ռա-
 ֆէլ , և երկիր պագին նմա : Եւ ասէ , զի՞նչ
 էր այն ամենայն չու , որ ինձ դիպեցաւ : Եւ
 նա ասէ , զի գտցէ շնորհս ծառայ քո առաջի
 քո : Եւ ասէ Եսաւ , կայ և իմ շատ եղբայր .
 քեզ լիցի քոյդ : Եւ ասէ Յակոբ , ան զօրհ-
 նութիւնսդ իմ զոր մատուցի քեզ , և բռնա-
 դատեաց զնա և էսաւ : Եւ ասէ , չուեսցուք
 և երթիցուք , և ես ըստ կարի ըստ պարա-
 պոյ ճանապարհիդ առաջի իմ , և ըստ կազ-
 դուրել մանկանց խաղացից , մինչև գնացից
 առ տէր իմ , ՚ի Սէիր : Եւ ասէ Եսաւ , իսկ
 թողից առ քեզ ՚ի Ժողովրդեանէ՝ աստի որք
 ընդիս են , և նա ասէ , ընդէլ՞ է ինձ այդ .
 շատ է , զի գտի շնորհս առաջի քո տէր : Եւ
 դարձաւ յաւուր յայնմիկ Եսաւ ընդ ճանա-
 պարհ իւր ՚ի Սէիր

Եւ Յակոբ չուեաց , և արար իւր անդ-
 տունս , և խաշանց իւրոց դադարս . վասն
 այնորիկ կոչեաց զանուն տեղւոյն այնորիկ
 խորանս : Եւ եկն Յակոբ ՚ի Սալէմ քաղաք
 Սիկիմացոց , որ է յերկրին Քանանացոց ,
 իբրև եկն ՚ի Միջագետաց Ասորոց , բնա-
 կեցաւ յանդիման քաղաքին և , տացաւ ըզ-

վիճակ յանդի , ուր է հար զխորանն իւր յԵ-
մովրայ հօրէ Սիւքեմայ հարիւր ոչխարի :
Եւ շինեաց անդ սեղան , և կարգաց զԱստ-
ուած Իսրայէլի :




Աստուծոյ Աստուած զՅակոբ 'ի Բեթէլ :

Եւ ասէ Աստուած ցՅակոբ , արի՛ անց
'ի տեղին 'ի Բեթէլ , և անդ բնակեացիս :
Եւ ասէ Յակոբ ցընտանիս տան իւրոյ , և ցա-
մենեսին որք ընդ նմա էին . յարուցեալ ելցուք
'ի Բեթէլ , և արասցուք անդ սեղան Աստ-
ուծոյ որ լուաւ ինձ յաւուր նեղութեան իմոյ ,
որ էր ընդիս , և ասրեցոյց զիս 'ի ճանապար-
հին՝ զոր գնայի : Եւ չուեցին նոքա . և ե-
ղև աս 'ի վերայ քաղաքացն , որք շուրջ զնո-
վաւ և ոչ ելին զհետ որդւոցն Իսրայէլի : Եւ
եկն Յակոբ 'ի Լուզա . որ է յերկրին Քանա-
նացւոց՝ այն ինքնէ 'ի Բեթէլ , ինքն և ամե-
նայն ժողովուրդն որք ընդ նմա : Եւ շի-
նեաց անդ սեղան , և կոչեաց զանուն տե-
ղոյն Բեթէլ : Եւ դարձեալ երևեցաւ Աստ-
ուած Յակոբայ յորժամ եկն 'ի Միջագե-

տաց Ասորաց , և օրհնեաց զնա , և ասէ
 ցնա . անունդ քո ոչ Յակոբ , այլ Իսրայէլ ե-
 ղիցի՛ և կոչեաց զանուն նորա Իսրայէլ : Եւ
 ասէ ցնա Աստուած , ես եմ Աստուած՝ քո
 բաւական՝ աճեւթի՛ր , և բազմասթի՛ր ազգք և
 ժողովուրդ ազգաց եղիցին ՚ի քէն , և թա-
 գաւորք յերանաց քոց ելցեն : Եւ զեր-
 կիրդ զոր ետու Աբրահամու և Իսահակայ
 զդա քեզ տաց , և զաւակի քում յետ քո : Եւ
 վերացաւ ՚ի նմանէ Աստուած ՚ի տեղւոջն
 ուր խօսեցաւ ընդ նմա :

Եւ կանգնեաց Յակոբ ՚ի տեղւոջն ուր խօ-
 սեցաւ ընդ նմա Աստուած արձան քարեղէն
 և նուիրեաց ՚ի նմա նուէրս . էարկ ՚ի վերայ
 իւղ : Եւ չուեցին ՚ի Բեթելայ , և եղև իբրև
 մերձեցաւ Յակոբ ՚ի Քեբրաթայ երկիր մտա-
 նել յԵփրաթայ մեռաւ Ռաքել , և թա-
 ղեցին ՚ի ճանապարհին Եփրաթայ , այն իսկէ
 Բեթղէհէմ : Եւ կանգնեաց Յակոբ արձանս
 ՚ի վերայ շիրմի Ռաքելայ մինչև ցայսօր ժա-
 մանակի Եւ չուեաց Իսրայէլ , և էհար ըզ-
 խորան իւր յայնկոյս աշտարակին Գաղերայ :
 Եւ եկն առ Իսահակ հայր իւր ՚ի Մամբրէ
 ՚ի քաղաք դաշտի , այնէ Քեբրօն յերկրին

Քանանացւոց , ուր պանդխտեցան Աբրահամ և Իսահակ : Եւ եղին ամենայն աւուրք Իսահակայ զոր եկեաց , ամք հարիւր և ութ սուն : Եւ պակասեալ Իսահակայ մեռաւ և յաւելաւ յաղգ իւր , ծերացեալ և լի աւուրքք , և թաղեցին զնա Եսաւ և Յակոբ :



Յովսէփ և եղբարք նորա :

Եւ բնակէր Յակոբ յերկրին ուր պանդխտեցաւ հայր նորա՝ յերկրին Քանանացւոց : Արդ ունէր Յակոբ զորդիս տասն բաց յերկուց որդւոցն սիրելի կնոջ իւրոյ Ռաքելայ ՚ի Յովսէփայ և ՚ի Բենիամինէ : Սոքա էին երկոտասան Նահապետքն : Բայց Իսրայէլ սիրէր զՅովսէփ առաւել քան զամենայն որդիս իւր , քանզի որդի ծերութեան էր նորա . և արար պատմուճան ծաղկեայ : Եւ իբրև տեսին եղբարք նորա թէ սիրէր զնա հայրն քան զամենայն որդիս իւր , ատեցին զնա և ոչ կարէին խօսել ինչ ընդ նմա խաղաղութք : Ետես երազ Յովսէփ՝ և պատմեաց եղբարց իւրոց , և յաւելին ևս ատել զնա :

Եւ ասէ ցնոսա լուարութ զերազն , զոր
 տեսի : Թուէր եթէ զորայ կապէաք ՚ի դաշ-
 տի միում , կանգնեցաւ որայն իմ , և եկաց ուղ-
 զորդ . և դարձան որայքն ձեր և պագին եր-
 կիր իմոյ որային : Եւ ասեն եղբարքն իւր մի՞
 թէ թագաւորելով թագաւորեցես ՚ի վերայ
 մեր , կամ տիրելով տիրեցես մեզ . և յաւե-
 լին ևս ատել զնա վասն երազուն նորա , և
 վասն բանից նորա , Եւ ետես միւս ևս երազ
 և պատմեաց հօր իւրում և եղբարց իւրոց ,
 և ասէ . ահա տեսանէի միւս այլ երազ որ-
 պէս թէ արեգակն և լուսին և մետասան տս-
 տեղք երկիր պագանէին ինձ : Սաստեաց նը-
 մա հայրն իւր և ասէ . զինչ է երազն զոր
 տեսեր . արդ գալի՞վ դայցեմք ես և մայր քոյ
 և եղբարք քո և երկիր պագանիցեմք քեզ :
 Եւ նախանձեցան եղբարքն իւր . բայց հայրն
 պահէր զբանսն : Եւ գնացին եղբարք նորա
 արածել զխաշինս հօր իւրեանց ՚ի Սիւփէմ :
 Եւ ասէ Իսրայէլ ցՅովսէփ ոչ աւանիկ եղբարք
 քո արածեն զխաշինս ՚ի Սիւփէմ . եկ առա-
 քեցից զքեզ առ նոսա : Եւ առաքեաց զնա
 ՚ի ծործորոյ Քեփրօնի . և եկն ՚ի Սիւփէմ :
 Եւ եգիտ զնա այր մի մուրեալ ՚ի դաշտին


ե հարց ցնա այրն և ասէ . զինչ[՞] խնդրես : Եւ նա ասէ . զեղբարսն իմ խնդրեմ . պատմեա՛ ինձ սուր արածեն զխաշինս : Եւ ստէ ցնա այրն . բարձին աստի . և լուայ զի ասէին . երթիցուք ՚ի Գոթայիմ . և գնաց Եովսէփ զհետ եղբարցն իւրոց . և եղիտ զնոսա ՚ի Գոթայիմ : Տեսին զնա եղբարքն յառաջագոյն ՚ի հեռաստանէ , մինչև մօտ եկեալ էր առ նոսա : Եւ ասեն իւրաքանչիւր ցեղբայր իւր , ահա երազատեսն գայ : Եկայք սպանցուք զնա և ընկեցուք ՚ի մի ՚ի գբոց աստի . և ասացուք եթէ գաղան չար եկեր զնա . և տեսցուք զինչ[՞] լինիցի երազն նորա : Իբրև լուաւ Ռուբէն , կորզեաց զնա ՚ի ձեռաց նոցա , և ասէ մի՛ հարցուք զդա յողի :

Եւ ասէ ցնոսա Ռուբէն . մի՛ հեղցուք զարիւն . այլ արկէք զնա ՚ի գուբ մի յանապատի աստ : Եւ եղև իբրև եկն Եովսէփ առ եղբարս իւր , մերկացուցին զպատմութեանն ՚ի նրմանէ : Եւ առին ընկեցին զնա ՚ի գուբն , և գուբն ունայն էր և ջուր ոչ գոյր ՚ի նմա : Եւ նստան ուտել զհաց . զաչս ՚ի վեր բարձեալ տեսին . և ահա ճանապարհորդք Իսմայէլացիք գային ՚ի Գաղաադէ , և ուղտք նոցա

ի էին խնկօք , և ստաշխամբ , և ուետնիւ .
 և երթային իջուցանել յԵգիպտոս : Եւ ասէ
 Յուդա ցեղբարսն իւր զինչ[՞] օգուտ է եթէ
 սպանանիցեմք զեղբայր մեր : Եկնայք վաճա-
 ուեսցնուք զնա Իսմայէլացւոցն , և ձեռն մեր
 մի՛ շաղախեսցին ՚ի նմա . զի եղբայր մեր է . և
 լուան եղբարքն իւր : Եւ ձգեցին Տանին
 զՅովսէփ ՚ի գբոյ անտի . և վաճառեցին ըդ-
 նա քսան արծաթի : Եւ իջուցին զՅովսէփ
 յԵգիպտոս :

Եւ դարձաւ Ռուբէն ՚ի գուբն , և ոչ ե-
 գիտ զՅովսէփ ՚ի գբի անդր , պատառեաց
 զՏանդերձս իւր , և դարձաւ առ եղբարսն
 իւր և ասէ , պատանեակն չէ անդ . և ես արդ
 յս[՞] երթայց : Եւ առեալ զպատմուճանն Յով-
 սեփայ , զենին զուլ այծեաց և թաթաւե-
 ցին զպատմուճանն յարեանն : Եւ առաքե-
 ցին զպատմուճանն ծաղկեայ տանել առ Տայր
 իւրեանց , և ասեն , զայդ գտաք . ծանիր
 եթէ որդւոյ քս[՞] իցէ պատմուճանդ . և եթէ
 ոչ : Եւ ծանեաւ զնա , և ասէ պատմուճանս
 որդւոյ իմոյ է , գազան չար եկեր զնա . գա-
 զան յափշտակեաց զՅովսէփ : Եւ պատառեաց
 Յակօբ զՏանդերձս իւր և քուձ զգեցաւ ՚ի

վերայ որդւոյն իւրոյ աւուրս բաղումն : Եւ
 ժողովեցան ամենայն ուստերք և դասերք նո-
 րա . և եկին միխիթարել զնա . և ոչ կամէր
 միխիթարիլ , և ասէ իջից ես սովին սգով 'ի
 դժոխս առ որդի իմ . և ելաց զնա հայրիւր :
 Իսկ Մառիանացիքն վաճառեցին զՅովսէփ
 յԵգիպտոս Պետափրեայ ներքինւոյ դահ-
 ճապէտի Փարաւօնի :



Յովսէփ և Պետափրէս :

Եւ էր Տէր ընդ Յովսէփայ . և էր յաջո-
 դակ , և եղև 'ի տան տեառն իւրոյ յԵգիպ-
 տոս : Եւ գիտաց տէր նորա՝ թէ Տէր ընդ
 նմա է , և զամենայն զինչ և առնէր՝ Տէր յաջո-
 դէր 'ի ձեռս նորա : Եւ եգիտ Յովսէփ շնոր-
 հըս առաջի տեառն իւրոյ , զի հաճոյ էր նմա .
 և կացոյց զնա 'ի վերայ տան իւրոյ և զամենայն
 ինչ որ իւր էր՝ ետ 'ի ձեռս Յովսէփայ : Եւ
 եղև յետ կացուցանելոյ զնա 'ի վերայ տան
 իւրոյ և 'ի վերայ ամենայն իրի , որ ինչ էր
 նորա՝ օրհնեաց Տէր զտուն Եգիպտացւոյն

վանն Գովսեփայ , և եղև օրհնութիւն Տեա-
 ուրն 'ի վերայ ամենայն ընչից նորա , 'ի տան և
 յանդի : Եւ եղև յետ բանիցս այսոցիկ , զի
 խորհէր կին տեառն նորա առնել չար Գով-
 սեփայ և խնդրէր ատելի առնել զնա առաջի
 առն իւրոյ : Եւ եղև օր ինչ այնպիսի , մտեալ
 Գովէփ 'ի տունն գործել զգործ ինչ իւր , և
 ոչ ոք էր անդ յընտանեաց անտի 'ի ներքս :
 Բնուն եհար զձորձոց նորա և ասէ , ննջեան
 ընդիս , և նորա թողեալ զձորձս իւր 'ի ձեռս
 նորա փախեաւ և ել արտաքս : Նմին իրի կո-
 չեաց նա զընտանիս տանն և ասէ , տեսէք ,
 զի էա՞ծ մեզ ծառայ Եբրայեցի խաղ առնել
 զմեզ , եմուտ առիս , և ասէ ննջեան ընդիս ,
 և ես աղաղակեցի 'ի ձայն բարձր : Եւ իբրև
 լուաւ թէ մեծաբարբառ աղաղակեցի , ե-
 թող զձորձսն իւր առիս , և փախեաւ և ել
 արտաքս : Եւ եղ ձորձսն առ իւր՝ մինչև ե-
 կըն տէր իւր : Եւ խօսեցաւ ըստ բանիցս այ-
 սոցիկ , և ասէ եմուտ առիս ծառայն Եբրայ-
 եցի զոր ա՞ծեր խաղ առնել զիս : Իսկ իբրև
 լուաւ թէ բարձրացուցի զբարբառ իմ , և ա-
 ղաղակեցի եթող զձորձսն իւր յիս , և փախեաւ
 և ել արտաքս : Եւ եղև իբրև լուաւ տէր

Նորա զբանս կնոջն իւրոյ , զոր խօսեցաւ ընդ
 նմա , բարկացաւ սրտմտութեամբ :



Յովսէփ 'ի Բանի :

Եւ էառ տէրն Յովսեփայ և էարկ զնա 'ի
 բանտ 'ի տեղին ուր կալանաւորքն արքունի
 կապեալ կային 'ի բանտին : Եւ էր Տէր ընդ
 Յովսեփայ , և էարկ զնովաւ ողորմութիւն .
 և ետ նմա շնորհս առաջի բանդապետին :
 Եւ ետ բանդապետն զբանդն 'ի ձեռս Յովսե-
 փայ , և զամենայն կալանաւորս , որք էին 'ի
 բանտի անդ , և զամենայն զոր ինչ գործէին
 նա էր որ գործէր : Եւ ոչինչ գիտէր բանդա-
 պետն վասն նորա , զի ամենայն ինչ 'ի ձե-
 ռքս Յովսեփայ էր , քանզի Տէր էր ընդ
 նմա , և զոր ինչ գործէր նա՝ Տէր յաջողէր
 'ի ձեռս նորա : Եւ եղև յետ բանիցս այսո-
 ցիկ յանցեան տակառապետ և մատակարար
 արքային Եգիպտացւոց : Եւ բարկացաւ
 Փարաւոն 'ի վերայ նոցա : Եւ եղ զնոսա 'ի
 բանտի առ գահճապետին , և Յովսէփ կայր


նոցա 'ի սպասու , և էին աւուրս երիս 'ի
բանտի անդ :

Եւ տեսին երազ երկոքին , իւրաքանչիւր
'ի միում գիշերի : Եւ եմուտ առ նոսա Յով-
սէփ ընդ առաւօտն , և ետես զնոսա և էին
խռովեալք : Եւ եհարց ցնոսա և ասէ , ընդ-
է՞ր տրտում են երեսք ձեր այսօր : Եւ նոքա
ասեն ցնա , երազ տեսաք և ոչ ոք է՞ որ մեկ-
նէ մեղ , ասէ ցնոսա Յովսէփ , ոչ ապաքէն 'ի
ձեռն Աստուծոյ իցէ մեկնութիւննոցա , պատ-
մեցէ՛ք ինձ : Եւ պատմեաց տակառապեան
զերազ իւր Յովսէփայ՝ և ասէ , թուէր 'ի
տեսլեան իմում որթ մի առաջի իմ : Եւ որ-
թ ըն ունէր երեք ուռս , կանաչ յոյժ , և
և ունէր երիս ողկոյզս հասեալ խաղողոյ :
Եւ բաժակն Փարաւոնի 'ի ձեռին իմում , առ-
նուի զխաղողն , և ճմէի 'ի բաժակն Փարա-
ւոնի , և տայի բաժակն 'ի ձեռս Փարաւոնի :
Եւ ասէ ցնա Յովսէփ , այսէ մեկնութիւն
դորա , երեք ուռքն երեք աւուրք են : Այլ
ևս երեք աւուրք , և յիշեցէ Փարաւոն զիշ-
խանութիւն քո , և անդէն 'ի նմին տակառա-
պետութեան քում կացուցէ ըստ առաջնոյ
ի՛շխանութեան քոյ , որպէս և է իրն տակառո

պետ Այլ զիս յիշեօջի՛ր որպէս բարի լիցի
քեզ և արասցես ինձ ողորմութիւն , և յիշե-
ցես զիս առաջի Փարաւոնի , և Տանցես ՚ի
բանտէս յայսմանէ : Զի գողանալով գողա-
ցան զիս յերկրէն Եբրայեցւոց , և արդ ոչինչ
արարի , և արկին ՚ի տուն գբոյս այսորիկ : Իբ-
րև ետես մատակարարն թէ ուղիղ մեկնեաց
ասէ ցՅովսէփ , և ես տեսանէի յերազի՛ թու-
էր ինձ թէ երիս խանս նաշհոյ ունէի ՚ի գլուխ
իմ : Եւ ՚ի վերնում խանին յամենայնէ զսր
ուտէր արքայ Փարաւոն գործ մատակարա-
րաց , և թռչունք ուտէին զնա ՚ի խանէ անտի՛
որ էր ՚ի վերայ գլխոյ իմոյ :

Պատասխանի ետ Յովսէփ և ասէ ցնա ,
այսէ մեկնութիւն գորա , երեք խանք երեք
աւուրք են : Յետ երից աւուրց բարձցէ Փա-
րաւոն զգլուխ քո ՚ի քէն և կախեացէ զքեզ
՚ի փայտէ , և կերիցեն թռչունք երկնից ըզ-
մարմինս քո ՚ի քէն : Եւ եղև յաւուրն երոր-
դի օր ծննդոց էր Փարաւոնի , և առնէր ու-
րախութիւն ամենայն ծառայից իւրոց , և յի-
շեաց և զիշխանութիւն տակառապետին , և
զիշխանութիւն մատակարարին ՚ի մեջ ծառա-
յից իւրոց : Եւ կացոյց զտակառապետն ան .

դէն յիշխանութեան իւրում , և ետ դբա
 ժախնի ձեռս Փարաւոնի : Եւ զմատակարա-
 րըն կախեաց ՚ի փայտէ որպէս և մեկնեաց
 Յովտէփ : Եւ ոչ յիշեաց տակառապեան ըղ-
 Յովտէփ , այլ մոռացաւ զնա :



Յովտէփ և Փարաւոն :

Եւ եղև յետ երկուց ամաց ետես Փարա-
 ւոն երազ , թուէր թէ կայցէ առ եզր գետոյ ,
 և ահա որպէս թէ ՚ի գետոյ անտի ելանէին
 եօթն երինջք գեղեցիկք տեսլեամբ , և ըն-
 տիր մարմնով , և արածէին ՚ի խաղի անդ : Եւ
 այլ ևս եօթն երինջք ելանէին յետ նոցա ՚ի
 գետոյ անտի զաղիրք տեսլեամբ և վտիտք մար-
 մնով և արածէին առ այլ երնջովքն առ ե-
 զեր գետոյն : Եւ ուտէին եօթն երինջքն
 զաղիրք տեսլեամբ և վտիտ մարմնովք զեօ-
 թըն երինջն զգեղեցիկս տեսլեամբ և
 զընտիրս :

Չարթեաւ Փարաւոն , և անդրէն ՚ի քուն
 եմուտ , և ետես երազ երկրորդ , և ահա

եօթն հասկօք ելանէին ՚ի միում փնջի ըն-
տիրք և գեղեցիկք : Եւ ահա եօթն այլ
հասկօք սինք և խորշակահարք ելանէին
յետ նոցա : Եւ կլանէին սինքն զեօթն հաս-
կըսնտիրս և զատոքս : Զարթեալ Փարա-
ւոն և էր երազ : Եւ եղև առաւօտ . և անձն
նորա խռովեցաւ . և առաքեաց կոչեաց զամե-
նայն երազահանսն Եգիպտոսի և զամենայն
իմաստունս նորա . և պատմեաց Փարաւոն զե-
րազն իւր . և ոչ ոք էր որ մեկնէր զերազն Փա-
րաւոնի :

Եւ խօսեցաւ տակառապետն առաջի Փա-
րաւոնի և ասէ զյանցանս իմ յիշեցուցանեմ
այսօր : Բարկացաւ Փարաւոն ծառայից իւ-
րոց , և եղ զմեզ ՚ի բանտի ՚ի տան դահճա-
պետին , զիս և զմատակարարն : Եւ տեսաք
երկոքին երազ ՚ի միում գիշերի ես և նա :
Եւ էր անդ ընդ մեզ պատանի մի մանուկ Եբ-
րայեաց , ծառայ դահճապետին և պատմեցաք
նմա և մեկնեաց մեզ զերազն մեր . առն ըստ
իւրանքաչիւր երազոյ մեկնեաց . և եղև որ-
պէս և մեկնեացն մեզ , ինձ գալ հասանել
յիշխանութեան . և նորա կախիլ զփայտէ : Ա-
ռաքեաց Փարաւոն և կոչեաց զՅովսէփ , և

Տանին զնա 'ի բանտ անտի , փոքրեցին ըզ
Տերս նորա , և փոխեցին զպատմութեան նորա ,
և եկն առաջի Փարաւոնի : Եւ ասէ Փարա-
ւոն ցՅովսէփ երազ ատի , և չիք որ որ մեկ-
նէ զնա , բայց ես լուայ զքէն ասել , եթէ լը-
սես զերագս և մեկնես : Պատասխանի ետ
Յովսէփ և ասէ ցՓարաւոն , առանց Աստու-
ծոյ ոչ լինիցի պատասխանի փրկութեան Փա-
րաւոնի : Եւ պատմեաց Փարաւոն Յովսէփայ
զերագն իւր՝ որ տեսեալ էր :

Եւ ասէ Յովսէփ ցՓարաւոն երազն Փա-
րաւոնի միէ , զոր ինչ Աստուած առնելոց է՝ ե
ցոյց Փարաւոնի : Եօթն երկնջքն գեղեցիկք
եօթն ամբ են , և եօթն Տասկքն գեղեցիկք
եօթն ամբ են , երազն Փարաւոնի մի է : Եօ-
թըն երկնջք տգեղք և վախք , որք ելա-
նէին զՏէտ նոցա , եօթն ամբ են , և եօթն
Տասկքն ոսինք և խորշակահարք , լիցի եօ-
թըն ամսով : Ահա եօթն ամբ եկեսցեն բա-
զում լիութեամբ յամենայն երկրին Եգիպ-
տացոց : Եւ յետ այնորիկ եկեսցէ եօթն ամ-
սովու , և մոռացին զլիութիւնն յամենայն
երկրին Եգիպտացոց , և սպառեսցէ սովն
զերկիրն : Եւ արդ տես խնդրեալ այր մի ի-


մատուն և խորհրդական Փարաւոնի, և կացուցես զնա 'ի վերայ երկրիս Եգիպտացւոց, և արասցէ և կացուցցէ գործակալ Փարաւոնի 'ի վերայ երկրիս, և Տինգերորդեսցեն զարմտիս երկրիս Եգիպտացւոց զէօթն ամացըն լիութեան : Եւ ժողովեսցի ցորեան ընդ ձեռամբ Փարաւոնի, և կերակուրք 'ի քաղաքըս պահեսցին : Եւ եղիցին կերակուրքն պահեալ երկրիս յէօթն ամս սովուն, որք լինիցին յերկրիս Եգիպտացւոց, և մի' սատակեցի երկիրս սովու :

Եւ հաճոյ թուեցաւ բանն առաջի Փարաւոնի, և առաջի ամենայն ծառայից իւրոց : Եւ ասէ Փարաւոն ցամենայն ծառայս իւր, մի թէ՞ գտանիցեմք այր այնպիսի, որ ունիցի զոգի Աստուծոյ յանձին իւրում : Եւ ասէ Փարաւոն ցՅովսէփ, որովհետեւ եցոյց քեզ Աստուած զայդ ամեայն, չիք այր խորհրդական և իմաստնագոյն քան թէ զքեզ : Դու լիցիս 'ի վերայ տան իմոյ և բերանոյ քում հնազանդ լիցի ժողովուրդն իմ, բայց աթոռովս 'ի վեր եղէց քան զքեզ : Եւ հանեալ Փարաւոն ըզմատանի իւր 'ի ձեռանէ իւրմէ եդ 'ի ձեռին Յովսէփայ և զգեցոյց պատմութեան բեհեղեայ

և էարկ ոսկի 'ի պարանոց նորա : Եւ եհան զնա յերկրող կառս իւր , և քարոզ կարգայր առաջի նորա :

Եւ կացոյց զնա 'ի վերայ երկրին Եգիպտացւոց : Եւ էր Յովսէփ ամաց երեսնից , յորժամ ընծայեցաւ առաջի Փարաւոնի արքային Եգիպտացւոց : Եւ Յովսէփ յերեսաց Փարաւոնի , և շրջեցաւ ընդ ամենայն Եգիպտոս Եւ արար երկրին յեօթն ամս լիութեան արդիւնս : Եւ ժողովեաց զամենայն կերակուրս ամացն եօթանց՝ յորս էր լիութիւն յերկրին Եգիպտացւոց , և համբարեաց կերակուրս 'ի դաշտաց քաղաքին որք շուրջ զնովաւ 'ի նմա : Եւ անցին եօթն ամբ լիութեանն , որ եղեն յերկրին Եգիպտացւոց : Եւ սկսան դալ եօթն ամբ սովուն , որպէս և ասաց Յովսէփ : Եւ եղև սով յամենայն յերկրին , զի յամենայն երկրին Եգիպտացւոց ոչ գտանիւր հաց : Եւ սովեցաւ ամենայն երկիրն Եգիպտացւոց , և աղաղակեաց ժողովուրդն առ Փարաւոն և ասէ Փարաւոն յամենայն Եգիպտացիսն , երթայք առ Յովսէփ , և զոր ինչ ասիցէ ձեզ արասջիք : Եւ եբաց Յովսէփ զամենայն զշտեմարանս ցորենոյ , և

վաճառէր ամենայն Եգիպտացւոցն : Եւ ամենայն աշխարհ գնացին յԵգիպտոս գնել ՚ի Յովսեփայ , զի զօրանայր սովն ընդ ամենայն երկիր :



Եղբարն Յովսեփայ գան յԵգիպտոս :

Եւ իբրև սաստկացաւ սովն ՚ի վերայ երկրի , ասէ Յակոբ ցորդինն իւր . ընդէն՝ Տեղգայք : Ահա լսեմ , եթէ գոյ ցորեան յԵգիպտոս , իջէք անդր , և գնեցէք մեզ սակաւ մի կերակուր , զի կեցցուք և մի՛ մեռցուք : Եւ իջին եղբարքն Յովսեփայ տանեքին գնել ցորեան յԵգիպտոս : Եւ զԲենիամին եղբայրն Յովսեփայ ոչ արձակեաց Յակոբ ընդ եղբարսն , քանզի ասէր թէ գուցէ պատահիցի նմա հիւանդութիւն :

Եւ Յովսեփ էր իշխան երկրին , և նա վաճառէր ամենայն Ժողովրդեան երկրին , և եկեալ եղբարքն Յովսեփայ երկիրպագին ՚ի վերայ երեսաց խոնարհեալ յերկիր : Եւ ծանեաւ զնոսա Յովսեփ , այլ օտարացաւ ՚ի նոցանէ , և խօսեցաւ ընդ նոսա խստագոյնս և

ասէ • ուստի՞ գայք • և նոքա ասեն յերկրէն
Քանանացոց զնել կերակուր : Եւ յիշեաց
Յովսէփ զերաղ իւր զօր ետես • և ասէ ցնո-
սա • լրտեսք էք դուք և գիտել զելեմուտ
աշխարհին եկեալ էք : Եւ նոքա ասեն , ոչ
տէր • ծառայք քո եկեալ եմք զնել կերա-
կուր : Ամենեքին մեք եմք որդիք առն միոյ
արք խաղաղութեան եմք • և չեն ծառայք
քո լրտեսք : Ասէ ցնոսա՝ ոչ այլ զել և զմուտ
երկրիս եկեալ էք տեսանել : Եւ նոքա ա-
սեն • երկոտառան եղբարք եմք ծառայք քո
որդիք առն միոյ յերկրին Քանանացոց • և
կրտսերն առ Հօր իւրում է այսօր • և միուսն
չէ 'ի միջի : Եւ ասէ ցնոսա Յովսէփ • և դո-
վին յայտ արարիք • երգուեալ յարևն Փարա-
ւոնի , ոչ ելանէք աստի՝ եթէ ոչ եկեացէ եղ-
բայրն ձեր կրտսեր այսօր : Առաքեցէք զմի
ոք 'ի ձէնջ և ածցէ զեղբայրն ձեր • և դուք
կացէք 'ի գիպահոջ մինչև յայտնի լինիցին
բանք ձեր • եթէ արդար խօսիջիք և թէ ոչ •
ապա թէ ոչ երգուեալ յարևն Փարաւոնի •
եթէ ոչ լրտեսք իցէք :

Եդ ցնոսա 'ի բանտի զերիս աւուրս : Եւ
ասէ ցնոսա Յովսէփ յաւուրն երորդի • զայս


արարէք և ապրիք , զի և ես յԱստուծոյ եր-
 կիւղած եմ : Եթէ արք խաղաղութեան էք ,
 եղբայր մի 'ի ձէնջ աստ մնացէ 'ի բանալի , և
 դուք տարայք զվաճառ ցորենոյդ ձերոյ : Եւ
 եղբայրն ձեր կրտսեր ածէք առիս , և հաւա-
 տարիմ լիցին բանք ձեր , ապա թէ ոչ մեռա-
 նիք , և արարին այնպէս : Եւ ասէ իւրաքան-
 չիւր ոք ցեղբայր իւր , այո՞ քանզի 'ի մեղս
 եմք վասն եղբօր մերոյ , զի արհամարհեցաք
 զնեղութիւն ոգւոյ նորա , յորժամ աղաղա-
 կէրն առ մեզ ոչ լուսք նմա , վասն այնորիկ
 եկն 'ի վերայ մեր այս նեղութիւն : Պատաս-
 խանի ետ Ռուբէն և ասէ ցնոսա , խօսեցայ
 ընդ ձեզ և ասեմ , մի' մեղանչէք մանկանդ
 և ոչ լուսք ինձ , և ասա արիւն նորա խնդրէ :
 Եւ նոքա ոչ գիտէին թէ իմանայր Յովսէփ
 քանզի թարգման կայր 'ի միջի : Եւ անցեալ
 մեկուսի ելաց Յովսէփ , և եկն միուսանգամ
 առ նոսա , և խօսեցաւ ընդ նոսա և էառ 'ի
 նոցանէ զԸ մաւոն , և կապեաց առաջի նոցա :
 Եւ ետ հրաման Յովսէփ ընուլ զամանս նոցա
 ցորենով , և դնել զարծաթն իւրաքանչիւր 'ի
 քրձի իւրում , և տալ նոցա պսշար 'ի ճանա-

պարհի և եղև նոցա այնպէս :

Եւ նոցա բարձեալ իւրաքանչիւր յէջ գնացին անտի : Եւ լուծեալ միոյ գքուրձ իւր տալ կերակուր գրաստու իւրում յիջևանին՝ ետեսս զծրար արծաթոյն իւրոյ , զի կայր 'ի բերան քրձին իւրոյ : Ասէ ցեղբարս իւր , գարձաւ ինձ անդրէն արծաթն , և ահա կայ աստէն 'ի քրձի իմում : Եւ զարմացան միտք նոցա , և խռովեցան ընդ միմեանս : Եւ եկին առ Յակոբ Տայր իւրեանց յերկրին Քանանու , և պատմեցին նմա զամենայն զոր ինչ էանց ընդ նոսա և ասէն : Խօսեցաւ այրն տէր երկրին խտագոյնս , և եդ զմեզ 'ի բանտի իբր զլորտեսս երկրին : Եւ ասէ ցմեզ այրն տէր երկրին , այդու գիտացից եթէ արք խաղաղութեան էք , եթէ զեղբայր ձեր մի՛ առ իսթողիք , և զվաճառս ցորենոյդ առեալ տանիցիք : Եւ զեղբայր ձեր կրտսեր ածիջիք առ իս և գիտացից եթէ չէք լրտեսք , այլ արք խաղաղութեան էք , և դայս ևս եղբայր տաց ձեզ և յերկրի աստ առնիցէք վաճառ :

Եւ եղև 'ի թափել նոցա գքուրձս իւրեանց կայր իւրաքանչիւր ուրուք ծրար արծաթոյ 'ի քրձի իւրեանց , և իբրև տեսին զծրարսն ար-

Ժաթոյ իւրեանց ինքեանք և հայրն իւրեանց
 երկեան յոյժ : Եւ ասէ ցնա Յակօբ հայրն
 իւրեանց , զիս անորդի արարիք . Յովսէփ չէ
 ՚ի միջի , Շմաւոն չէ ՚ի միջի , և զՔենիավին
 ևս առնուցուք , յիմ վերայ եկն ամենայն :
 Եւ նա ասէ . ոչ իջանէ որդի իմ ընդ ձեզ
 զի եղբայր սորա մեռաւ և սա միայն մնա-
 ցեալ է : Եւ եթէ դէպ լինիցի սմա հիւան-
 դանալ ՚ի ճանապարհին . զոր երթոյցէ և
 իջուցանիցէք զճերութիւն իմ արտմութեամբ
 ՚ի դժոխս



Երէորդ ճանապարհորդ ւրեան յԵգիպտոս :

Եւ եղև իբրև սպառեցան ուտել զցո-
 բեանն , զոր բերին յերկրէն Եգիպտացոց
 ասէ ցնոսա հայրն իւրեանց , դարձեալ եր-
 թայք գնեցէք սակաւ մի կերակուր : Խօ-
 սեցաւ ընդ նմա Յուդա և ասէ , վկայու-
 թեամբ ետ ընդ մեզ վկայութիւն այրն , և
 ասէ . մի՛ աեսանիցէք զերեսս իմ , եթէ ոչ
 եղբայրն ձեր կրտսեր ընդ ձեզ իցէ : Արդ
 եթէ արձակես զեղբայրդ մեր իջցուք և գը-

նեսցուք կերակուր : Եւ ասէ Իսրայէլ .
 զինչ չարիս հասուցիք 'ի վերայ իմ , զի՞
 պատմեցիք առն թէ գուցէ ձեր եղբայր :
 Եւ նոքա ասեն հարցանելով եհարց զմէնք
 այրն զսզգէ մերմէ , և թէ տակաւին կեն-
 դանի իցէ հայրն ձեր , և եթէ իցէ՞ ձեր եղ-
 բայր : Եւ ասէ Յուդա ցհայր իւր . ար-
 ձակեան ընդիս զպատանեակդ , և յարուցեալ
 գնասցուք , զի կեցցուք և մի՛ մեռցուք , և
 մեք և դու , և ստացուածք մեր : Ես առնում
 զդա յերաշխի , 'ի ձեռաց իմոց խնդրես-
 ջիր զդա , եթէ ոչ ածից զդա և կացուցից
 առաջի քո , յանցաւոր եղէց զամենայն ա-
 ւուրս :

Ասէ ցնոսա Իսրայէլ հայրն իւրեանց և
 եթէ այդպէս իցէ , արարէք զայդ . առէք
 'ի պտղոյ երկրիս յամանս ձեր , և տարնյք
 առնն պատարագս . ուտին , մեղր , և խունկ
 և ստաշխ , և բլեկն , և ընկոյզ : Եւ ար-
 ծաթ կրկին առէք 'ի ձեռս ձեր՝ զարծաթն ,
 որ դարձուցաւ յամանս ձեր տարնյք ընդ ձեզ ,
 գուցէ ընդ խաբս ինչ իցէք : Եւ եղբայրդ
 ձեր առէք , և արիք իջէք առ այրն : Եւ
 Աստուած իմ տացէ ձեզ շնորհս առաջի առ-

նըն , և արձակեցցէ ընդ ձեզ զհրապար ձեր
 զմիւս և զՔենիամին • բայց ես որպէս ան-
 զուակեցայ : Եւ ասեալ արանցն զպատա-
 րագսն , և արժաթ կրկին ՚ի ձեռս իւրեանց
 և զՔենիամին , և յարուցեալ իջին յԵգիպ-
 տոս , և կացին յանդիման Յովսէփու : Իբրև
 ետես զնոսա Յովսէփ , և զՔենիամին եղբայր
 իւր , ասէ ցհազարապետն ասն իւրոյ • տնր
 զարտէ ՚ի տուն և զէն զղէնլիս , և պատրաս-
 տեան • զի ընդ իս ուտելոց են արքղ այդոգիկ
 ՚ի միջօրէի :


Եւ արար այրն որպէս և ասաց Յովսէփ •
 և տարաւ զարսն ՚ի տուն Յովսէփայ : Եւ
 տեսեալ արացն եթէ տարան զնոսա ՚ի տուն
 Յովսէփու , ասեն • վասն արժաթոյն որ
 դարձաւ յամանս մեր , զառաջինն մտանեմք
 անդր , առ ՚ի խուզելոյ զմեզ և անկանելոյ ՚ի
 վերայ մեր , և առնելոյ զմեզ ՚ի ծառայս , և
 զէշտ մեր : Մատուցեալ առ այրն վերակա-
 ցու տանն Յովսէփայ • խօսեցան ընդ նմա առ
 դրանն : Եւ ասեն • տէր , իջաք զառաջինն
 գնել զկերակուր : Եւ եղև իբրև հասաք
 յիջևանս և բացաք զամանս մեր , արժաթ
 իւրաքանչիւր յամանի իւրում էր • արդ զար-

ծաթն այսրէն կշռով դարձուցաք , և աւա-
սիկ 'ի ձեռին մերում է : Եւ այլ արծաթ բե-
րաք ընդ մեզ գնել կերակուրս , և ոչ գիտեմք
ն՝ վ եդ դարծաթն յամանս մեր : Եւ ասէ .
խաղաղութիւն ընդ ձեզ , մի՛ երկնչիք : Եւ
Եհան առ նոսա զՀմաւն : Եւ տարաւ 'ի
ներքս այրն զնոսա 'ի տուն Յովսէփայ . և
բերին ջուր լուանալ զոտս նոցա . և ե-
տուն կերակուր դրաստուց նոցա :

Եւ նոքա պատրաստեցին պատորագան
մինչ չև եկեալէր Յովսէփ 'ի միջօրէին . քան
զի լուան թէ անդ ճաշակելոց է : Եւ եմուտ
Յովսէփ 'ի տուն անդր . և մատուցին նմա
ընծայսն , զոր ունէին 'ի ձեռս իւրեանց 'ի
տան անդ . և երկիրպագին նմա 'ի վերայ
երեսաց իւրեանց յերկիր : Եհարց զնոսա և
ասէ զիարդ՞ կայք . և եթէ ողջ իցէ հայրն
ձեր ծերունի , զորմէ ասացիք տակաւին
կենդան է : Եւ նոքա ասէն . ողջ է ծառայ
քո հայր մեր տակաւին կենդանի է : Եւ խո-
նարհեցին և երկիրպագին նմա : Ամբարձ
ղաչս իւր , և ետես զԲէնիամին զերբայր
իւր զհամամայր ' և ասէ այդ է եղբայրն
ձեր կրասեր զորմէ ասացիք ածել առիս .

և ասէ . Աստուած ողորմեսցի քեզ որդեանկ :

Եւ խոռովեցաւ Յովսէփ , և գալարէին աշխֆ նորա 'ի վերայ եղբօրն իւրոյ : Եւ ինդրէր լսլ , և մտեալ 'ի սենեակ անդր ելաց : Եւ լուացեալ զերեսս իւր ել , պնդեաց զանձրն , և ասէ . արկէք Տաց : Նստաւ առաջի նորա անդրանիկն ըստ երիցութեան իւրում , և կրտսերն ըստ կրտսերութեան իւրում , և զարմացեալ էին արքն ըստ իւրաքնչիւր ընդ ընդ եղբօր իւրում : Եւ առին իւրեանց մասունս 'ի նմանէ , և մեծացաւ մասրն Բենիամինի Տնգապատիկ քան զնոցայն , արբին և արբեցան ընդ նմա :



Հնարք Յովսէփոս ընդ եղբարոց իւրոց

Եւ Տրաման ետ Յովսէփ Տազարապետին իւրում և ասէ . լցէք զամանս արանցն կերակրով , որչափ և կարիցեն բառնալ , և դէք զարծաթն իւրաքանչիւր 'ի բերան ամանոյ իւրոյ : Եւ զսկիհն իմ արծաթի դիշիք յամանի կրտսերոյն , և զգինս ցորենոյ նորա , և արար ըստ բանին Յովսէփայ որպէս և ասաց : Եւ իբրև

առաւօտ եղև արձակեցան արքն և էշք իւրեանց : Եւ իբրև ելին ըստ քաղաքն , և չէին մեկնեալ 'ի բաց , ասէ Յովսէփ ցՏաղարապետըն արի պնդեաց զՏեոտ արանցն , և Տասցես և ասասցես նոցա , զի՞ է զի Տատուցիք չար փոխանակ բարւոյ : Ոչ այն էր որով ըմպէր տէրն մեր , նովաւ ինքն Տմայելով Տմայէր , և արդ չար գործեցիք զոր արարիքդ : Եւ իբրև եգիտ զնոսա , ասաց նոցա ըստ բանիցս այսոցիկ : Եւ նոքա ասեն ցնա , ընդէր՞ խօսի տէր մեր այդպիսի բանս , քաւ լիցի ծառայից քոց առնել ըստ բանիդ այդմիկ : Զի եթէ զարծաթն զոր գտաք յամանս մեր դարձուցաք առ ձեզ յերկրէն Քանանացւոց , զի՞ արդ գողանայաք 'ի տանէ տեառն քոյ արծաթ կամ ոսկի : Առ որում գտցի 'ի ծառայից քոց սկիհն՝ մեռցի , և մեք եղիցուք տեառն մերում ծառայք : Եւ ասէ , այդպէս եղիցի որպէս ասացիքդ , առ որում գտցի սկիհն եղիցի իմ ծառայ , և դուք անպարտք լինիցիք : Եւ փութացան իջուցին իւրաքանչիւր զբեռն իւր 'ի գէտին , և բացին իւրաքանչիւր զամանըս իւր : Եւ յուղեալ յերիցուէ մինչև եկն կատարեաց 'ի կրտսերն , և եգիտ զսկիհն

յաման Բենիամինի : Յայնժամ պատառեցին զհանդերձս իւրեանց և եղին իւրաքանչիւր զբեռն իւր 'ի վերայ իշոյ իւրոյ . և դարձան 'ի քաղաքն : Եւ մտին եղբարք նորա առ Յովսէփ , և անկան առաջի նորա 'ի վերայ երկրի : Ասէ Յուդա . զինչ² տացուք պատասխանի տեառն , կամ զինչ² խօսիցեմք և զոր² իրաւունս ցուցանիցեմք : Եզիտ Աստուած զյանցանս ծառայից քոց . արդ աւասիկ կամք ծառայք տեառն մերոյ , մեք՝ և առ որում սկիհն գտաւ : Եւ նա ասէ . քաւ լիցի ինձ առնել զբանդ զայդ . այրն , յորում գտաւ սկիհն՝ եղիցի իմ ծառայ . և դուք ելէք որոմ թեաեմք առ հայրն ձեր :


Յայնժամ մատեաւ առ նա Յուդա և ասէ աղաչեմ տէր , խօսեցցի ծառայ քո բան մի առաջի քոյ մի՛ բարկացիս ծառայի քում . զի դու ես յետ Փարաւոնի : Տէր դու հարցեր ցծառայս քոյ՝ և ասացեր . եթէ կայցէ՞ ձեր հայր կամ եղբայր : Եւ մեք ասեմք տեառն մերում կայ մեր հայր ծերացեալ . և մանուկ մի կրասեր որդի ծերութեան նորա . և եղբայր նորա մեռաւ , նա միայն մնաց մօր իւրոյ . հայրն սիրէ զնա : Եւ ասացեր ցծա-

աայս քո , իջուցէ՛ք զնա առիս և խնամարկեցից զնա : Եւ ասացաք ցտէր իմ , ո՛չ կարէ մանուկն թողուլ զՏայր իւր , ապա թէ թողուցու զՏայր իւր , մեռանի : Եւ դու ասացեր ցծառայս քո , եթէ ոչ իջանիցէ եղբայր ձեր կրտսեր ընդ ձեզ , մի՛ յաւելջիք տեսանել զերեսս իմ : Եւ եղև իբրև ելաք մեք առ ծառայ քո Տայր մեր , պատմեցաք զբանս տեսուն մերոյ : Եւ ասէ Տայր մեր , երթեալ զնեցէ՛ք սակաւ մի կերակուրս մեզ : Եւ մեք ասացաք , թէ ո՛չ կարեմք իջանել անդր՝ եթէ ոչ եղբայր մեր կրտսեր իջանիցէ ընդ մեզ , զի ոչ կարեմք տեսանել զերեսս առն , եթէ եղբայր մեր կրտսեր ընդ մեզ ոչ իցէ :

Եւ ասէ ցմեզ ծառայ քո Տայր մեր , դուք գիտէ՛ք, զի երկուս ծնաւ ինձ իսկ կին իմ : Եւ եթէ զսա ևս առնուցուք յերեսաց իմոց , պատահիցի ամա Տիւանդութիւն ՚ի ճանապարհի , և իջուցանիցէ՛ք զժերութիւն իմ տրամութեամբ ՚ի դժոխս :

Եւ արդ՝ եթէ երթայցեմք առ ծառայ քո Տայր մեր , և պատանեակս չիցէ ընդ մեզ , և նորա ոգին կախեալ կայ զդորա ոգւոյ : Լինի իբրև ո՛չ տեսանիցէ ընդ մեզ զմանու-

կըզ , վախճանիցի . և իջուցանիցեն ծառայք
 քո զծերութիւն ծառայի քո Տօր մերոյ չար-
 չարանօք ՚ի դժոխս : Քի ծառայի քոյ ա-
 ուեալ է յերաշխի զմանուկդ ՚ի Տօրէ իւրմէ ,
 և ասացեալ է եթէ ոչ ածից զդա առ քեզ ,
 և կացուցից առաջի քոյ , յանցաւոր եղէց զա-
 մենայն աւուրս իմ : Եւ արդ կացից ես ծա-
 ռայ քո փոխանակ մանկանդ սարուկ տեառն
 իմոյ և պատանեակդ ելցէ ընդ եղբարս
 իւր : Քանզի զիմ^ըրդ ելանիցեմք առ Տայրն
 իմ , եթէ պատանեակդ չիցէ ընդ մեզ . զի
 մի՛ տեսից զչարիան , որք գտանիցեն զՏայր
 իմ :



Յովսէփ յայտնէ զինչն Էղբարց իւրոց :

Եւ ոչ կարաց Յովսէփ ժոյժ ունիլ առա-
 ջի ամենեցուն՝ որք շուրջ զնովաւն կային ,
 այլ ասէ , Տանէք զամենեսին արտաքս յինէն ,
 և չկայր ևս ոք անդ առ նմա՝ յորժամ ետ ծա-
 նօթս եղբարցն իւրոց : Եւ ձայն բարձեալ
 լացին մինչ լուան Եզիպտացիքն , և աղդ
 եղև ՚ի տուն Փարաւոնի : Ասէ Յովսէփ

ցեղբարսն իւր , Էս եմ Յովսէփ , արդարև
 սակաւին կենդանի իցե՞՞հ հայր իմ , և ոչ
 կարէին եղբարքն տալ նմա պատասխանի
 զի խռովեցան յերեսաց նորա : Ասէ Յով-
 սէփ ցեղբարսն , մօտ եկայք առիս . և չո-
 գան մօտ , և ասէ ես եմ Յովսէփ եղբայր
 ձեր , զոր գուք վաճառեցիք յԵգիպտոս :
 Բայց մի՛ ինչ արտմիք , և մի՛ խիստ թուեցի
 ձեզ , զի վաճառեցիք զիս այսր , քանզի ՚ի
 փրկութիւն առաքեաց զիս Աստուած առաջի
 ձեր : Զի այս երկրորդ ամէ սովու ՚ի վերայ
 երկրի , և այլհինգ ևս ամ , յորս ոչ լինիցի
 վտր և ոչ հունձ : Եւ զիս առաքեաց Աստու-
 ած առաջի ձեր առ ՚ի թաւլոյ ձեզ զաւակ յեր-
 րի և կերակրել զձեր մնացորդս մեծամեծս :
 Եւ արդ՝ ոչ եթէ գուք առաքեցիք զիս այսր ,
 այլ Աստուած , և արար զիս հայր Փարաւոնի
 և տէր ամենայն տան նորա , և իշխան ամե-
 նայն երկրիս Եգիպտոսոց : Արդ փութա-
 ցեալ ելէք առ հայրն իմ , և ասացէք ցնա ,
 այսպէս ասէ որդի քո Յովսէփ , արար զիս
 Աստուած տէր ամենայն երկրիս Եգիպտո-
 սոց . արդ եկ էջ առիս և մի՛ հեղգար : Եւ
 բնակեցիս յերկրին Գեսեմ , Յարաբօղ , և ե-

զիցիս մօտ առ իս . դու , և որդիք քո , և որ-
 դիք որդւոց քոց , և ոչխար քո . և արջառ ,
 և որ ինչ քո իցէ : Եւ կերակրեցից զքեզ անդ .
 զի այլ ևս Տինգ ամ կայ սովուն . զի մի' սատա-
 կեսցիս դու և որդիք քո . և ամենայն ստաց-
 ուածք քո : Ահաւասիկ աչք ձեր տեսանեն .
 և աչք Բենիամենի եղբօր իմոյ . զի բերան
 իմ խօսի ընդ ձեզ : Արդ պատմեցէք Տօրիմում
 զամենայն զփառս իմ . որք են յԵգիպտոս . և
 փութացեալ իջուցէք զՏայրն իմ այսր : Եւ
 անկեալ 'ի վերայ պարանոցի Բենիամինի եղ-
 բօր իւրում ելաց , և Բենիամին ելաց 'ի վե-
 րայ պարանոցի նորս : Եւ համբուրեաց զա-
 մենայն եղբարսն իւր . և ելաց 'ի վերայ նոցա
 յետ այնորիկ՝ խօսեցան եղբարքն նորս ընդ
 նմա :

Եւ հնչեաց համբաւն 'ի տուն Փարաւո-
 նի . և ասէն եկին եղբարքն Յովսէփայ . ու-
 րախ եղև Փարաւոն և ծառայք նորս : Եւ
 ասէ Փարաւոն ցՅովսէփ . ասն ցեղբարս քո .
 այսպէս արարէք . լցէք զբեռինս ձեր . և
 երթայք յերկիրն Քանանացւոց : Եւ ասէք
 զՏայր ձեր և զստացուածս ձեր , և եկեաջիք
 առ իս . և տաց ձեզ յամենայն բարութեանց

Եզխպտացւոց , և կերիջիք զուզեղ երկրիս :
 Եւ տուր զայս հրաման , տացե սառնուլ յերկ-
 րէս Եզխպտացւոց սայլս մանկանց ձերոց , և
 առեալ զհայրն ձեր ածջիք : Եւ մի ազաՏի-
 նեն աչք ձեր ՚ի կահ ձեր , զի բարութիւն
 ամենայն Եզխպտացւոցս ձեզ լինիցի : Եւ
 արարին այնպէս որդիքն Խարայելի , և ետ նո-
 ցա Յովսէփ սայլս , ըստ բանիցն Փարաո-
 նի արքայի , և ետ նոցա պաշար ՚ի ճանա-
 պարհի : Եւ ամենեցուն ետ կրկին պատմու-
 ճան , և Բենիամինի ետ երեքհարիւր դա-
 հեկան և հինգ պատմուճան փոխանակաւ :
 Եւ հօրն իւրում ետ տանիլ նոյնպէս , և տա-
 սըն իշոյ բեռինս յամենայն բարութեանց Ե-
 զխպտացւոց և տանն ջորինպարակաւոր , և կե-
 րակուր հօրն իւրում ՚ի ճանապարհի : Եւ ար-
 ձակեաց զեղբարս իւր և զնացին , և ասէ
 ցնտա . մի՛ զայրանայցէք ինչ ՚ի ճանապարհի :
 Եւ ելին յԵզխպտոսէ և չոքան յերկիրն Քա-
 նանացւոց սու Յակոբ հայրն իւրեանց :

Եւ պատմեցին նմա , և ասէն . որդինքո
 Յովսէփ կենդանի է , և նա է իշխան երկ-
 րին Եզխպտացւոց , և զարմացաւ ՚ի միտս
 իւր Յակոբ , զի ոչ հաւատայր նոցա : Եւ լսո-

սեցան ընդ նմա զամենայն ինչ՝ զոր ասաց
 Յովսէփ , իբրև ետես զսայլսն զոր առաքեաց
 Յովսէփ առնուլ զնա , արծարծեցաւ ոգին Յա-
 կոբայ Տօր նոցա : Եւ ասէ Խորայէլ . մեծ է
 ինձ եթէ արդարև տակաւին կենդանի իցէ
 որդի իմ Յովսէփ , երթայց և տեսից զնա ,
 մինչև մեռեալ իցեմ : Եւ չուեաց Խորայէլ
 ինքն՝ և ամենայն ինչ որ իւր էր , և եկն ՚ի
 Զրհօրն երդման , և մատոյց պատարագ Աս-
 տուծոյ : Եւ յարեաւ Յակոբ ՚ի Զրհօրոյ ան-
 տի երդման , և առին որդիքն Խորայէլի զՅա-
 կոբ զՏայրն իւրեանց , և զկազմած և զկանայս
 իւրեանց ՚ի սայլսն՝ զոր առաքեաց Յովսէփ
 առնուլ զնա , և առնուլ զինչս իւրեանց :
 Եւ զամենայն ստացուածս զոր ստացան յերկ-
 րին Քանանացւոց , մտին յԵգիպտոս Յակոբ
 և ամենայն զաւակ նորա ընդ նմա , որդիք
 նորա , և որդիք որդւոց նորա ընդ նմա , գըւ-
 տերք նորա , և գստերք գստերաց նորա , և
 ամենայն զաւակ նոցա և , զՅուդայ յառա-
 ջագոյն առաքեաց առ Յովսէփ , գալ նմա
 ընդ յառաջ գբաջաց քաղաքաւն , յերկիրն
 Ռամեսայ , և ինքն եկն յերկիրն Քեսեմ : Եւ
 կազմեաց Յովսէփ զկառս իւր , և ել ընդ ա-

ուաջ Իսրայէլի հօր իւրոյ զքաջաց քաղաքաւն
 և իբրև յանդիման եղև՝ անկաւ ՚ի վերայ պա-
 րանոցի նորա , և ելաց ՚ի լալիւն մեծ : Եւ ա-
 սէ Իսրայէլ ցՅովսէփ , մեռայց այսուհետև ,
 որովհետև տեսի զերեսս քո , զի տակաւին
 կենդանի ես :



Յովսէփ հարոյցանէ զհայր և զԵղբարս եւր առաջի
 Փարաւոնի :

Եւ եկեալ Յովսէփ պատմեաց Փարաւոնի
 և ասէ , հայր իմ և եղբարք , և խաշինք
 և արջառ նոցա , և ամենայն ինչ նոցա եկին
 յերկրէն Քանանացւոց , և ահա են ՚ի Գե-
 սեմ : Եւ եղբարց իւրոց անտի՛ էառ ընդ իւր
 հինգ այր , և կացոյց առաջի Փարաւոնի :
 Եւ ասէ Փարաւոն ցեղբարսն Յովսէփայ ,
 զինչ՞ գործ է ձեր , և նոքա ասեն ցՓար-
 րաւոն , հովիւք խաշանց են ծառայք քո ,
 մեք և հայր մեր : Եւ ասեն ցՓարաւոն ,
 պանդխտանալ եկաք յերկրիս յայսմիկ , զի
 ոչ գոյր ձարակ խաշանց ծառայից քոց ,
 քանզի սաստկացաւ սովն յերկրին Քանանաց-

ւոց . և արդ բնակեցուք ծառայք քո յերկրին Գեսեմ :

Եւ խօսեցաւ Փարաւոն ընդ Յովսեփայ և ասէ . հայր քո և եղբարք քո եկին առ քեզ : Ահա երկիրս Եգիպտացւոց առաջի քո է . և ՚ի բարւոք երկրի բնակեցո՞ զհայր քո և զեղբարս քո . և բնակեցցին յերկրին Գեսեմ , ապա [Ժէ գիտես [Ժէ իցեն ՚ի նոսա արք զօրաւորք՝ կացո՞ զնոսա իշխանս ՚ի վերայ իմոց խաշանց : Եւ էա՞ծ Յովսեփ զՅակոբ զհայր իւր , և կացոյց առաջի Փարաւոնի , և օրհնեաց Յակոբ զՓարաւոն : Եւ բնակեցոյց Յովսեփ զհայրն իւր և զեղբարս իւր , և ետնոցա բնակու[թիւն յերկրին Եգիպտացւոց , ՚ի բարւոք երկրի . յերկրին Ռամեսայ որպէս հրամայեաց Փարաւոն : Եւ տայր Յովսեփ ոռճիկս հօրն և եղբարց իւրոց , ցորեան ըստ բերան : Եւ բնակեցան յերկրին Գեսեմ , և Ժառանգեցան ՚ի նմա , և աճեցին և բազմացան :

Մահ Յովսեփ :


Եւ եղեն աւուրք ամաց Յակոբայ հարիւր քառասուն և եօթն ամ , և կոչեաց նա զսր-

դի իւր զՅովսէփ և ասէ ցնա . եթէ դտի շը-
նորհըս առաջի քս , դիւր զձեռն քս ընդ երա-
նովք իմովք . և արասցես ՚ի վերայ իմ ողորմու-
իւն և ճշմարտութիւն չթաղել զիս յԵգիպտոս : Եւ խօսեցաւ ընդ նոսա հայր իւրեանց
և օրհնեաց զնոսա իւրաքանչիւր ըստ օրհնու-
թեան իւրում : Եւ պատուիրեաց նոցա և աս-
սէ ցնոսա . ես յաւելում առ ժողովուրդ իմ .
թաղեցէք զիս ընդ հարս իմ յայրի անդ . որ
է յազարակին Եփրօնի Քետացւոյ . յայրին
որ յանդիման է Մամբրէի . յերկրին Քա-
նանացւոց . զոր ստացաւ Աբրահամ յԵփ-
րօնէ Քետացւոյ ՚ի ստացուածս շիրմի : Անդ
թաղեցին զԱբրահամ , և զՍառա զկին
նորա , անդ թաղեցին զԻսահակ և զՌե-
բեկա զկին նորա . անդ թաղեցին զԼի-
ա . ՚ի ստացուածս ազարակին և այրին որ է
ի նմա : Եւ գաղարեաց Յակօբ ՚ի պատուի-
րելոյ օրդւոցն իւրոց , և առեալ զոսա իւր
անդրէն ՚ի մահիճս իւր՝ պակասեցաւ , և
յաւելաւ ՚ի ժողովուրդս իւր :

Եւ անկեալ Յովսէփ ՚ի վերայ երեսաց
հօր իւրոյ , ելաց զնա և համբուրեաց զնա :
Եւ հրաման ետ Յովսէփ ծառայից իւրոց դի-

աղարդաց պատել զՏայրն իւր՝ զԽարայել :
 Եւ լցան աւուրք քառասուն , զի այնպէս
 թուին աւուրք թաղելոց . և սուգ էառ
 վանն նորս Եզխպտոս աւուրս եօթանասուն :
 Եւ իբրև անցին աւուրք սգոյն . խօսեցաւ
 Յովսէփ ընդ իշխանս Փարաւոնի , և ասէ .
 եթէ գտի շնորհս առաջի ձեր . խօսեցա-
 րուք ընդ Փարաւոնի և ասացէք : Հայր
 իմ երգձմեցոյց զիս , և ասէ ահաւասիկ ես
 մեռանիմ . ՚ի շիրմի անդ զոր փորեցի ես ինձ
 յերկրին Քանանացւոց . անդ թաղեսցես
 զիս . արդ ելեալ թաղեցից զՏայրն իմ և
 եկից : Եւ ասէ Փարաւոն . ել թաղեան ըղ-
 Տայր քո որպէս երգձմեցոց զքեզ : Եւ ել
 Յովսէփ թաղել զՏայր իւր , ելին ընդ նմա
 և ամենայն ծառայք Փարաւոնի . և ծերք
 տան նորա , և ամենայն ծերք երկրին Եզխպ-
 տացւոց : Եւ համօրէն տունն Յովսէփոյ . և
 եղբարք նորա . և ամենայն հայրենի բնա-
 կութիւն նորա . և զազգատոհմն . զոչխար և
 զարջառ թաղին յերկրին Գեսեմ : Ելին ընդ
 նմա և կառք և հեծեալք . և էին բանակ
 մեծ յոյժ : Եւ հասին ՚ի կալն Ատաղայ , որ է
 յայնկոյս Յորդանանու . և կոծեցին զնա անդ

կոծ մեծ՝ և սաստիկ յոյժ . և արար Տօրն իւր
 սուգ զեօթն օր : Տեսին բնակիչք երկրին
 Քանանացւոց զսուգն ՚ի կալն Ատաղայ և ասե-
 նն . սուգ մեծ է Եգիպտացւոց , վասն այնո-
 րիկ կոչեաց զանուն նորա սուգ Եգիպտոսի .
 որ է յայնկոյս Յորդանանու : Եւ արարին
 այնպէս որդիքն Խորայելի որպէս պատուի-
 րեաց նոցա : Բարձին զնա . և թաղեցին անդ
 յայրին կրկնում զոր ստացաւ Աբրահամ ՚ի
 ստացուած շիրմի յԵփրօնէ՝ Քետացւոյ . յան-
 դիման Մամբրէի :




Մահ Յովսէփոյ :

Եւ դարձաւ Յովսէփ յԵգիպտոս . ինքն
 և եղբարք իւր և ամենեքին՝ որք ելեալ
 էին ընդ նմա թաղել զՏայրն նորա : Եւ իբ-
 րև տեսին եղբարքն Յովսէփայ . եթէ մե-
 աաւ Տայրն նոցա . ասեն , զուցէ ոխս ունիցի
 Յովսէփ ընդ մեզ և հատուցանիցէ հատու-
 ցումն ամենայն չարեացն՝ զոր անցուցաք ընդ
 նմա : Եկին առ Յովսէփ և ասեն . հայր քո
 երդմանցոյց զմեզ մինչև վախճանեալ էր նո-

րա : Ասէ՛ այսպէս ասասջիք ցՅովսէփ , թող-
ցես դոցա զյանցանս , և զմեղս իւրեանց , զի
չարիս անցուցին ընդ քեզ , և արդ ներեան
յանցանս ծառայից Աստուծոյ Տօր քոյ , և ե-
լաց Յովսէփ վասն բանիցն զոր խօսեցան ընդ
նմա : Եւ եկեալ առ նա եղբարքն իւր՝ անկան
առաջի նորա , և ասէն . ահաւասիկ մեք ծա-
ռայք քո եմք : Եւ ասէ ցնոսա Յովսէփ՝ մի՛
երկնչիք քանզի և ես Աստուծոյ եմ : Դուք
խորհեցաք զինէն զչարութիւն , և Աստուած
խորհեցաւ վասն իմ ՚ի բարութիւն . որպէս
և եղև իսկ յաւուրս յայսմիկ , զի կերակրեցի
թողովուրդ բազում : Եւ ասէ ցնոսա մի՛ ինչ
երկնչիք , ես կերակրեցից զձեզ և զաունս ձեր
և մսիթարեաց զնոսա , և սփոփեաց զսիրտ
նոցա :

Եւ բն սկեցաւ Յովսէփ յԵգիպտոս՝ ինքն
և եղբարք իւր , և ամենայն տուն Տօր իւրոյ ,
և եկաց Յովսէփ ամս հարիւր և տասն : Եւ
ետես Յովսէփ զորդիս Եփրեմի մինչև յերորդ-
ազգ , և որդիք Մաքիրայ որդւոյ Մանա-
սէի ծնան յերանս Յովսէփայ : Եւ խօսեցաւ
Յովսէփ ընդ եղբարս իւր և ասէ . ես աւա-
սիկ մեռանիմ , այցելութեամբ այց արասցէ

ձեզ Աստուած , և հանցէ զձեզ յերկրէս յայս-
մանէ . յերկիր՝ զոր երդուաւ Աստուած տալ
հարցն մերոց Աբրահամու Իսահակայ և
Յակոբայ : Երդմենցոյց Յովսէփ զորդիսն
Իսրայէլի և ասէ . այցելու թեան յորում առ-
նիցէ ձեզ Աստուած , հանջլիք և զիմ ոսկերս
աստի ընդ ձեզ : Եւ վախճանեցաւ Յովսէփ
ամաց հարիւր և տասնից , և թաղեցին զնա
ի տապանի յԵգիպտոս :




Ծնունդ Մովսէփ :

Եւ որդիքն Իսրայէլի աճեցան և բազմա-
նային և զօրանային յոյժ . զի բազմացուցա-
նէր զնոսա երկիրն : Եկաց այլ թագաւոր
որ ոչ ճանաչէր զՅովսէփ : Եւ ասէ ցաղզն
իւր . ահա ազգ որդւոցն Իսրայէլի մեծ է
զօրութեամբ , և զօրանայ քան զմեզ : Արդ՝
եկայք հնարեսց՞ուք ինչ նոցա գուցէ բազ-
մանայցեն . և յորժամ գիպեսցի մեզ պատե-
րազմ , յաւելցին և նոքա ՚ի թշնամիսն , և
մարտուցեալ ընդ մեզ՝ ելանիցեն յերկրէ աս-
տի : Եւ կացոյց ՚ի վերայ նոցա գործավարս ,

զի չարչարեացեն զնոսա ՚ի գործ , և շինեցին
 քաղաքս ամուրս՝ Փարաւոնի զՓեդօն և ըզ-
 Ռամսէ : Եւ որչափ ճնշէին զնոսա , այնչափ
 առաւել բազմանային և զօրանային յոյժ , և
 դարչեցուցանէին Եգիպտացիքն զորդ իսն Իս-
 րայէլի : Եւ կեղեքէին զկեանս նոցա ՚ի գործ
 խիստ կաւոյն և աղիւսարկի՝ և յամենայն գործ
 դաշտաց . ըստ ամենայն գործոց իւրեանց , ո-
 րով ծառայեցուցանէին զնոսա բռնութեամբ :
 Եւ հրաման ետ Փարաւոն ամենայն ժողո-
 վրդեանն իւրում , և ասէ . զամենայն արու-
 որ ծնանի Եբրայեցւոց՝ ՚ի գետ ընկեսըլիք ,
 և զամենայն էգ ապրեցուսըլիք : Եւ էր անդ
 ոմն յաղգէ Ղևեայ . որ էառ իւր կինն ՚ի դըս-
 տերաց անտի Ղևեայ :

Եւ յղացաւ ծնաւ արու , և տեսանէին ըզ-
 նա կայտառ . և թագուցին զնա ամիսս երկուս :
 Եւ իբրև ոչ ևս կարէին թագուցանել , էառ
 մայր նորա տապանակ պրտուեայ , և ծե-
 փեաց զնա կպրաձիթով . և եդ ՚ի նմա զմա-
 նուկն . և ընկէց զայն ՚ի խաղ մի առ ամին
 գետոյն : Եւ դիզէր քոյր նորա ՚ի հեռաս-
 տանէ տեսանել թէ զինչ անցք անցանիցեն
 ընդ նա : Եւ իջեալ դուստր Փարաւոնի լուա-

նալ 'ի գեան . և նաժիշտք նորա շրջէին
 առ գետովն . և տեսեալ զտապանակն 'ի խա-
 դի անդ , առաքեաց զնաժիշտն առնուլ զնա :
 Եբաց և ետես զմանուկն . և լայր մանուկն
 'ի տապանակի անդ . խանդաղատեցաւ զնո-
 վաւ դուստրն Փարաւոնի , և ասէ . 'ի ման-
 կանց Եբրայեցոց է : Եւ ասէ քոյրն նորա
 ցդուստրն Փարաւոնի . կամի՞ս զի կոչեցից
 քեզ կին մի դայեակ 'ի Եբրայեցոց անտի .
 և սնուցանիցէ քեզ զմանուկդ : Ասէ դուստրն
 Փարաւոնի՝ երթ . զնաց աղջիկն և կոչեաց
 զմայր մանկանն : Եւ ասէ ցնա դուստրն Փա-
 րաւոնի . ան զմանուկդ . և սնո՞ ինձ դդա .
 և ես տաց քեզ զվորձս քո . և էառ կինն ըզ-
 մանուկն՝ և սնոյց զնա : Եւ իբրև հաստատե-
 ցաւ մանուկն , էած զնա առ դուստրն Փա-
 րաւոնի և եղև նմա յորդէգիր . և անուա-
 նեաց զանուն նորա Մովսէս :




Աճոսնութիւն Մովսէսի :

Եւ եղև յետ աւուրց բազմաց իբրև եղև
 մեծ Մովսէս . և եկեալ յերկիրն Մադիա-
 մու նստաւ առ ջրհորի միում : Եւ քրոն

Մաղխանացւոց էին դասերք եօթն, որ արածէին զխաշինս հօրն իւրեանց, և եկեալ էին հանել ջուր, մինչև լցին զաւազանսն արբուցանել խաշանց հօրն իւրեանց: Եւ եկեալ այլ հովիւք՝ մերժեցին զնոսա՝ ի բաց. յարուցեալ Մովսէս թափեաց զնոսա. և եհան նոցա ջուր, և արբոյց խաշանց նոցա: Եւ եկին առ Հաազուէլ հայրն իւրեանց. և նա ասէ ցնոսա, զի՞ է. զի յարևու եկիք այսօր: Եւ նաքա ասեն, այր մի Եդիպտացի փրկեաց զմեզ ՚ի հովուաց անտի. և եհան ջուր և արբոյց խաշանց մերոց: Եւ նա ասէ ցդաստերս իւր. և ո՞ւր է. ընդէն՞ թողիք զայրն. արդ՝ կոչեցէք զնա՝ զի կերիցէ հաց: Եւ բնակեցաւ Մովսէս առ առնն, և ետ զՍեփովրա դուստր իւր Մովսիսի կնութեան: Եւ յղացաւ կինն՝ և ծնաւ որդի. և անուանեաց զանուհի նորա Գերսամ. ասէ՝ զի պանդուխտ եմ ես յօտար երկրի: Եւ եղև յետ աւուրց բազմաց մեռաւ թագաւորն Եդիպտացւոց, և տառապէին որդիքն Իսրայելի ՚ի գործոյ անտի և աղաղակէին ՚ի վեր. և ել աղաղակ նոցա առաջի Աստուծոյ: Եւ լուաւ Աստուած հեծաւթեան նոցա. և յիշեաց Աստուած զուխտ

իւր ընդ Աբրահամու և Սահակայ և Զակարայ : Եւ հայեցաւ Աստուած յորդիսն Իսրայէլի , և ծանուցաւ նոցա :



Մորենին լաւեալ :

Եւ Մովսէս՝ արածէր զխաշինս Եթիոփայաներոյ իւրոյ քրմին Մադիանացոց , և ամ զխաշինս յանապատ , և եկն 'ի լեառն Աստուծոյ 'ի Քորէբ : Եւ երևեցաւ նմա հրեշտակ Տեառն բոցով հրոյ 'ի միջոյ մորենւոյն , վառեալ էր հրով , և ոչ այրէր մորենին : Եւ ասէ Մովսէս , անցեալ տեսից զտեսիլն զայն մեծ , զի՞ է՝ զի ոչ այրի մորենին : Իբրև ետես Տէր եթէ մերձենայ տեսանել , կոչեաց զնա Տէր 'ի միջոյ մորենւոյն և ասէ , Մովսէս Մովսէս , և նա ասէ , զի՞ է : Եւ ասէ Տէր ցՄովսէս , տեսանելով տեսի զչարչարանս ժողովրդեան իմոյ յԵգիպտոս , և լուսյաղադակի նոցա 'ի գործաւորացն իւրեանց , զի գիտեմ զվիշտս նոցա , և իջի փրկել զնոսա : Եւ արդ եկ առաքեցից զքեզ առ Փարաօն արքայ Եգիպտացոց , և հանցես զժողո-


վուրդ իմ զորդ իսն Իսրայելի յերկրէն Եգիպտացւոց՝ Եւ ասէ Մովսէս . «Վեմ ես՝ զի երթոյցեմ առ Փարաւոն արքայն Եգիպտացւոց և հանիցեմ զորդ իսն Իսրայելի յԵգիպտացւոց : Եւ ասէ՝ ես եղէց ընդ քեզ . և այս եղիցի քեզ նշան թէ ես առաքեցի զքեզ հանել զժողովուրդ իմ յԵգիպտոսէ , և պաշտեսցիք զԱստուած ՚ի լերինս յայսմիկ : Արդ երթեալ ժողովեացես զձերակոյտ որդւոցն Իսրայելի՝ և ասասցես ցնոսա . Տէր Աստուած հարցն ձերոց երևեցաւ ինձ՝ Աստուած Աբրահամու , և Աստուած Իսահակայ , և Աստուած Յակոբայ . և ասէ այցելութեամբ այց արարից ձեզ . և որ ինչ անցք անցին ընդ ձեզ յԵգիպտոս : Եւ հանից զձեզ յերկրէ չարչարանաց յԵգիպտացւոցն , յերկիրն Քանանացւոց , և Քետացւոց , և Ամորհացւոց , և Փերեզացւոց , և Գերգեսացւոց , և Խևացւոց , Յեբուսացւոց . յերկիր որ բղխէ ըդ կաթն և զմեղր :

Եւ լուիցեն նոքա ձայնի քում . և մտցես դու , և ձերակոյտ որդւոցն Իսրայելի առ Փարաւոն արքայ Եգիպտացւոց , և ասասցես ցնա . Տէր Աստուած Եբրայեցւոց կոչէ զմեզ

առ ինքն , արդ երթիցուք մեք երից աւուրց
 ճանապարհ յանապատ , զի զոհեացուք Տեա-
 ուրն Աստուծոյ մերոյ : Եւ ասէ Մովսէս ցՏէր-
 աղաչեմ զքեզ Տէր , չեմբաւական որպէս թէ
 յերեկէ և յեռանդէ և ոչ յորմէ հետէ սկը-
 սար խօսիլ ընդ ծառայի քում , զի նրբաձայն
 և ծանրալեզու եմ ես : Եւ ասէ Տէր , ոչ
 աւանիկ կոյ Ահարոն եղբայր քո Ղևտացի ,
 գիտեմ , զի խօսելով խօսեացի նա ընդ քեզ ,
 և ահա նա ելցէ ընդ առաջ քո , և ՚ի տեսա-
 նելն զքեզ բերկրեացի ՚ի միտս իւր : Եւ խօ-
 սեացիս ընդ նմա , և տացես զպատգամս իմ ՚ի
 բերան նորա , և իտեւամուտ արարից զձեզ զինչ
 և առնիցէք : Եւ նա խօսեացի առ ՚ի քէն ընդ
 ժողովրդեանն , և նա եղիցի քեզ բերան , և
 դու եղիցիս նմա յԱստուածակոյս կողմանէ :

Եւ առեալ Մովսիսի զկին իւր և զման-
 կունս իւր , և եհան զնոսս ՚ի գրաստս , և
 դարձաւ յԵգիպտոս : Եւ ասէ Տէր ցԱհա-
 րոն , երթ ընդ առաջ Մովսիսի յանապատն ,
 և գնաց և պատահեաց նմա ՚ի լերինն Աս-
 տուծոյ և համբուրեաց զնա : Եւ պատմեաց
 Մովսէս Ահարոնի զամենայն պատգամն զոր
 առաքեաց նմա Տէր : Գնացին Մովսէս և

ԱՏարօն և ժողովեցին զամենայն ծերակոյտ որդւոցն Իսրայէլի : Եւ խօսեցաւ ԱՏարօն զամենայն պատգամսն՝ զոր խօսեցաւ Տէր ընդ Մովսիսի : Եւ հաւատաց ժողովուրդն և ուրախ եղև . զի արար Աստուած այց որդւոցն Իսրայէլի . և զի հայեցաւ ՚ինեղութիւն նոցա . և խօնարհեցաւ ժողովուրդն և երկիր եպագ :



Եւսնէլն Իսրայէլէ յԵգիպտոս :

Եւ ապա մտին Մովսէս և ԱՏարօն առաջի Փարաօնի , և ասենցնա . մյսպէս ասէ Աստուած Իսրայէլի . արձակեա՛ն զժողովուրդիմ , զի արասցեն ինձ տօն յանապատի : Եւ ասէ Փարաօն . ո՞վ է նա , որում լուսայց արձակել զորդիսն Իսրայիլի : Եւ ասենցնա . Աստուածն Եբրայեցւոց կոչեաց զմեզ առ իննքն , արդ երթիցուք երկց աւուրց ճանապարհ յանապատն , զի զոհեսցուք Տեառն Աստուծոյ մերում . գուցէ պատահիցէ մեզ մահ կամ սպանումն : Եւ ասէցնոսա արքայն Եգիպտացւոց ընդէ՞ր դու Մովսէս և ԱՏարօն խափանէք զժողովուրդն ՚ի դործոյ իւ-

րեանց . երթայք իւրաքանչիւր 'ի գործ իւր :
 Եւ հրամայեաց Փարաւոն յաւուր յայնմիկ
 գործավարաց ժողովրդեանն , և դպրաց նո-
 ցոս ասէ՝ մի՛ ևս յաւելուցուք տալ յարդ ժո-
 ղովրդեանն յաղիւսարկուծիւն , որպէս յե-
 րէկն և յեռանդն . ինքեանք երթիցեն և
 և ժողովեսցեն իւրեանց յարդ : Եւ դպիրք
 նորա խօսէին ընդ ժողովրդեանն և ասէին .
 սոյսպէս ասէ Փարաւոն , ոչ ևս տաց ձեզ յարդ-
 դուք ձեզէն երթայք ժողովեցէք յարդ՝ ուս-
 տի և դաանիցէք . զի ոչ թողասցի ձեզ 'ի սա-
 կէն ձերմէ և ոչ ինչ :


Եւ ափուեցու ժողովուրդն ընդ ամենայն
 երկիրն Եգիպտացոց ժողովել եղէզն առ 'ի
 յարդ : Եւ գործավարքն ստիպէին զնոսս և
 ասէին . բովանդակեցէք զգործն ձեր ըստ
 հանապազորդ սակին , որպէս մինչ յարդն
 փային ձեզ : Եւ տանջեցան դպիրք ազգի
 որդւոցն Իսրայէլի , որք կային 'ի վերայ նո-
 ցա 'ի վերահացուացն Փարաւոնի , զի ասէին
 եթէ ընդէ՞ր ոչ բովանդակեցիք զսակ աղիւ-
 սոցն ձերոց , որպէս յերէկն և յեռանդն՝ և
 գայսր աւուրդ : Եւ ասէ Տէր ցՄովսէս լու-
 այ հեծուծեան որդւոցդ Իսրայէլի . զոր Ե-

գիպտացիքն ծառայեցուցանեն , և յիշեցի
 դուխտն ձեր : Եւ տարայց զձեզ յերկիրն յոր
 ձգեցի զձեռն իմ տալ զնա Աբրահամու , Ի-
 սահայիկայ և Յակոբայ , և տաց զնա ձեզ վի-
 ճակաւ , զի ես եմ Տէր : Եւ ծանկեցեն Ե-
 գիպտացիքն թէ ես եմ Տէր . և ձգեցից ըզ-
 ձեռն իմ յԵգիպտոս , և հանից զորդիան Իս-
 րայէլի 'ի միջոյ նոցա : Եւ ասէ Տէր ցՄով-
 սէս . մնտ առ Փարաւոն և ստասցեն ցնա ,
 այսպէս ասէ Տէր . արձակեան զԺողովուրդ-
 իմ , զի պաշտեսցեն զիս : Ապա թէ ոչ կամիս
 դու արձակել . ահա ես հարից զամենայն
 սահմանս քո գորտիւ : Ահա ձեռն Տեառն ե-
 ղիցի 'ի խաշինս քո որք պաշտի են , և 'ի ձիս
 և յէշ , և յուղտս , և յարջառ , և յոչխար՝ մա-
 հու մեծաւ յոյժ . և զհասարակ գիշերաւ
 ես մտից 'ի մէջ Եգիպտոսի և սատակե-
 ցից զամենայն անդրանիկ յերկրէդ Եգիպտա-
 ցւոց , յանդրանիկ անտի Փարաւոնի , որ նստի
 յաթոռ նորա , մինչև ցանդրանիկ աղախնոյն
 որ կայցէ առ երկան . և մինչև ցանդրանիկ
 ամենայն անասնոց : Եւ եղիցի աղաղակ մեծ
 յամենայն երկրիդ Եգիպտացւոց , որպիսի ոչ
 եղև , և ոչ ևս յաւելցի լինիլ նոյնպէս : Եւ

Ի մէջ ամենայն որդւոցն Իսրայէլի ոչ կռն-
 չեացէ և ոչ շուն մի լեզուաւ իւրով , և ոչ ՚ի
 մարդոյ մինչև անասուն . զի գիտացես ոյ՞-
 չափ ինչ սքանչելիս արասցէ Տէր ՚ի մէջ Ե-
 գիպտացւոցդ . և ՚ի մէջ Իսրայէլի :

Եւ եղև ՚ի Տասարակ գիշերի . և Տէր ե-
 Տար զամենայն անդրանիկս Եգիպտացւոց ,
 յանդրանիկէ անտի Փարաւոնի որ նստէր յա-
 թուստա , մինչև յանդրանիկս գերւոյն որ
 կայր ՚ի վիրապի . և զամենայն անդրանիկս
 անասնոց : Եւ յարեաւ Փարաւոն գիշերայն ,
 ինքն և ամենայն ծառայք իւր և ամենայն Ե-
 գիպտացիքն . և եղև աղաղակ մեծ յամենայն
 երկիրն Եգիպտացւոց . զի ոչ գոյր տուն յո-
 բում ոչ գոյր մեռեալ ՚ի նմա : Եւ կոչեաց
 Փարաւոն զՄովսէս և զԱհարոն գիշերայն ,
 և ասէ ցնոսա . արևք և ելէք ՚ի Ժողովրդենէ
 իմմէ . և գուք և որդիքն Իսրայէլի , երթայք
 պաշտեցէք զՏէր Աստուած ձեր . որպէս աս-
 ացէք : Եւ զարջառ և ոչխար ձեր առեալ
 գնացէք . որպէս և ասացիքն : Եւ չուեցին
 որդիքն Իսրայէլի ՚ի Հռամեսայ ՚ի Սոքովթ ,
 վեց հարիւր հազար այր հետեակ , թող զայլ
 աղս : Եւ խառնիճաղանճ բազում ել ընդ նո-

ստ . և արջառ և անասուն բազում յոյժ :
 Եւ բնակութիւն որդւոցն Իսրայէլի յոր բը-
 նակեցին յերկրին Եգիպտացւոց , ամբ չո-
 րէք Տարիւր և երեսուն : Եւ եղև յետ չորէք-
 Տարիւր և երեսուն ամի , յաւուր յայնմիկ ե-
 փն ամենայն զօրութիւնք Տեառն յերկրէն
 Եգիպտացւոց :



Երկրն Ա-եփեայ :


Խօսեցաւ Տէր ընդ Մովսիսի և ասէ . ա-
 ռաքեան արս՝ և լրտեսեսցեն զերկիրն Քա-
 նանացւոց , զոր ես տաց որդւոցն Իսրայէլի ՚ի
 կալուածս այր մի՝ ըստ ցեղի ըստ տանց նա-
 Տապետաց իւրեանց առաքեսցես զնոսա՝ զա-
 մենայն գլխաւորս ՚ի նոցանէ : Եւ առաքեաց
 զնոսա Մովսէս յանապատէն Փառանու լրտե-
 սել զերկիրն Քանանացւոց և ասէ ցնոսա . ե-
 լէք ընդ անապատդ , և ամբարձարուք ՚ի
 լիտունն : Եւ տեսըիք զերկիրն զինչ է . և ըզ-
 ժողովուրդն որ նստի ՚ի նմա եթէ զօրաւո-
 րագոյն իցէ՞ թէ անաւազ , եթէ սակա՞ւք
 իցեն եթէ բազումք : Եւ զի՛նչ իցէ երկիրն
 յորումնոքա բնակեալ իցեն , եթէ բարի՞ ի-

ցէ , եթէ չար . և զի՞նչ իցեն քաղաքն , յոր նոքա բնակեալ են . պարսպաւորք են , եթէ անպարիսպք : Եւ զի՞նչ երկիրն , պարարտիցէ՞ եթէ տկար . եթէ իցէ՞ նմա ծառատունկ եթէ ոչ . և ժրասջիք առջիք ՚ի պտղոյ երկրին : Եւ աւուրք գարնայնոյ էին աւուրքն խայծուածոյ խաղողոյ :

Եւ ելեալ լրտեսեցին զերկիրն յանապատէն Սինայ մինչև ցՐոօբ ՚ի մուտս Եփրատայ : Եւ եկին մինչև ցձորն ողկուզոյ , և լրտեսեցին զնա . և հատին անտի ուռ որթոյ և ողկոյզ մի խաղողոյ ՚ի նմա , և բարձին զնա լծակօք՝ և ՚ի նռանէ և ՚ի թղոյ : Եւ դարձան անդրէն լրտեսեալ զերկիրն յետ աւուրց քառասնից : Եւ եկեալ առ Մովսէս և առ Ահարոն , և առ ամենայն ժողովուրդ որդւոցըն Իսրայէլի յանապատն Փառան Կադէս . և ետուն նոցա զրոյց , և ամենայն ժողովրդեանն . և ցուցին զպտուղ երկրին : Եւ պատմեցին նոցա , և ասեն ցնոսա . չոգաք յերկիր յոր առաքեցեք զմեզ , յերկիր՝ ոք բըղխէ զկաթն և զմեղր . և սյսէ պտուղ նորա :

Եւ ետ Տէր Իսրայէլի զամենայն երկիրն զոր երդուաւ տալ հարցն նոցա . և ժառան-

գեցին զնա , և բնակեցին 'ի նմա : Եւ հան-
գոյց զնոսա Տէր շուրջանակի՝ որպէս երդուաւ
հարցն նոցա , և ոչ ոք յարեաւ ընդդէմ նոցա
'ի թշնամեաց իւրեանց , զի զամենայն թըշ-
նամիս նոցա մատնեաց Տէր 'ի ձեռս նոցա :
Եւ ոչ սխալեցաւ բան մի յամենայն բանից
բարեաց , զոր խօսեցաւ Տէր որդւոցն Խորայ-
էլի՝ այլ ամենայն ինչ եղև :



Ծնունդ Սամելոնի :

Եւ յաւելին որդիքն Խորայէլի առնել չար
առաջի Տեառն , և մատնեաց զնոսա Տէր 'ի
ձեռս այլազգեացն , ամս քառասուն : Եւ ե-
ղև այր մի 'ի Սարասյ 'ի ցեղէն Դանայ , և
անուն նորա Մանուէ , և կին նորա ամուլ էր
և ոչ ծնանէր : Եւ երևեցաւ հրեշտակ
Տեառն կնոջն , և ասէ . ահաւաղիկ դու ա-
մուլ ես և ոչ է քո ծնեալ , և յղացիս և ծն-
ցիս որդի : Արէ՛ զգոյշ լեր գուցէ ըմպիցես
գինի և օղի , և մի՛ ուտիցես զամենայն ան-
սուրբ : Զի ահա յղացիս դու , և ծնցիս
որդի , և երկաթ մի՛ ելցէ 'ի գլուխ նորա , զի

ուխառուոր Աստուծոյ եղիցի մանուկն անդս-
տին յորովայնէ . և նա սկսցի փրկել զԻսրայ-
էլ 'ի ձեռաց Փղշտացոց :


Եւ եմուտ կինն առ այրն իւր , և ասէ .
Եթէ այր Աստուծոյ եկն առիս , և տեսիլ նո-
րա իբրև զտեսիլ Տրեշտակի Աստուծոյ երևե-
լի յոյժ . և հարցի նմա թէ ուստի ես և զանուն
իւր ոչ պատմեաց ինձ : Եւ աղաչեաց Մանուէ
զՏէր . և ասէ՝ այրն Աստուծոյ՝ զոր առա-
քեցեր առ մեզ , եկեսցէ դարձեալ առ մեզ
և լուսաւորեսցէ զմեզ թէ զի՞նչ արաս-
ցուք մանկանն՝ որ ծնանիցի : Եւ լուաւ Աստ-
ուած ձայնի Մանուայ , և եկն Տրեշտակ
Աստուծոյ միւսանգամ առ կինն նորա մինչ դեռ
նստէր յանդի : Եւ ձուլթացաւ կինն՝ ընթա-
ցաւ պատմեաց առն իւրում և ասէ ցնա .
ահա երևեցաւ ինձ այրն՝ որ եկն առիս յա-
ւար յայնմիկ :

Եւ յարեաւ գնաց Մանուէ զհետ կնոջ
իւրոյ , և եկն առ այրն , և ասէ ցնա . եթէ
դ՞ուրիցես այրն՝ որ խօսեցար ընդ կնոջն և ասէ
ես եմ : Եւ ասէ Մանուէ ցՏրեշտակն . թող
բռնադատեսցուք զքեզ . և արասցուք առա-
ջի քոյ ուլ մի այծեաց : Եւ ասէ Տրեշտակն

ցՄանուէ , եթէ բռնադատեսցես զիս ոչ
կերայց ՚ի հացից քոց , և եթէ արասցես ող-
ջակէզ՝ Տեառն մատուցես : Եւ ասէ Մա-
նուէ ցհրեշտակն , զի՞նչ անուն է քեզ , զի
յորժամ եկեսցէ բանն քո՝ փառաւորեսցուք
զքեզ : Եւ ասէ ցնա հրեշտակն , զի՞ հար-
ցանես զանուանէ իմմէ , և նա է սքանչելի :
Եւ առ Մանուէ զույն այժեաց զղոհն , և
մատոյց ՚ի վերայ վիմին Տեառն սքանչելա-
րարի . և Մանուէ և կինն նորա հայէին :

Եւ եղև ընդ ամբառնալ բոցոյն ՚ի վերուստ
՚ի սեղանոյն յերկինս , ամբարձաւ հրեշտա-
կըն բոցով սեղանոյն , և Մանուէ և կինն նո-
րա հայէին , և անկան ՚ի վերայ երեսաց իւ-
րեանց յերկիր : Եւ ասէ Մանուէ ցկկնն իւր
մահու մեռանիցիսէք , զի զԱստուած տեսաք :
Եւ ասէ ցնա կինն նորա , եթէ կամեցեալ էր
Տեառն սպանանել զմեզ , ոչ ընդունէր ՚ի ձե-
ռաց մերոց զողջակէզն և զղոհն , և ոչ լուսա-
ւորէր մեզ զոյն ամենայն ընդ ժամանակս ,
ժամանակս , և ոչ լտելի առնէր մեզ զայն :
Եւ ծնաւ կկնն որդի , և կոչեաց զանունն նո-
րա Սամբսոն . և աճեաց մանուկն , և օրհ-
նեաց զնա Տէր : Եւ սկսաւ հագի Տեառն

շրջել ընդ նմա 'ի բանակին Դանայ 'ի մէջ
Սարայ , և 'ի մէջ Եսթաւուլայ :



Աճառանուբէան Սաճառնէ :

Եւ էջ Սամիսոն 'ի Թամնաթա՝ և ետես
կին մի 'ի դստերացն այլաղգեաց , և հա-
ճոյ թուեցաւ առաջի նորա : Եւ ել պատ-
մեաց հօր իւրում և մօր և ասէ , կին մի
տեսի 'ի Թամնաթա 'ի դստերացն այլաղ-
գեաց , և արդ առէք զնա ինձ 'ի կնուծին :
Ասին ցնա հայր և մայր նորա , եթէ ոչ
գուցէ 'ի դստերաց եղբարց քոց և յամե-
նայն ժողովրդեան իմում կին , զի երթիցես
դու առնուլ յայլաղգեաց անթլպատից : Եւ
ասէ Սամիսոն ցհայր իւր , զնա անձ ինձ , զի
նա հաճոյ է աչաց իմոց :

Եւ էջ Սամիսոն և հայր նորա և մայր իւր
'ի Թամնաթա , և խտորեցաւ Սամիսոն յայ-
գեստանն Թամնաթայ , և ահա կորին մի
առիւծու գոչեաց ընդդէմ նորա : Եւ յա-
ջողեցաւ 'ի վերայ նորա հողի Տեառն և ձեղ-
քեաց զնա իբրև զու մի այծեաց , և ոչ ինչ
գոյր 'ի ձեռին նորա , և ոչ պատմեաց հօր

և մօր իւրում զոր արար : Եւ իջին խօսե-
 ցան ընդ կնոջն . և հաճոյ թուեցաւ առա-
 ջի Սամիսոնի : Եւ դարձաւ յետ աւուրց
 առնուլ զնա . և խոտորեցաւ տեսանել զգէշ
 առիւծու , և ահա գունդ մեղուաց ՚ի բերան
 առիւծուն և մեղր : Եւ էտա զայն ՚ի բերան
 իւր , և երթալով երթայր և ուտէր . չոգաւ
 առ հայր և առ մայր իւր , և ետ նոցա և
 կերան . և ոչ պատմեաց նոցա թէ ՚ի բերա-
 նոյ առիւծուն եհան : Եւ էջ հայր նորա առ
 կինն . և արար անդ Սամիսոն հարւանիս զեօ-
 թըն օր . զի այնպէս առնէին երիտասարդք :
 Եւ եղև ՚ի զարհուրելնոցա ՚ի նմանէ . կա-
 ցուցին առ նմա ընկերս երեսուն . և էին ընդ
 նմա : Եւ ասէ ցնոսա Սամիսոն արկից ձեզ ա-
 ռասպել , եթէ առեղծանիցէք զնա զեօթն
 օր խրախուժեանս և գտանիցէք , տաց ձեզ
 երեսուն պատտառակալս և երեսուն պատմու-
 ծանս հանդերձից : Եւ ասէ ցնոսա . ՚ի կերչէ
 ել կերակուր , և ՚ի հզօրէ ել քաղցր . և ոչ կա-
 րացին առեղծանել զառասպելն զերիտաւուրս :
 Եւ եղև յաւուրն չորորդի , և ասեն ցկինն
 Սամիսոնի պատրեան զայր քո . և պատմեցէ
 քեզ զառասպելն , գուցէ այրիցեմք զքեզ և

զտուն հօր քոյ . մի թէ աղքատացու ցանե՞լ
կոչեցեր զնոց այսր :

Եւ ելաց կինն Սամիսոնի առ նա և ասէ
ցնա . ատեցեր զիս և ոչ սիրեցեր . զի առաս-
պելն զոր արկեր որդւոց ժողովրդեան իմոյ .
ինձ ոչ պատմեցեր : Եւ նա ասէ ցնա . ահա
հօր և մօր իմոյ ոչ պատմեցի . և արդ քե՞զ
պատմիցեմ : Եւ ելաց եօթն օր յորս էր խրա-
խուծիւն . և եղև յաւուրն եօթներորդի
պատմեաց նմա . քանզի թախանձէր զնա . և
նա պատմեաց որդւոց աղգին իւրոյ : Եւ ա-
սեն ցնա արք քաղաքին յաւուրն եօթներոր-
դի : Զի՞նչ քաղցարագոյն քան զմեզր . կամ
զի՞նչ հզօրագոյն քան զառիժ . և ասէ ցնո-
սա Սամիսոն . եթէ ոչ էր ճինշեալ երկնջն
իմ , ոչ գտանէիք զառասպելն իմ :



Քաղաքիւնի Սամիսոնի :

Եւ եղև յետ աւուրց , յաւուրս հնձոյ ցո-
րենոյ , այց արար Սամիսոն կնոջ իւրում ,
ածեալ ուլ մի յայժեաց . և ասէ մտից տա կին
իմ ՚ի սենեակ . և ոչ եթող զնա հայրն նորա
մտանել առ նա : Եւ ասէ հայրն նորա . ա-

սերով ասացի՝ թէ ատեցեր զնա , և ետու
 զնա ընկերի քում . ո՞չ աւանիկ քոյր նորա
 կրտսեր լաւագոյն է քան զնա . եղիցի քեզ
 սա խօխանակ նորա : Եւ ասէ Սամիսոն .
 անպարտ եմ ես միանգամայն յայլազգեացոյ .
 եթէ արարից ընդ դոսա չարութիւն : Եւ
 գնաց Սամիսոն , և կարաւ երեք հարիւր աղ-
 ուէսս . և առ ջահս և կապեաց զնոսա ընդ
 միմեանս ձեռ ընդ ձեռ , և եղ զջահսն 'ի
 մէջ երկուց ձեռոցն , և կապեաց 'ի միջոցին
 զջահսն : Եւ ելոյց հուր 'ի ջահսն , և ար-
 ձակեաց յոճ յայլազգեացն , և այրեաց զօ-
 րանն , և զյառաջագոյն հնձեալն 'ի բարդի
 մինչ ցիանդնաւորն , և մինչև ցայգիս , և ձի-
 թենիս : Եւ ասէն այլազգիքն ո՞ արար
 զայս : Եւ ասէն Սամիսոն՝ փեսայ Թամնա-
 ցոյն . զի եհան զկինն նորա և ետ ընկերի նո-
 րա . և ելին այլազգիքն և այրեցին զտուն
 հօր նորա , և զկին և զհայր նորա հրով : Եւ
 ասէ ցնոսա Սամիսոն . եթէ դոյնչափ ևս
 առնիցէք , սակայն ոչ հաճեցայց , այլ զվրէժ
 իմ յիւրաքանչիւր ումեքէ 'ի ձէնջ ինդրեցից :
 Եւ եհար զնոսա 'ի սրունից մինչև ցերանս .
 հարուածս մեծամեծս : Եւ էջ բնակեցաւ

Տեղեղատաւն յայրին Ետիմայ : Եւ ելին
այլազգիքն , և բանակեցան զՅուդայիւ , և
անկան զԵւփեաւ : Եւ ասէ ցնտաւ այր Յու-
դայ , ընդէ՞ր ելիք 'ի վերայ իմ : Եւ ասեն
այլազգիքն կապել զՍամիսոն ելաք , և
առնել ընդ նա զորօրինակ արար ընդ մեզ :

Եւ իջին երեք Տաղարք 'ի Յուդայ 'ի ծակ
վիմին Ետիմայ և ասեն ցՍամիսոն . մ'չ գի-
տես զի իշխեն մեզ այլազգիքն , և ընդէ՞ր
արարեր զայն ընդ մեզ : Եւ ասէ ցնտաւ Սամի-
սոն . զբախտ արարին ընդ իս նոյնպէս արարի
ընդ նոսա : Եւ ասեն ցնա . կապել զքեզ ե-
կաք , և մասնել զքեզ 'ի ձեռն այլազգեացն :
Եւ ասէ Սամիսոն երդուարո՞ք ինձ դուք և
տաք զիս նոցա , և դուք մի՛ երբէք պատահի-
ցէք ինձ : Եւ երդուան նմա և ասեն ոչ , այլ
կապելով կապեսցուք զքեզ և տացուք 'ի
ձեռս նոցա , բայց մահու ոչ սպանցուք
զքեզ : Եւ կապեցին զնա երեք կարովք նո-
րովք , և հանին զնա 'ի վիմէն : Եւ եկին
մինչև ցծնօտն , և այլազգիքն ազտակեցին
և ընթացան ընդդէմ նորա , և յաջողեցաւ 'ի
վերայ նորա հոգի Տրօտն , և եղեն կորք 'ի
բազուիս նորա իբրև խժու՛ծ յորժամ 'ի հաւր

Տոտտիցի , և հալեցան կապանքն 'ի բազկացն նորա :

Եւ եղիտ ծնօտ մի իշոյ ընկեցեալ . ձգեաց զձեռն իւր և էառ զնա . և եհար նովաւ հազար այր : Եւ չողաւ Սամիսոն անտի 'ի Գաղա . և աղղ եղև Գաղացւոցն և ասեն . եկեալ է այսր Սամիսոն . և պատեցին և դարանակալ եղեն նմա գիշերն ողջոյն առ դրան քաղաքին , և անշշունչ կացին զգիշերն ողջոյն , և ասեն . աստ կացցուք մինչև ցառաւօտն և սպանցուք զնա : Եւ ննջեաց Սամիսոն մինչև ցմէջ գիշերոյն , և յարեաւ զմէջ գիշերաւն , և թափեաց զդրունս քաղաքին հանդերձ սեմովքն , և եբարձ զնոսա հանդերձ նգովքն , և եդ 'ի վերայ ուսոց իւրոց և եհան զնոսա 'ի գլուխ լերինն՝ որ է հանդէպ Քեբրոնի :

Եւ եղև յետ այսորիկ սիրեաց կին մի՛ առ եղերբ հեղեղաօին Ավրեկայ . և անուն նորա Գալիլա : Եւ ելին առ նա նախարարք այլազգեացն և ասեն . պատրեա՛ զնա և տէս ի՞նչ իցէ զօրութիւն նորա մեծ , և կամ ի՞նչ կարացուք նմա հնար գտանել և կապել զնա առ 'ի տկարացուցանել զնա . և մի քաացուք

քեզ այր իւրաքանչիւր հաղար և հարիւր ար-
 ծաթոյ : Եւ ասէ Ռալիլա ցՍամիսոն պատ-
 մեն ինձ . ի՞նչ իցէ զօրութիւն քո մեծ , և ի՞նչ
 կապիցեն առ 'ի տկարացուցանելոյ դքեզ : Եւ
 ասէ Սամիսոն . եթէ կապիցեն զիս եօթն
 ջլօք դալարովք անվտակովք , տկարացայց և
 եղէց իբրև զմի 'ի մարդկանէ : Եւ բերին առ
 նա նախարարքն այլազգեաց եօթն ջիւս դա-
 լարս անվտիտս . և նա կապեաց զնա նոքօք :
 Եւ դարան նստէր նմա 'ի շտեմարանի . և ա-
 սէ այլազգիք հասեալ են 'ի վերայ քո Սամի-
 սոն : Եւ խղեաց զժիւն զորօրինակ խղեսցի
 քուդ 'ի թօթափելոյ յորժամ 'ի հուր հո-
 տոտիցի . և ոչ ծանուցաւ զօրութիւն նորա :
 Եւ ասէ Ռալիլա ցՍամիսոն . ահա խաբեցեր
 զիս . և խօսեցար սուտ . գոնէ արդ պատմեն
 ինձ . ի՞նչ կապիցիս : Եւ ասէ ցնա . եթէ
 կապելով կապեսցեն զիս եօթն կարովք ո-
 րովք չիցէ գործեալ գործ . տկարացայց և ե-
 ղէց իբրև զմի 'ի մարդկակնէ :

Եւ էառ Ռալիլայ կարս նորս , և կապեաց
 զնա նոքօք և ասէ . հասեալ են 'ի վերայ քո
 այլազգիքն Սամիսոն . և դարան նստէր 'ի
 շտեմարանի . և խղեաց զայն 'ի բազկաց իւրոց

իբրև զասղանի : Եւ ասէ Գալիլայ ցՍամփսոն . մինչև ցե՞րբ խաբիցես զիս . և խօսիցես ընդ իս սուտ . արի պատմեան ի՞նչ կապիցիս : Եւ ասէ ցնա , եթէ անկցես զեօթանեսին գիսակս գլխոյ իմոյ ընդ աղբին , և վարիցես ցցովք ընդ որմն ' եղէց ախարացեալ իբրև մի 'ի մարդկանէ : Եւ ննջեցոյց զնա Գալիլա , և առ զեօթանեսին գիսակս գլխոյ նորա հանդերձ աղբամբն , վարսեաց ցցովք ընդ որմն և ասէ ցնա , այլազգիքն հասեալ են 'ի վերայ քո Սամփսոն : Եւ զարթեալ 'ի քրնոյ իւրմէ , և կորզեաց զցիցն հանդերձ օստայնիւն և աղբամբն յորմոյ անտի . և սչ ծանեալ զօրութիւն նորա :

Եւ ասէ ցնա Գալիլայ , զիա՞րդ ասես թէ սիրեցի զքեզ , և սիրա քո չէ ուղիղ ընդ իս . այս երիցս խաբեցեր զիս , և ոչ պատմեցեր ինձ թէ ի՞նչ իցէ զօրութիւն քո մեծ : Եւ եղև իբրև վտանգեաց զնա բանիւք զգիշերն ողջոյն և թախանձեցոյց զնա , պարտասեցոյց զնա մինչև ցմահ : Պատմեաց նմա զամենայն ինչ 'ի սրտէ իւրմէ , և ասէ ցնա . ածելի ոչ ելցէ 'ի գլուխ իմ . զի ուխտաւոր Աստուծոյ եմ ես յորովայնէ մօր իմոյ , ապա թէ գերծու-

ցում մեկնեացի յինէն զօրութիւն իմ , և ակարացոյց և եղէց իբրև զամենայն մարդիկ : Իբրև ետես Գալիլա եթէ պատմեաց նմա զամենայն ինչ ՚ի սրտէ իւրմէ , առաքեաց կոչեաց զնախարարսն այլազգեացն՝ և ասէ . ելէք միանգամայն , զի պատմեաց ինձ զամենայն ՚ի սրտէ իւրմէ : Եւ ելին առ նա նախարարքն այլազգեացն , և բերին զարծութլն ՚ի ձեռս իւրեանց : Եւ ննջեցոյց զնա ՚ի մէջ ծնկաց իւրոց . և կոչեաց վարսավէր , և եգերծ զեթնետին գիսակս գլխոյ նորա և սկսաւ թօշնել , և մեկնեցաւ ՚ի նմանէ զօրութիւն նորա :


Եւ ասէ Գալիլայ . այլազգիք հասեալ են ՚ի վերայ քո Սամիսոն : Եւ զարթեաւ ՚ի քնոյ իւրմէ և ասէ . ելից և արարից որպէս միշտն , և թօթափեցից : Եւ կալան զնա այլազգիքն , և բռեցին զաչս նորա , և իջուցին զնա ՚ի Գազա , և կապեցին զնա երկաթի կապանօք . և աղայր ՚ի տան բանտին : Եւ սկսաւ մաղ գլխոյ նորա բուսանել յետ գերծելոյն : Եւ իշխանքն այլազգեացն ժողովեցան զոհել զոհ մեծ Գազոնայ աստուածոյն . իւրեանց , և ուրախ լինել . և ասէին ,

մասնեաց աստուած մեր զՍամիսոն թշնամի մեր 'ի ձեռս մեր : Իբրև տեսին ժողովուրդն օրհնէին զաստուածս իւրեանց , զի ասէին թէ մասնեաց աստուած մեր զթշնամիս մեր 'ի ձեռս մեր , և զապականիչ երկրի մերում , որ յաճախեաց զվիրաւորս մեր :

Եւ եղև իբրև զուարթացան սիրտք իւրեանց ասէն . կոչեցէք զՍամիսոն 'ի տանէ բանտին , և խաղ արասցէ առաջի մեր : Եւ կոչեցին զՍամիսոն 'ի տանէ բանտին , և խաղային զնովսու . և կացուցին զնա 'ի մէջ երկուց սեանց : Եւ ասէ Սամիսոն ցալատանին որ ունէր զձեռանէ նորա . թոյլ տուր ինձ և զննեցից զսիւնս ' յորոյ վերայ տունս հաստատեալ կայ , և յեցոյց 'ի նոսա : Եւ տունն լի էր արամք և կանամք . և անդ էին նախարարք այլադգեացն , և 'ի տանիսն իբրև երեք հազարք , արք և կանայք որք տեսանէին զխաղն Սամիսոնի : Եւ ազաղակեաց Սամիսոն սու Տէր՝ և ասէ . Տէր Տէր զօրութեանց յիշեան զիս . և զօրացո՞ զիս զայս ևս մի նուագ Աստուած և խնդրեցից զվրէժինդրութիւն իմ փոխանակ երկուց աչաց իմոց այլադգեաց աստի : Եւ բուռն եհար Սամի-

սան զերկուց սեանցն միջնոց , յորոյ վերայ
տունն հաստատեալ կայր , և յեցաւ ՚ի նոսա
՚ի մին աջով իւրով , և ՚ի միւսն ձախով իւ-
րով :

Եւ առէ Սամիսոն . մեռցի անձն իմ ընդ
այլազգիսս . և շարժեաց զօրութեամբ : Եւ
անկաւ տունն ՚ի վերայ ամենայն նախարա-
րացն , և ՚ի վերայ ամենայն ժողովոյն որ ՚ի
նմա . և էին մեռեալքն զորս մեռոյց Սամիսոն
՚ի մահուան իւրում , առաւել քան զորս սպան
՚ի կենդանութեան իւրում : Եւ իջին եղ-
բարք նորա և ամենայն տուն հօր նորա . և
բարձին , և հանին թաղեցին զնա ՚ի մէջ
Սարսայ և ՚ի մէջ Յեսթաւուլայ ՚ի գերեզ-
մանի Մանուայ հօր իւրոյ . և նա դատեաց
զԻսրայէլ ամս քսան



Նորի և Հորի :

Եւ եղև յետ այսորիկ յաւուրս դատելոյ դա-
տաւորացն . եկն սով յերկիրն : Եւ գնաց
այր ոմն ՚ի Բեթղէհէմէ Յուդայ պանդխտա-
նալ յազարակին Մովսէսայ . ինքն և կին իւր

և երկու որդիք իւր : Եւ անուն առնն Եղիմեղէք , և անուն կնոջ նորա Նոոմի , և անուն երկուց որդւոց նորա Մաաղոն , և Քեղան , Եփրաթացիք 'ի ցեղէ Եուզայ չոգան յազարակն Մովաբու և անդ էին :


Եւ մեռաւ Եղիմեղէք այրն Նոոմիայ , և մնաց կինն և երկու որդիք նորա : Եւ առին իւրեաց կանայս Մովաբացիս , անուն միում Արիա , և անուն երկրորդին՝ Հուութ , և բը նակեցան անդ իբրև ամս տասն : Եւ մեռան անդ երկոքին որդիք նորա Մաաղոն և Քեղան , և մնաց կինն միայն յառնէ իւրմէ և յորդւոց իւրոց :

Եւ յարեաւ ինքն և երկոքին նուանքն նորա և դարձան յազարակէն Մովաբայ , զի լուան թէ այց արար Աստուած ժողովութեան իւրում տալ նոցա հաց : Եւ ել 'ի տեղւորէն ուր էր , և երկոքին նուանք նորա ընդ նմա , և զնացին 'ի ճանապարհ դառնալ յերկիրիւր : Եւ ասէ Նոոմի ցերկոսին նուանս իւր , երթայք դարձարուք յիւրաքանչիւր 'ի տուն հօր իւրոյ և արասցէ ընդ ձեզ Տէր ողորմութիւն , որպէս արարէք ընդ մեռեալս և ընդ իս : Տացէ ձեզ Տէր և դաջիք հանգիստ իւրաքանչիւր

ի տան հօր իւրոյ : Եւ համբուրեաց զնոսա ,
 և ամբարձեալ զձայնս իւրեանց լացին :

Եւ ասեն . ոչ այդպէս , այլ ընդ քեզ դարձ-
 ցուք ՚ի ժողովուրդ քո : Եւ ասէ Նոոմի մի՛
 դատերք իմ , զի առաւել քան զձեզ դառնա-
 ցեալ եմ , զի ել ընդ իս ձեռն Տեառն : Եւ
 ամբարձին զձայնս իւրեանց միւս անգամ
 և լացին , և համբուրեաց Որփա զսկեսուր
 իւր , և դարձաւ ՚ի ժողովուրդ իւր , բայց
 Հռուժ գնաց զինի նորա : Եւ ասէ Նոոմի
 ցՀռուժ , ահա ներքո դարձաւ ՚ի ժողո-
 վուրդ իւր և առ Աստուած իւր , և դու ըղ-
 հեա ներին քո երթ : Եւ ասէ Հռուժ , մի՛
 պատահեսցէ ինձ թողուլ զքեզ և դառնալ ՚ի
 քէն . զի ուր դու երթայցես երթայց , և
 ուր հանգչիցիս՝ հանգեայց . ժողովուրդ քո ,
 ժողովուրդ իմ , և Աստուած քո Աստուած
 իմ : Եւ ուր մեռանիցիս՝ մեռայց , և անդ
 թաղեցայց . Օն և Օն արասցէ ինձ Աստուած
 և Օն և Օն յաւելցէ , բայց եթէ մահ մեկնես-
 ցէ ընդ իս և ընդ քեզ : Եւ իբրև ետես Նոոմի
 թէ պնդեալ է երթալ ընդ իւր դադարեաց
 այնուհետև ՚ի խօսելոյ ընդ նմա : Եւ դար-
 ձան Նոոմի և Հռուժ Մովաբացի նու իւր

ընդ նմա զնացեալ յազարակէն Մովաբայ ,
 և եկին 'ի Բեթղէհէմ 'ի սկիզբն հնձոյ գար-
 ւոյ :



Բոոս և Հռուբ :

Եւ անդ էր այր ծանօթ առնն Նոոմիայ ,
 և այրն հզօր զօրութեամբ յազգէն Եղիմելի-
 քայ , և անուն նորա Բոոս : Եւ ասէ Հռութ
 ջ Նոոմի , երթայց յանդ , և քաղեցից հաս-
 կըս զհետ ուրուք , որոյ գտից շնորհս առաջի
 տչաց նորա : Եւ ասէ ցնա երթ գուտար :
 Եւ երթեալ քաղէր հասկ յանդիզհետ հըն-
 ձողացն , և դիպելով դիպեցաւ յանդին Բոո-
 սայ : Եւ ահա Բոոս եկն 'ի Բեթղէհէմէ ,
 և ասէ ցհնձող իւր , Տէր ընդ ձեզ , և յասեն
 ցնա օրհնեսցէ զքեզ Տէր : Եւ ասէ Բոոս
 ցպատանին իւր որ կայր 'ի վերայ հնձողացն
 ոյ՞ր է աղջիկդ սյդ : Պատասխանի ետ պա-
 տանին և ասէ , Մովաբացի աղջիկն է , սր
 դարձաւ ընդ Նոոմիայ յազարակէն Մովա-
 բայ : Եւ ասէ , թող քաղեցից և ժողովեցից
 հասկ 'ի մէջ որայոց զհետ հնձողացդ , և եկն
 եկաց յառաւօտէ մինչև ցայժմ , և ոչ դա-

դարեաց՝ և ոչ սակաւիկ ինչ յանդիս :

Եւ ասէ Քոստ ցՀռուժ , լուր դուստր , մի՛ այլ ուրեք երթիցես քաղել հասկ յայլոց յանդի , այլ աստէն իսկ յարեաց յողջկունս իմ : Եւ աչք քո յանդիս ուր և երթիցեն զհետ նոցա , ո՞չ ապսքէն պատուէր ետու մանկաւոյ իմում չմերձենալ ՚ի քեզ , և եթէ ծարաւի իցես , երթիցես յամանսն և արբցես , ուստի հանիցեն մանկաիքդ : Եւ անկեալ ՚ի վերայ երեսաց իւրոց երկիրեպազ ՚ի վերայ երեսաց յերկիր ՚ի խոնարհ և ասէ , զի է՞ զի գտի շնորհս առաջի աչոց , բոց ճանաչել զիս , և ես եմկին մի օտար : Պատասխանի ետ Քոստ և ասէ ցնա , պատմելով պատմեցաւ ինձ զամենայն ինչ զոր արարեր սկեսեր , քում յետ մահուան առն քո , և թէ զիարդ թողեր զհայր քո և զմայր , և զերկիր ծննդեան քոյ և եկիր ՚ի Ժողովուրդ զոր ոչ գիտէիր յերեկն և յեռանդն : Եւ ասէ ցնա Քոստ , ահա ժամ ճաշոյ է մատիր այսր և կեր ՚ի հացէդ , և թացցես զպատառ քո ՚ի քացախիդ : Եւ նստաւ Հռուժ ՚ի կողմանէ հնձողացն , և խառնեաց նմա Քոստ փոխինդ և եկեր , և յագեցաւ , և եթող նշխար :

Եւ յարեաւ քողել Հասկ : Եւ պատուի-
րեաց Բոսս մանկաւոյ իւրում , և ասէ . այլ և
ի մէջ որայոցն քաղիցէ . և մի պաակառեցու-
ցանէք : Այլ և բառնալով բարձրիք . և
արկանելով արկըիք առաջի նորա ՚ի փոխն-
դոցն խառնելոց , և թոյլ տաջիք նմա և կե-
րիցէ և քաղիցէ Հասկ : Եւ քաղեաց յան-
դին մինչև ցերեկոյ , և ծեծեաց զոր քա-
ղեացն , և եղև արդու մի գարւոյ : Եւ առ
և եմուտ ՚ի քաղաքն , իբրև ետես սկեսուրն
զոր քաղեացն , և եհան Հռութ ետ նմա ՚ի
նշխարէն յորմէ յագեցաւն : Ասէ ցնա սկեսուրն
իւր . ո՞ւր ժողովեցեր այսօր և կամ ո՞ւր ե-
ղեր . եղիցի որ ծանեաւն զքեզ օրհնեալ , և
պատմեաց Հռութ սկեսեր իւրոյ թէ ո՞ւր
եղև , և ասաց զանուն առնն առ որում եղև
այնօր թէ Բոսս է : Ասէ Նոոմի ցնու իւր .
օրհնեալ է նա ՚ի Տեառնէ , զի ոչ պակասե-
ցոյց զգութ իւր ՚ի կենդանեաց և ՚ի մեռե-
լոց : Եւ ասէ ցնու իւր թէ բարի է դուստր
զի ելեր ընդ աղջկունս նորա և մի՛ պատասի-
ցէ ոք քեզ յայլում յանդի :

Եւ յարեցաւ Հռութ յաղջկունսն Բոսսայ
քաղել Հասկ մինչև ցվախճանել հնձոցն գա-

րեաց , և հնձոցն ցորենոյ : Եւ նստաւ առ սկեսեր իւրում : Եւ ասէ ցնա Նոոմի . դուստր խնդրեցից քեզ հանգիստ . զի բարի լինիցի քեզ : Եւ արդ ոչ ապաքէն Բոոս ծանօթ մեր է , որոյ էիր ընդ աղջկունս նորա . ահաւասիկ նա արկանէ կալ գարւոյ 'ի գեշերի յայսմիկ : Եւ դու լուսացիս և օճցիս , և արկցես զհանդերձս քո զքե և ելցես 'ի կալն և մի' տայցես առնն ծանօթս մինչև վախճանեացէ զուտել և զըմպել իւր : Եւ ասէ Հռութ զամենայն զար ինչ ասացեսցիս , արարից :

Իջ 'ի կալն , և արար ըստ ամենայնի որպէս պատուիրեաց նմա սկեսուրն իւր : Եւ եղև զհասարակածաւ գիշերոյ զարհուրեցաւ այրն և խռովեցաւ . և ահա կինն ննջէր ընդ ոտիւք նորա : Եւ ասէ . ս'վ ես դու , և ասէ ես եմ Հռութ աղախին քո , և արկցես ըզդրօշակ քո զաղախնով քով . զի մերձաւորիչ ես դու : Եւ ասէ Բոոս . օրհնեալ ես դու 'ի Տեառնէ Աստուծոյ դուստր , զի ազնուացուցեր դու զգութ քո զվերջին քան զառաջին : Եւ արդարև եմ ես մերձաւորիչ քո . բայց գոյ և այլ ևս մօտ մերձաւորիչ մօտագոյն քան

զիս : Ագլի՛ր աստ զգիշերս զայս , և եղիցի
այգուն , եթէ մերձաւորեցէ զքեզ մերձաւո-
րիչն՝ բարի է , ապա թէ ոչ կամիցի մերձաւո-
րեցուցանել զքեզ , ես մերձաւորեցուցից զքեզ ,
կենդանի է Տէր : Եւ նընջեաց մինչև ցառա-
ւօտն , և յարեալ կինն՝ մինչև ճանաչէր այր
զընկերիւր : Եւ ասէ Բոոս բէր զմեկնոցդ որ
ի վերայ է՝ և կա՛լ աստ , և նա կալաւ : Եւ
չափեաց վեց չափովն գարի , և եդ ՚ի վե-
րայ նորա , և եմուտ ՚ի քաղաքն :

Եւ չոգաւ Հռութ առ սկեսուր իւր : Եւ
նա ասէ , զի՞ է դուստր , և պատմեաց նմա
զամենայն ինչ զոր արար նմա այրն : Եւ ասէ
ցնա , զայս վեց չափ գարւոյ ետ ինձ և ասէ ,
զի մի՛ մտցես ունայնաձեռնառ սկեսուր քոյ :
Եւ նա ասէ , նիստ դուստր մինչև յայտ լիցի
մեզ , որպէս զի ոչ վրիպէ բանն , զի ոչ դա-
դարէ այրն թէ ոչ կատարէ սոյն օրին դբանն :

Եւ Բոոս ել ՚ի դուռնն և նստաւ անդ ,
և ահա անցանէր առ նովալ մերձաւորիչն զոր-
մէ խօսեցաւ Բոոս : Եւ ասէ ցնա Բոոս , անց
նիստ աստ վայր մի և մնայ , և նա անց նստաւ :
Եւ առ Բոոս տասն այր ՚ի ծերոց քաղաքին
և ասէ , նստարուք աստ և նստան : Եւ ա-

օէ Բոսս ցմերձաւորիչն , զբաժին յանդոյ որ
 է եղբօր մերոյ Եղէմեղիքայ վաճառէ Նոս-
 մի , որ դարձեալն է յազարակէն Մովաբայ :
 Արդ ստացիր առաջի սոցա որ նստինս , և ա-
 ռաջի ծերոց ժողովրդեան իմոյ : Արդ եթէ
 մերձաւորեցուցանես մերձաւորեցո՛ , ապա թէ
 ոչ մերձաւորեցուցանես , պատմեա՛ն ինձ և գի-
 տացից , զի ոչ գոյ բաց ՚ի քէն մերձաւորարար .
 և յետ քո ես եմ մերձաւորեցուցիչ : Եւ ա-
 սէ Բոսս , յաւուր ստանալոյ քոյ զազարակն
 ՚ի ձեռաց Նոսմիայ և Հուութայ Մովա-
 բացոյ կնոջ մեռելոյն և զնա պարտխ ստա-
 նալ և յարուցանել զանուն մեռելոյն ՚ի ժա-
 ռանդութեան իւրում : Եւ ասէ մերձաւո-
 րիչն ցԲոսս . ո՛չ կարեմ մերձաւորեցուցանել
 ես ինձ , գուցէ եղծանիցեմ զժառանգութիւն
 իմ . մերձաւորեա՛ն դու քեզ զմերձաւորութիւն
 իմ . զի ես ոչ կարեմ մերձաւորեցուցանել :
 Եւ ասէ Բոսս ցԾերսն , և ցամենայն ժողո-
 վուրդն , վկայք իմ էք դուք այսօր , զի
 ստացայ զամենայն ինչ Եղէմելեքայ և զամե-
 նայն ինչ Քեղոնայ և Մաաղոնայ ՚ի ձեռաց
 Նոսմիայ : Նա և զՀուութ Մովաբացի ըզ-
 կին Մաաղոնայ ստացայ ինձ ՚ի կնութեան

կանգնել զանուն մեռելոյն 'ի ժառանգութեան իւրում . և մի' ջնջեացի անուն մեռելոյն յեղբարց իւրոց և 'ի ցեղէ տեղւոյ իւրոյ . և վկայք դուք էք այսօր :

Պատասխանի ետ ամենայն ժողովաւրդն 'ի դրանն և ասեն . մեք եմք վկայք . և ծերք ասեն տացէ Տէր զկինն որ մտանէ 'ի տունքո' . իբրև զՀռաքէլ և իբրև զԼիա որ շինեցին երկօքին զտուն Իսրայէլի առնել զօրութիւն յԵփրաթայ , և կոչել անուն 'ի Բեթղէհէմ : Եւ եղիցի տուն քո իբրև զտուն Փարիսի , զոր ծնաւ Թամար Եուզայի : Եւ առ Բոոս զՀռութ և եղև նմա 'ի կնութեան , և ծնաւ որդի : Եւ ասեն կանայք ցՆոոմի . օրհնեալ Տէր , որ ոչ քակեաց 'ի քէն այսօր զմերձաւորին , անուանել զանուն քո 'ի մէջ Իսրայէլի : Եւ եղիցի քեզ 'ի դարձուցանել զորդի , 'ի կերակրել զծերութիւն քո : Եւ առ Նոոմի զմանուկն , և եդ 'ի ծոց իւրում . և եղև նմա դայեակ : Եւ կոչեցին դրացիքն՝ և ասեն . ծնաւ որդի Նոոմիայ . և կոչեցին զանուն նորա Ուբէթ , նա է հայր Եսսիայ հօր Գաւթի :

Սաւուղ Բագատորէ 'ի Վերայ Իտայէլէ :

Եւ էր այր մի յորդուոցն Բենիամնի և անունն նորա Վիս : Եւ էր նորա որդի , և անունն նորա Սաւուղ , այր բարի և անձնեայ և ոչ գոյր յորդիսն Իսրայէլի այր լաւ քան զնա . ուսովք չափ 'ի վեր բարձր քան զամենայն այր երկրին : Եւ կորեան էշք Տօր Սաւուղայ : Ասէ Վիս ցՍաւուղ ցորդի իւր , մոռնող քեզ մի 'ի մանկտուոյդ , և արևք երթայք խնդրեցէք զէշն , և զնացին և անցին ընդ լեառն Եփրեմի : Եւ անցին ընդ լեառն Սարիսա , և ոչ գտին , և անցին ընդ երկիրն Սաղիմայ՝ Է . ոչ ուրեք էին , և անցին ընդ երկիրն յԵփնացւոյն և ոչ գտին : Եւ իբրև եկին 'ի Սիփ . ասէ Սաւուղ ցպատանեակն իւր որ ընդ նմա , եկ դարձցուք անդրէն , գուցէ թողեալ Տօր մերոյ զէշսն , և զմէնջ հողացէ : Եւ ասէ ցնա պատանին , ահա այր Աստուծոյ է 'ի քաղաքիս յայսմիկ այր փառաւոր , և զամենայն զոր ինչ խօսիցի լինելով լիցի . և արդ երթիցուք անդր , զի պատմեցէ մեզ զճանապարհս մեր և զնասցուք : Եւ ասէ Սաւուղ ցպատանին որ ընդ նմա , ահա

երթայցեմք , և չոգան ՚ի քաղաքն ուր էր
այրն Աստուծոյ : Եւ մինչդեռ ելանէին ընդ-
զառ ՚ի վեր քաղաքին , գտին նոքա աղջկունս
որք ելանէին հանել ջուր , և ասէն ցնոսա ,
եթէ գուցէ աստ տեսանող : Պատասխանի
ետուն նոցա աղջկունքն և ասէն , ահաւասիկ
առաջի ձեր այդր արդ արագեցէք :

Եւ ելին ՚ի քաղաքն , և իբրև մտին նոքա
՚ի քաղաքամէջն , և ահա Սամուէլ ել ընդ-
առաջ նոցա երթալ ՚ի Բամայ : Եւ Սամու-
էլ ետես զՍաւուղ , և ասէ Տէր ցնա , ահա-
ւադիկ է այրն զորմէ ասացի քեզ եթէ նա
իշխեսցէ ժողովրդեան իմում : Եւ մատեաւ
Սաւուղ առ Սամուէլ ՚ի մէջ քաղաքին և ասէ
պատմեա՛ ինձ ո՞ր տուն իցէ տեսանողին : Պա-
տասխանի ետ Սամուէլ և ասէ ցՍաւուղ , ես
ինքնին իսկ եմ , ել առաջի իմ ՚ի Բամայ և
կերիցես ընդիս այսօր , և արձակեցից զքեզ
վաղիւ , և զամենայն ինչ որ ՚ի սրտի քում է՝
պատմեցից քեզ : Եւ վասն իշոցն երեքօրէից
կորուսելոց մի՛ ինչ ածեր զմտաւ , քանզի գը-
տեալ են : Եւ մինչդեռ իջանէին նոքա յեզք
քաղաքին , ասէ Սամուէլ ցՍաւուղ , ասա՛
ցպատանիդ և անցցէ յառաջ քան զմեզ , և

անց , և դու կացցես այսօր ստա և լուիցես զպատգամս Տեառն : Եւ առ Սամուէլ զսրբուակն իւղոյ և եհեղ ՚ի գլուխ նորա , և համբուրեաց զնա , և ասէ ցնա , ո՞չ ապաքէն օծ զքեզ Տէր ՚ի վերայ ժառանգութեան : Եւ ժողովեաց Սամուէլ զամենայն ժողովուրդն առ Տէր ՚ի Մասեփաթ : Եւ ասէ Սամուէլ ցամենայն ժողովուրդն , եթէ տեսնիցէք զօր ընտրեաց իւր Տէր , զի ոչ գոյ նման դորա յամենեսին ՚ի ձեզ : Եւ ծանեան ամենայն ժողովուրդն և ասեն կեցցէ արքայ : Եւ ասէ Սամուէլ ժողովրդեանն զիրաւունս թագաւորին , և գրեաց ՚ի մատենի , և եդ առածի Տեառն : Եւ արձակեաց Սամուէլ զամենայն ժողովուրդն , և գնաց իւրաքանչիւրսք ՚ի տեղի իւր :

Քաջութիւն Յովնաթանու :

Եւ եհաս Սաւուղայ թագաւորել ՚ի վերայ Իսրայէլի , և տայր պատերազմ շուրջ ընդ ամենայն թշնամիս իւր , և ընդ Մովաբայ , և ընդ որդիսն Ամնայ , և ընդ որդիսըն Եգոփմայ , և ընդ այլազգիսն յանդի-

ման Բեթ ուրայ և ուր շրջէր փրկէր և առնէր զօրութիւնս սաստիկս : Եւ էին որդիք Սաւուղայ . Յովնաթան , և Յեսուր , և Մեղքիսաւէ : Եւ էր պատերազմ սաստիկ ընդ այլազգիսն զամենայն աւուրս Սաւուղայ . և տեսեալ Սաւուղայ զամենայն որդի զօրութեան , ժողովեաց զնոսա առ ինքն : Եւ ասէ Յովնաթան ցարտանին ցկապարձակիրն իւր . եկ անցցուք ՚ի կիրճս անթլպատիցն այնոցիկ . թերևս արասցէ ինչ մեզ Տէր . զի ոչ է խտիր Տեառն սպրեցուցանել բազմօք կամ սակաւօք : Եւ ասէ ցնա կապարձակիրն իւր . արն զամենայն ինչ յոր և յօժարեացի սիրաքո . ահաւասիկ ես ընդ քեզ եմ , որպէս սիրաքո սիրա խմ : Եւ ասէ Յովնաթան . ահաւասիկ մեք անցանեմք առ արնն . և յտիտիթերս երթիցուք առ նոսա : Եթէ ասիցեն ցլնդ . ՚ի բնց կացէք այդ ի մինչև պատմեցուք ինչ ձեզ . զտեղի կալցուք և մի ելցուք առ նոսա : Ապա եթէ ասիցեն ելէք առ մեզ . ելցուք զի մատնեաց զնոսա Տէր ՚ի ձեռս մեր : Այս լիցի մեզ նշանակ :

Եւ մտին երկօքեան ՚ի կիրճս այլազգեացն . եւ ասեն այլազգիքն ահա Եբրայեցիքն ե-

լանենն ՚ի ծածկոյ իւրեանց , ուր թաքուցեալ
 էին : Եւ պառասխանի ետուն արք կրճոյն՝ և
 ասենց Գովնաթան և ցկապարճակիրն . ելէք
 առ մեզ և ծանուցուք ձեզ բանս : Եւ ասէ
 Գովնաթան ցկապարճակիրն իւր , եկ զկնի իմ :
 Եւ ել Գովնաթան յափսիթ երս , և կապար-
 ճակիրն նորա ընդ նմա , հայեցան ընդդէմ
 Գովնաթանու , և եհար զնոսա . և կապար-
 ճակիրն տայր ստէպ զհետ նորա : Եւ եղեն
 առաջին հարուածքն՝ զոր եհար զնոսա Գով-
 նաթան և կապարճակիրն իւր իբրև քսան ա-
 րանց : Եւ ել Սաւուղ և ամենայն ժողովուր-
 դն՝ որ ընդ նմա , և եկին մինչև ցպատե-
 րազմն : Եւ ահա եղև սուր առն ՚ի վերայ ըն-
 կերի իւրոյ , և աղմուկ մեծ յոյժ : Եւ ծառայ
 քնն որ էին ընդայլազգիսն որք լեալ էին ընդ
 բանակին , դարձան անդրէն լինել ընդ Իս-
 րայէլի , և ընդ Սաւուղայ և ընդ Գովնաթա-
 նու : Եւ ամենայն Իսրայէլ որ թաքուցեալ
 էին ՚ի լերինն Եփրեմի , իբրև լուան թէ
 փախեան այլազգիքն . իմբեցան նոքա ևս
 զհետ նոցա ՚ի պոտերազմ : Եւ փրկեաց Տէր
 յառուր յայնմիկ զԻսրայէլ . և պատերազմն
 պատեցաւ զԲեթաւնաւ :

Յո՛ւնաբան «Էրէ զԴա-էր» :

Եւ եղև իբրև վախճանեաց զսօսելն ընդ Սաւուղայ և ոգի Յովնաթանու կապեցաւ ընդ ոգւոյն Դաւթի . և սիրեաց զնա Յովնաթան ըստ անձին իւրում : Եւ առ զնա առ իւր յաւուր յայնմիկ . և ոչ ետ նմա դառնալ ՚ի տուն Տօր իւրոյ : Եւ ուխտեաց ընդ նմա Յովնաթան ուխտ առ ՚ի սիրել զնա ըստ անձին իւրում : Եւ մերկացաւ Յովնաթան զլօգիկն որ զի ու և ետ զայն Դաւթի , և զվարապանակս իւր մինչև ցտուսեր իւր , և ցաղեղն իւր և ցկամօր իւր և ցի՛ապարձս իւր : Եւ երթայր Դաւիթ ամենայն ուրեք ուր և առաքէր զնա Սաւուղ , և իմաստնանայր . Եւ կացոյց զնա Սաւուղ ՚ի վերայ արանց պատերազմի . և հաճոյ եղև առաջի աչաց ամենայն ժողովրդեանն . նա՛ առաջի աչաց ծառայից Սաւուղայ : Եւ եղև ՚ի մտանել նոցա իբրև գարձաւ Դաւիթ ՚ի սպանանելոյ զայլազգիան ելին սարաւոր յամենայն քաղաքացն Իսրայէլի երգել և պար առնուլ ընդ առաջ Սաւուղայ արքայի , թմբիօք և ուրախութեամբ և ծնծղայիւք :

Եւ նուազէին կանայք խաղալիկք և ասէ-
 ին . եհար Սաւուղ զհազարս , և Դաւիթ ըզ-
 բիւրս : Եւ զչարեցաւ Սաւուղ բանիցն այ-
 նոցիկ և ասէ . Դաւիթի ետունն զբիւրս և ինձ
 ետունն զհազարս : Եւ եղև ՚ի վաղիւ անդր , և
 հարաւ այս չար յստուծոյ ՚ի վերայ Սա-
 ւուղայ , և մարգարէանայր ՚ի մէջ տան իւրոյ .
 և Դաւիթ երգէր ձեռամբ իւրով որպէս
 հանապազն : Եւ գեղարդն ՚ի ձեռին Սաւու-
 ղայ : Եւ ասէ հարից կարեցից ընդ որմն .
 և ձգեաց Սաւուղ , և խոյս ետ յերեսաց նո-
 րա երկիցս : Եւ էր Դաւիթ խելամուտ յա-
 մենայն ճանապարհսիւր , և Տէր էր ընդ նմա :
 Եւ սիրեաց Մեղքող դուստր Սաւուղայ ըզ-
 Դաւիթ , և ազգ եղև Սաւուղայ և հաճոյ
 թուեցաւ բանն յաչս նորա : Եւ ասէ Սա-
 ւուղ տաց զնա նմա ՚ի կնութիւն , և եղիցի
 նմա գայթակղութիւն . և էր ՚ի վերայ Սա-
 ւուղայ ձեռն այլազգեացն : Եւ պատուիրեաց
 Սաւուղ ծառայից իւրոց և ասէ . խօսեցա-
 րուք դուք լռելեայն ընդ Դաւիթի և ստա-
 ցէք՝ ահա արքայ հաճեալ է ընդ քեզ , և
 ամենայն արք նորա սիրեն զքեզ , և արդ՝
 փեսայացիր դու արքայի : Եւ խօսեցան ծա-

ուայքն Սաւուղայ ըստ բանիցս սյսոցիկ : Եւ
ասէ Դաւթի թեթեւ իցէ յաչս ձեր փեսայ-
անսղ արքայի . և ես այր մի տառապեալ եմ
և ոչ փառաւոր : Եւ պատմեցին Սաւուղայ
ծառայքն իւր ըստ բանիցս սյսոցիկ՝ զոր խօ-
սեցաւ Դաւիթ :

Եւ ասէ Սաւուղ , ասասըիք ցԴաւիթ . ե-
թէ ոչ կամի արքայ վարձանս , այլ հարիւր
անթլպատութիւնս այլազգեաց , առնուլ վրէժ
ի թշնամեաց արքայի . և Սաւուղ խորհէր
արկանել զնա ՚ի ձեռս այլազգեացն : Եւ
պատմեցին Դաւթի ծառայքն Սաւուղայ ըս-
բանս զայսասիկ . և հաճոյ թուեցաւ Դաւ-
թի փեսայանսղ արքայի : Եւ յարեաւ Դա-
ւիթ և գնաց ինքն և արք իւր , և եհար
յայլազգեացն արս երկերիւր . և եբեր զան-
թլպատութիւնս նոցա , և ելից զնոսա առա-
ջի արքայի . և փեսայացաւ արքայի : Եւ ետ
Սաւուղ զմեղքող գուստր իւր նմա կնութեան :
Եւ ետէս Սաւուղ և ծանեաւ եթէ Տէր է
ընդ նմա , և ամենայն Իսրայէլ սիրէր . և յա-
ւել ևս ակնածել ՚ի Դաւթէ . և եղև Սաւուղ
թշնամութեամբ ընդ Դաւթի զամենայն ա-
ւուրս նորա :

Եւ խօսեցաւ Սաւուղ ընդ Յովնաթանու
 որդւոյ իւրում, և ընդ ամեանայն ծառայս
 իւր սպանանել զԴաւիթ: Եւ պատմեաց
 Յովնաթան Դաւիթ և ասէ. հայր իմ խնդ-
 րէ սպանանել. զգոյշ լեր վաղիւ ընդ ա-
 ռաւօան, և թագջիր, և նստիջիր ընդ թա-
 գստեամբ: Եւ ես ելից և կացից մօտ առ հօր
 իմում յանդիման ուր և իցես դու անդ, և
 ես խօսեցայց վասն քօ ընդ հօր իմում, և
 տեսից եթէ զինչ իցէ և պատմեցից քեզ: Եւ
 խօսեցաւ Յովնաթան վասն Դաւիթ բանս
 բարիս ընդ Սաւուղայ հօր իւրում, և ասէ
 մի՛ մեղիցէ արքայ 'ի ծառայ իւր Դաւիթ, զի
 ոչ ինչ մեղաւ նա քեզ, և գործք նորա բա-
 րութեամբ են յոյժ: Եւ եզ զանձն իւր 'ի
 ձեռին իւրում, և եհար զայլազգիսն, և արար
 փրկութիւն մեծ, և ամենայն Իսրայէլ տեսին
 և ուրախ եղէն, և ընդէ՞ր մեղանչիցես յա-
 րիւն արդար՝ սպանանել զԴաւիթ տարա-
 պարտոց: Եւ լուաւ Սաւուղ ձայնի Յովնա-
 թանու, և երգուաւ Սաւուղ և ասէ. կեն-
 գանի է Տէր եթէ մեռանիցի: Եւ կոչեաց
 Յովնաթան զԴաւիթ, և պատմեաց Յովնա-
 թան զամենայն բանս զայսոսիկ, և տարաւ

զնա առ Սաւուղ եւ էր առաջի նորա որպէս
յերէկն և յեռանդն :

Եւ յաւել ևս լինել պատերազմ , և զօ-
րացաւ Բաւիթ տալ պատերազմ ընդ այլ-
աղգիսն , և եւ Տար ՚ի նոցանէ Տարուածս մե-
ծամեծս յոյժ , և փոխեան յերեսաց նորա :

Եւ եղև այս չար ՚ի վերայ Սաւուղայ , և
ինքն նստէր ՚ի տան , և գեղարդն ՚ի ձեռին
նորա , և Բաւիթ երգէր ձեռովք իւրովք :

Եւ ինդրէր Սաւուղ Տարիանել զգեղարդն
ընդ Բաւիթ և ընդ որմն , և խուսեաց յե-
րեսաց Սաւուղայ , և եւ Տար զգեղարդն յորմն
և Բաւիթ ել գնաց և զերծաւ :

Եւ եղև ՚ի գիշերին յայնմիկ առաքեաց Սաւուղ Տը-
րեշտա՛ս ՚ի տուն Բաւիթի պահել զնա , զի
սպանցէ զնա ընդ առաւօտն :

Եւ պատմեաց Բաւիթի Մեղքող կին իւր և ասէ . եթէ ոչ
ապրեցուցես զսնձն քո ՚ի գիշերիս յայն-
միկ՝ վաղիւ մեռանելոց ես :

Եւ իջաց Մեղքող զԲաւիթ ընդ պատուհանն , և փա-
խեաւ գնաց և ապրեցաւ : Եւ առ Մեղքող
պաճաւճապատանս , եւ եղ ՚ի վերայ մահճացն
և լեարդ այժեաց և կծիկ մազոյ եղ ՚ի անորի
և ծածկեաց զնա Տանդ երձիւ : Եւ առաքեաց

Սաւուղ Տրեշտակս ունել զԴաւիթ , և ասէն թէ խօթ է : Եւ առաքեաց ՚ի վերայ դարձեալ և ասէ . հանէք զնա մահճօք առ իս և սպանից զնա :

Եւ եկին Տրեշտակքն , և ահա պաճուճապատանքն ՚ի վերայ մահճացն , և լեարդայծեաց և կծիկ մաղոյ ՚ի սնարս . Եւ ասէ Սաւուղ ցՄեղքող շնդէ՞ր խաբեցեր զիս և արձակեցեր զթշնամին իմ և ապրեցաւ : Եւ ասէ Մեղքող ցՍաւուղ ինքն ասաց թէ արձակեան զիս . ապա թէ ոչ սպանանեմ զքեզ : Եւ Դաւիթ փախեաւ և ապրեցաւ , և եկն առ Սամուէլ յԱրիւայեմ , և պատեաց նմա զամենայն ինչ զոր արարն նմա Սաւուղ : Եւ գնացին Սամուէլ և Դաւիթ և նստան ՚ի նաւաթ Հռամայ : Ազդ եղև Սաւուղայ և ասէն . ահա Դաւիթ ՚ի Նաւաթ Հռամայ է : Եւ փախեաւ Դաւիթ ՚ի Նաւաթայ Հռամայ , և եկն խօսեցաւ առաջի ԅովնաթանու և ասէ . զի՞նչ արարի , և զի՞նչ վնաս է իմ , և զի՞նչ մեղայ առաջի հօր քոյ , զի խնդրէ զանձն իմ :

Եւ ասէ ցնա ԅովնաթան . քաւ քեզ , ոչ մեռանիցիս . զի ահա ոչ առնէ հայր իմ բան

մի մեծ կամ փոքր զի ոչ յայտնէ յունկն իմ . և
 զիս՝ ըզ իցէ . զի թաքուցանիցէ յինն՝ զբանդ
 դայդ . չէ՛ այդպէս : Պատասխանի ետ Դա-
 լիթ և ասէ ցՅովնաթան . զիտելով զիտէ
 Տայր քո , զի գտի շնորհս առաջի քոյ , և
 ասէ թէ մի՛ գիտասցէ Յովնաթան գուցէ ոչ
 կամիցի . այլ կենդանի է Տէր և կենդանի է
 անձն քո . զի որպէս ասացի վճարեալ ընդիս
 և ընդ Տայր քո մինչև ցմահ : Եւ ասէ Յով-
 նաթան ցԴաւիթ . զի՞նչ ցանկայ անձն քոյ ,
 և արարից քեզ : Ասէ Դաւիթ . ահա վա-
 ղիւ ամսամուտ է , և ես նստելով ո՛չ նստայց
 ուտել Տաց ընդ արքայի . և առաքեսցես
 զիս՝ և թաքեսցի ՚ի դաշտի աստ մինչև ցե-
 րեկ աւուրն երրորդի : Եթէ առնելով
 առնիցէ այց զինն՝ Տայր քո , ասացես
 եթէ Տրաժարելով Տրաժարեաց յինն՝ Դա-
 լիթ երթալ մինչև ցԲեթղաՏէմ քաղաք
 իւր . զի զո՛հ աւուրց է անդ ամենայն ցե-
 ղին : Եթէ ասացէ բարւոք է , խաղա-
 ղութիւն է ծառայի քում . ապա եթէ խստիւ
 տայցէ պատասխանի , զիտաօղիւր եթէ վճա-
 րեալ չարութիւն առ ՚ի նմանն : Եւ արաս-
 ցես սղորմութիւն ընդ ծառայի քում . զի յուխտ


Տ'րառն մութերը ընդ ծառայի քում , դու իսկ սպան զիս , և ընդէ՞ր հասուցանես առ հայր քո : Եւ ասէ Յովնաթամն . քաւ լիցի քեզ . զի եթէ գիտելով գիտացից եթէ վճարեալ է չարութիւն առ հօրէ խնկէ գալ 'ի վերայ քո եթէ ոչ 'ի քաղաքն քո իսկ պատմեցից քեզ : Եւ ասէ Ռաւիթ ցՅովնաթամն ս'պատմեցէ ինձ եթէ խտիւ պատասխանի տայցէ քեզ հայր քո : Եւ ասէ ցնա Յովնաթամն . վաղիւ ամսամուտ է և խնդրեսցիս , քանզի խնդրեսցի աթոռ քո : Եւ երեքօր նստեսցիս և երեկեսցես 'ի տեղի ուր թագեարն յաւուրն գործոյ , նստցիս առ երկաբաւդ այգուիկ : Եւ ես երեքինեցից փքնօք յորս ածել և ձգել յամատարայն : Եւ արձակեցից զպատանեակն , և ասացից , երթ գ'իտ զփրքինն : Եւ եթէ ասելով ասացից ցպատանեակն , 'ի քէն և այսր է փքինն , և այսր առ զնա , եկեսջիր , զի խաղաղութիւն է քեզ և չեն ինչ բանք կենդանի է Տէր : Ապա թէ ասացից ցպատանին , 'ի քէն և անդր է փքինն զնասջիր , զի արձակեաց զքեզ Տէր : Եւ թաքեաւ Ռաւիթ յանդին , և եհաս ամսամուտըն , և եմուտարքայ 'իսէնեակն ուտել հաց :

Եւ նստաւ արքայ յաթոս իւր որպէս մի-
 անգամն և միւս անգամ աթոռով յամայեցոն
 և ժամանեաց Եփեսաթան . և նստաւ Սբե-
 ներ ՚ի կողմանէ Սաւուղայ . և ինդրեցաւ ան-
 ղին Դաւթի : Ոչ խօսեցաւ Սաւուղ և ոչ ինչ
 յաւուր յայնմիկ : Եւ եղև ՚ի վաղիւ ամսամը-
 փին յաւուրն երկրորդի ինդրեցաւ անգին
 Դաւթի , և ասէ Սաւուղ ցՅփեսաթան որդի
 իւր . զի՞ է զի ոչ եկն որդին Յեսսեայ երեկ
 և այսօր ՚ի սեղանս : Պատասխանի և տ Եփ-
 նաթան և ասէ ցՍաւուղ , հրաժարեաց յինէն
 երթալ ՚ի Բեթղէհէմ : Եւ բարկացաւ Սա-
 ւուղ ՚ի վերայ Եփեսաթանու . և ասէ ցնա
 աղջկորդի անձնամասն , ես ոչ գիտեմ . զի
 դաշաւորես դու ընդ որդւոյն Յեսսեայ յա-
 մօթ քո : Զի զամենայն աւուր , որչափ որդին
 Յեսսեայ կենդանի է , ոչ հաստատեցի թա-
 գաւորութիւն քո , սրդ առաքեան կալ զպա-
 տանին . զի որդի մահու է նա : Պատասխանի
 ետ Եփեսաթան Սաւուղայ և ասէ ցնա . ըն-
 դէ՞ր մեռանիցի զի՞նչ գործեաց : Եւ վերա-
 ցոյց Սաւուղ զգեղարդն ՚ի վերայ Եփեսա-
 թանու սպանանել զնա . և գիտաց Եփեսա-
 թան թէ վճարեալ է չարութիւն հօր սպա-

նանել զՔաւիթ : Եւ դիմեաց Յովնատան ՚ի սեղանոյ անտի ալտաքս բարկոթեամբ և սրամաութեամբ . զի բեկաւ վասն Քաւիթի . զի վճարեաց չարութիւն վասն նորա :

Եւ եղև ընդ առաւօտն ել Յովնատան յանդն որպէս ժամադիր եղև Քաւիթի ՚ի վրկայութիւն . և մանուկ փոքրիկ ընդ նմա : Եւ ասէ ցպատանեալն , ընթան գիտ զփոքինն զոր ձգեցից . և ընթացաւ սպտանեալն . և նա ձգեաց զփոքինն : Եւ չոքաւ սպտանեալն մինչև ցտեղի փքնին զոր ձգեաց Յովնատան . և աղաղակեաց Յովնատան զկնի սպտանեկին և ասէ ՚ի քէն և անդր է փոքինն փութացեալ արագեան և մի՛ կացցես . և վաղեաց մանուկն Յովնատանու և եբեր առ Տէր իւր զփոքինն : Եւ յարեաւ Քաւիթ առ ժամայն , և անկաւ ՚ի վերայ երեսաց իւրոց յերկիր , և երկիրեպագ նմա երիցս անգամ , և համբուրեաց իւրաքանչիւր զընկեր իւր և ելաց իւրաքանչիւր ՚ի վերայ ընկերի իւրոյ մինչև ցմ ծ վախճան : Եւ ասէ Յովնատան ցՔաւիթ . երթ ՚ի խաղաղութիւն . և որպէս երդուաք մեք երկոքին յանուն Տեառն խօսեցաք և Տէր լիցի ընդիս և

ընդ քեզ , և 'ի մէջ զաւակի իմոյ և 'ի մէջ
զաւակի քո . մինչև յաւիտեան : Եւ յա-
րեաւ Դաւիթ և գնաց , և Յովնաթան ե-
մուտ 'ի քաղաքն :



Սաւուղ հաշտե ընդ Դաւիթ :


Եւ եղև իբրև դարձաւ Սաւուղ յայլագ-
գեացն , ազդ եղև նմա և ասեն , ահաւանիկ
Դաւիթ յանապատին Գադգայ է : Եւ առ
ընդ իւր երիս հազարս արանց ընտրելոց յա-
մենայն Իսրայէլէ , և գնաց խնդրել զԴաւիթ .
և զարսն նորա յանդիման Ելիմայ որսոյն եղ-
ջերուաց : Եւ եկն 'ի պառակս հօտիցն որ
առ ճանապարհուն , և սնդ էր այր մի , և
եմուտ Սաւուղ հանդչել , և Դաւիթ և արք
նորա նստէին 'ի ներքնում այրին : Եւ ա-
սեն արք Դաւիթի ցնա , ահա այս օր է , զոր-
մէ սասց Տէր ցբեզ , մատնել զԹշնամիս քո
'ի ձեռս քո . և արասցես ընդ նա , որպէս
և հաճոյ թուի յոչս քո : Եւ յարեաւ Դա-
ւիթ և եհատ զտաուն լօգկին Սաւուղայ
գաղա : Եւ եղև յետ այնորիկ , զըջացոյց

զԴաւիթ սիրտն իւր , զի եհատ զտտուն լօղ-
կի նորա : Եւ ասէ դաւիթ ցարս իւր , քաւ
լիցի ինձ 'ի Տեառնէ , զի արարի բանդ զայդ
տեառն իմում օծելոյ Տեառն , միտել 'ի նա
զձեռս իմ , զի օծեալ Տեառն է :

Եւ հաճեաց Դաւիթ զարսն իւր բանիւք ,
և ոչ ետ նոցա յառնել և սպանանել զՍա-
ւուղ : Եւ յարեաւ Սաւուղ յայրէ անտի և էջ
'ի ճանապարհն : Եւ յարեաւ Դաւիթ զկնի
նորա ել յայրէ անտի , և աղաղակեաց
Դաւիթ զհետ նորա և ասէ , տէր իմ արքայ
և հայեցաւ Սաւուղ 'ի թիկունս իւր , և
անկաւ Դաւիթ 'ի վերայ երեսաց իւրոց յեր-
կիր , և երկիր եպագ նմա : Եւ ասէ Դա-
ւիթ ցՍաւուղ , ընդէ՞ր լսես բանից ժողովր-
դեանն՝ որ ասեն Դաւիթ ինդրէ զանձն քո :
Ահա յաւուր յայսմիկ տեսին աչք քո , և
ն՞րպէս մատնեաց զքեզ Տէր այսօր 'ի ձեռս
իմ յայրի անդ , և ոչ կամեցայ սպանանել
զքեզ , և ինայեցի 'ի քեզ և ասացի թէ ոչ
ձգեցից զձեռն իմ 'ի տէր իմ , զի օծեալ Տեառն
է նա : Եւ տես հայր իմ , ահա տտուն
լօղկին քո 'ի ձեռին իմում , ես հաաի ըզ-
տտուն հանդերձի քո , և ոչ սպանի զքեզ :

Եւ ծանիր և տես այսօր • զի ոչ գոյ 'ի ձեռին
 իմում չարութիւն , և ոչ արհամարհութիւն ,
 և ոչ ամբարշտութիւն , ոչ մեղայ ինչ քեզ •
 և պաշարեցեր զանձն իմ առնուլ զնա :


Դնտ արասցէ Տէր ընդիս և ընդ քեզ •
 և առցէ զվրէժ իմ 'ի քէն , և ձեռն իմ մի'
 եղիցի 'ի քեզ : Եւ իբրև կատարեաց Դաւիթ
 խօսել զբանսն զայսօսիկ ընդ Սաւուղայ ,
 և ասէ Սաւուղ • այդ քո՞ ձայնն իցէ որդեակ
 իմ Դաւիթ : Եւ ամբարձ Սաւուղ զձայն իւր
 և ելաց : Եւ ասէ Սաւուղ ցԴաւիթ , դու
 արդար ես քան զիս • զի դու հատուցեր ինձ
 բարիս , և ես հատուցի քեզ չարիս : Եւ
 դու պատմեցեր ինձ այսօր զոր արարեր ինձ
 բարիս , և եթէ ո՞րպէս փակեաց զիս Տէր
 այսօր 'ի ձեռս քո • և ոչ սպաներ զիս : Զի
 որպէս գտանէ ոք զթշնամիս իւր 'ի նեղու-
 թեան , և արձակիցէ զնա բարեալ ընդ ճա-
 նապարհ , և Տէր հատուցէ նմա բարիս •
 որպէս դու արարեր այսօր : Եւ արդ գի-
 տեմ • զի թագաւորելով թագաւորեսցես , և
 հաստատեսցի 'ի ձեռս քո թագաւորութիւն
 Իսրայէլի :



Մահ՝ Սաւուղայ :

Եւ այլազգիքն պատերազմէին ընդ Խորայ-
 էլի և փախեան արք յերեսաց այլազգեացն և
 անկանէին վերաւորք ՚ի վերինն Գեղբուայ :
 Եւ հասին այլազգիքն ՚ի Սաւուղ և յորդիս
 նորա , և հարին այլազգիքն զՅովնաթան և
 զԱփնադաբ և զՄեքիաաւէ զորդիս Սաւու-
 ղայ : Եւ ծանրացաւ պատերազմ ՚ի վերայ
 Սաւուղայ , և գաին զնա արք կորովիք ա-
 ղեղնաւորք և վերաւորեցաւ ընդ կարաւան-
 գըն ՚ի ներքս : Եւ ասէ Սաւուղ ցկապարձա-
 կիրն իւր , մերկեա՛ զսուր քս և խոցեա՛ զիս
 նովաւ , գուցէ գայցեն անթլպատքն և խո-
 ցոտիցեն զիս , և խաղայցեն զինև : Ոչ կամե-
 ցաւ կապարձակիրն , քանզի երկեաւ յոյժ , և
 առ Սաւուղ զսուսերն իւր և անկաւ ՚ի վերա-
 նորա : Իբրև ետես կապարձակիրն եթէ մե-
 աւ Սաւուղ անկաւ և նա ՚ի վերայ սուսերոյ
 իւրոյ և մեռաւ ընդ նմա : Եւ մեռաւ Սա-
 ւուղ և երեքեան որդիք նորա և կապարձա-
 կիրն իւր , և ամենայն արք նորա յաւուր յայն-
 միկ ՚ի միասին : Եւ իբրև ատսին արք Իս-
 րայէլի որ յայնկոյս յովտացն , և որ յայնկոյս

Յորդանանու . եթէ փախեան արք Իսրայելի , և թէ մեռաւ Սաւուղ , և որդիք նորա՝ Թողին զքաղաքս իւրեանց և փախեան . և այլազգիքն բնակեցան 'ի նոսա : Եւ եղև 'ի վաղիւ անգր եկին այլազգիքն մերկացուցանել զգլխուսնսն . զտին զՍաւուղ և զերիս որդիս նորա անկեալս 'ի լերին Գեղբուայ : Եւ հատին զգլուխ նորա , և առաքեցին յերկիրսն այլազգեաց շուրջանակի ուխտաւորս 'ի կուռս իւրեանց 'ի Ժողովուրդքս : Եւ եղին զկարասին նորա Յաստարաիոն , և զմարմինս նոցա կախեցին զփայտէ 'ի Բեթսանա : Եւ լուան զնոցանէ Ժողովուրք Յաբիսայ Գաաղադացւոց զոր ինչ արարին այլազգիքն ընդ Սաւուղ : Եւ յարեան ամենայն այր զօրութեան , և զնացին զգիշերն ամենայն . և առին զմարմինն Սաւուղայ և մարմինն Յովնաթանու որդւոյնորա 'ի պարսպէն Բեթանայ և բերին զնոսա Յաբիս և այրեցին զնոսա անդ : Եւ առին զոսկերս նոցա և թաղեցին զնոսա անդ անգիման , Աբիսայ և պահեցին զեօթն օր :



Ողբ Դաւթայ ՚ի Սաւուղ և Յովնաթան :

Եւ եղև յետ մահուանն Սաւուղայ , և Դաւիթ գարձաւ ՚ի հարկանելոյ զԱմաղէկ և ահա այր եհաս ՚ի բանակէ գորուն և հանդերձք իւր պատառեալ , և հող զգլխով իւրով : Եւ ասէ ցնա Դաւիթ . ուստի՞ գաս դու , և ասէ ցնա ՚ի բանակէն Իսրայէլի զերծեալ եմ ես : Եւ ասէ ցնա Դաւիթ . զի՞նչ գրոյց է պատմեան ինձ : Եւ ասէ . փախեալ ժողովուրդն ՚ի պատերազմէն , և անկան բազումք ՚ի ժողովրդոց և մեռան : Եւ ողբաց Դաւիթ զողբս զայս ՚ի վերայ Սաւուղոյ և ՚ի վերայ Յովնաթանու որդւոյ նորա : Արձանացիր Իսրայէլ ՚ի վերայ բլրոցն ՚ի բարձունս քոց վիրաւորաց . զինորդ անկան զորաւորքն : Մի՛ պատմէք ՚ի Գէթ և մի՛ տայք զայս աւետիս յելս Ասկսղանի . զի մի՛ երբէք ուրախ լիցին դստերք այլազգեացն , և մի՛ ցնծասցեն դստերք անթլպատիցն : Լերինք Դեբուայ մի՛ իջցէ ՚ի ձեզ ցօղ . և մի՛ եկեացէ ՚ի վերայ ձեր անձրև յանդաստանս պտղոց . զի անդ ապականեցաւ ասպար զորաւորաց . վահան Սաւուղայ ոչ օծաւ իւրով :

Յարենէ վիրաւորաց 'ի ճարպոյ զօրաւորաց
 աղեղն Յովնաթանու ոչ դարձուցաւ յետս .
 և սուրն Սաւուղայ ոչ ամփոփեցու դատար-
 կացեալ : Սուուղ և Յովնաթան սիրելիք և
 գեղեցիկք և վայելուչք . չմեկնեալք 'ի կեն-
 դանութեան իւրեանց . և ոչ մեկնեցան 'ի
 մահուան իւրեանց . թեթեալոյն քան զար-
 ծուի . զօրացան առաւելքան զառիւծունս :
 Դստերք Իսրայելի լացէք 'ի վերայ Սաւու-
 ղայ . լացէք 'ի վերայ նորա . որ զգեցուցանէր
 զձեզ կարմիրս հանգերձ գորդուց ձերոց . որ
 արկանէր զարդս սակւոյ 'ի վերայ հանգեր-
 ձից ձերոց : Չիսրդ անկան զօրաւորքն 'ի մէջ
 պատերազմի . Յովնաթան 'ի վերայ բար-
 ձանց քոց վիրաւոր : Յնա է ինձ 'ի վերայ
 քո եղնայր իմ Յովնաթան . գեղեցկացար
 ինձ յոյժ , զարմանալի եղև սէր քո ինձ՝ քան
 զսէր կանանց : Չիսրդ անկան զօրաւորքն ,
 և կորեան անօթք պատերազմականք :




Թագաւորէ Դաւիթ 'ի վերայ Իսրայելի :

Եւ եղև յետ այնորիկ եհարց Դաւիթ 'ի
 Տէառնէ և ասէ եթէ ելանիցեմ 'ի մի 'ի քա-

ղաքացն Յուդայ . և ասէ ցնա Տէր՝ ել : Եւ
 ասէ Դաւիթ յս՞ ելից . և ասէ՛ի Քերբօն :
 Եւ եկին արք Հրէաստանի և օծին անդ ըզ-
 Դաւիթ ՚ի թաղաւոր : Եւ էր պատերազմ
 սաստիկ ՚ի մէջ տանն Սաւուղայ և ՚ի մէջ տանն
 Դաւթայ . և տունն Դաւթի երթայր և զօ-
 րանայր , և տունն Սաւուղայ երթայր և տկա-
 րանայր : Եւ եկին ամենայն ցեղքն Իսրայէլի
 առ Դաւիթ ՚ի Քերբօն . խօսեցան և ասեն
 ահաւասիկ ոսկերք քօ եմք և մարմին քօ
 եմք : Եւ յէրէկն և յեռանդն մինչ էր Սա-
 ւուղ թաղաւոր ՚ի վերայ մեր . դու էիր՝ որ
 մուծանէիր և հանէիր զԻսրայէլ . և ասացքեզ
 Տէր հովուեսցես ժողովրդեան իմոյ Իսրայ-
 էլի և դու լիցիս յառաջնորդ ՚ի վերայ Իսրայ-
 էլի : Որդի ամաց երեսնից Դաւիթ ՚ի թա-
 գաւորել իւրում . և քառասուն ամ թա-
 գաւորեաց :

Եւ չողաւ Դաւիթ և արք նորա յԵրու-
 սաղէմ առ Յերբուսացին բնակեալ յերկրին .
 և ասացաւ Դաւթի թէ ոչ մտցես դու այսր .
 քանզի ընդդէմդարձան կոյր և կաղք՝ և ա-
 սեն . մի՛ մտցես այսր Դաւիթ : Եւ առ Դա-
 ւիթ զՍիւն և զամրոց նորա , այն է քաղաք

Դաւթի : Եւ երթալով երթայր Դաւիթ և
 մ. ծանայր . և Տէր ամենակալ էր ընդ նմա :
 Եւ առաքեաց Քերամ արքայ Տիւրոսի
 Տրեշտակս առ Դաւիթ և փայտս եղևնեայ ,
 և Տիւսունս փայտից , և ճարտարապետս քա-
 րանց . և շինեցին տուն Դաւթի : Եւ գի-
 տաց Դաւիթ եթէ Տաստատեաց զնա Տէր
 Թագաւոր 'ի վերայ Իսրայէլի . և թէ բարձ-
 րացաւ Թագաւորութիւն վասն Ժողովր-
 դեան նորա Իսրայէլի : Եւ առ ևս Դաւիթ
 կանայս և Տարձս յԵրուսաղիմէ յետ գտա-
 նելոյ նորա Քեբբօնէ . և եղեն Դաւթի ևս
 այլ ևս ուստերք և դստերք : Եւ այս են ան-
 ուանք ծնելոց որդւոց նորա յԵրուսաղէմ .
 Սամաթ Եսիբաթ , Նաթան , Սողոմոն ,
 Եբբար , Թեմետու , Ելփալատ , Նազեա ,
 Նոփեկ , Յենաթան , Եղիսամիս , Բաղիզատ
 Եղիփալէա :



Թագաւորէ Սողոմոն :

Եւ արքայ Դաւիթ ծերացեալ և անցել
 զառուրբք . և ծածկէին զնա Տանդերձիւք ,
 և ոչ ջլեւնայր : Եւ Ազանիա որդի Ագիթայ

ամբառնայր . ասէ՛ ես թագաւորեցից . ե.
 արար իւր կառս և հեծեալս , և յիսուն այր
 սուրհանդակս ընթանալ առաջի նորա : Եւ
 հայրն ոչ արդելոյր զնա . և ոչ երբէք ասէր
 թէ ընդէ՞ր արարեր զայդ : Եւ եղեն բանք
 նորա ընդ Յովաբայ որդւոյ Շարոհեայ ,
 և ընդ Աբիաթարայ քահանայի . և օգնէին
 Ադոնիայ : Եւ Սաղուլք քահանայ , և Բա-
 նիս որդի Յովիզայեայ՝ և Նաթան մարգա-
 րէ և Սեմեէ , և Հուէի , և որդիք զօրաւորք
 Դաւիթի չէին զհետ Ադոնիայ : Եւ եղեն Ա-
 դոնիայ ոչխարս , և եղինս և գառինս , առ
 վիմին Սողեթեայ որ է մօտ յերկիրն Ռովգե-
 լայ . և կոչեաց զամենայն եղբարս իւր որդիս
 արքայի : Եւ զՆաթան մարգարէ , և ըզ-
 Բանիա , և զզօրաւորս , և զՍաղամոն զեղ-
 բայր իւր ոչ կոչեաց : Եւ խօսեցաւ Նաթան
 մարգարէ ընդ Բերսաբեայ մօր Սողովմանի
 և ասէ ոչ լուար . զի թագաւորեաց Ադոնիա
 որդի Ագիթայ . և Տէր մեր արքայ Դաւիթ
 ոչ գիտաց : Եւ արդ եկ տաց քեզ խրատ , և
 ապրեցուցես զանձն քո և զանձն որդւոյ քո
 Սողամոնի : Երթ մնւտ առ արքայ Դաւիթ
 և խօսեսցիս ընդ նմա և ասասցես . ս՞չ դու

արքայ երդուար աղախնոյ քում և ասացեր թէ Սողոմոն որդի քո թագաւորեսցէ յետ իմ և նա նստցի յաթոռ իմ, և այն զինչ է, զի թագաւորեաց Ադոնիա :

Եւ եմուտ Բերսաբէէ առ արքայ 'ի սենեակն, և արքայ ծերացեալ էր յոյժ : Եւ խոնարհեցաւ Բերսաբէէ եւ երկիր եպագարքայի, և ասէ արքայ զի՞ է քեզ : Եւ նա ասէ, տէր իմ արքայ, դու երդուար 'ի Տէր Աստուած քո աղախնոյ քում և ասացեր, թէ Սողոմոն որդի քո թագաւորեսցէ յետ իմ, և նա նստցի յաթոռ իմ : Եւ ասա Ադոնիա թագաւորեաց, և դու Տէր իմ արքայ ոչ գիտացեր : Եւ Տէր իմ արքայ աչք ամենայն Իսրայէլի 'ի քեզ են, պատմել նոցա թէ ո՞վ նստցի յաթոռ Տեառն իմոյ արքայի յետ նորա : Եւ եղիցի եթէ ննջեսցէ տէր իմ արքայ ընդ հարս իւր, և լինիցիմ ես և որդի իմ Սողոմոն վասսապարտք : Եւ մինչդեռ նա խօսէր ընդ արքայի, եկն Նաթան մարգարէ և եմուտ առաջի արքայի, և երկիր եպագարքայի 'ի վերայ երեսաց իւրոց յերկիր : Եւ ասէ Նաթան, տէր իմ արքայ դու՞ ասացեր եթէ Ադոնիա թագաւորեսցէ զինի

իմ , և նստցի յաթոռ իմում : Ձի էջ այսօր
 և եղէն արջառս և ոչխարս և գառինս բա-
 դումս , և կոչեաց դամենայն որդիսն արքայի
 և զիշխանս զօրուն , և զԵբիթա քահանայ .
 և ահա ուտեն և բմպեն առաջի նորա և ա-
 սեն կեցցէ արքայ Ադանիա : Եւ զիս զծա-
 ոայ քո . և զՍաղովկ քահանայ և զԲանիա
 որդի Յովիդիայ , և զՍողոմոն զծառայ քո
 ոչ կոչեաց : Եթէ ՚ի ձեռն տեառն իմոյ ար-
 քայի եղև բանն այն . և ոչ ցուցեր ծառայի
 քում թէ ո՞ր նստցի յաթոռ տեառն իմոյ
 արքայի յետ նորա :


Պատասխանի ետ Դաւիթ արքայ և ասէ .
 կոչեցէք առիս զԲերսաբէէ և եմուտ առաջի
 նորա : Եւ երդուաւ արքայ և ասէ կենդա-
 նի է Տէր , եթէ Սողոմոն որդի քո թագա-
 ւորեսցէ յետ իմ , և նա նստցի յաթոռ իմ փո-
 խանակ իմ , եթէ ոչ այսպէս արարարից յա-
 ւուր յայսմիկ : Եւ կոչէ Դաւիթ զՍաղովկ
 քահանայ . և զՆաթան մարգարէ և զԲանիա
 որդի Յովիդայեայ . և մօին առաջի արքայի :
 Եւ ասէ ցնոսաւ արքայ . առէք ջնդ ձեզ ըզ-
 ծառայս տեառն ձերոյ և հեծուցէք զՍողոմոն
 զորդի իմ ՚ի Զորուջ իմում , և իջուցէք զնա

ի Գեհնոն : Եւ օժցեն զնա անդ Սաղովկ
 քահանայ և Նաթան մարգարէ ՚ի Թագաւոր
 վերայ Իսրայէլի . և փող Տարէք եղջերաւն
 և ասասջիք կեցցէ արքայ Սողոմոն : Եւ նա
 Թագաւորեսցէ ընդ իմ . եւ ես ետու լինել
 նմա առաջնորդ ՚ի վերայ Իսրայէլի եւ ՚ի
 վերայ Յուդայ : Եւ էջ Սաղովկ քահա-
 նայ , եւ Նաթան մարգարէ , եւ Բանիա
 որդի Յովիդայեայ , եւ Փերեթին , եւ
 Ոփելեթին , եւ Տեծուցին զՍողոմոն ՚ի ջոր-
 ւոջն արքայի Դաւիթի , եւ տարան զնա ՚ի
 Գեհնոն :

Եւ առ Սաղովկ քահանայ զեղջիւր իւղոյ ՚ի
 Խորանէն , եւ օժ զՍողոմոն . եւ ետար զփողն
 եղջերեայ , եւ ասէ ամենայն ժողովուրդն
 կեցցէ արքայ Սողոմոն : Եւ ել ամենայն
 ժողովուրդն զՏեա նորա , եւ պարառեալ
 պարուք ուրախ լինէին մեծաւ ուրախու-
 թեամբ , և Տնչեաց երկիրն ՚ի բարբառոյ
 նոցա :

Եւ մերձեցան աւուրք Դաւիթի մեռանե-
 լոյ , և պատասխանի ետ Սողոմոնի սրուղոյ իւ-
 բում և ասէ . ես երթամ զճանապարհ ամե-
 նայն երկրի , և դու զօրասցիս և եղիցիս յայր :

Եւ պահեցես զպահպանութիւնս Տեառն
Աստուծոյ քոյ , գնալ 'ի ճանապարհս նորա .
և պահել զպատուիրանս նորա և զիրաւունս ,
եւ զգատաստանս եւ զվկայութիւնս նորա .
զգրեալս յօրէնս Մովսիսի . և 'ի միտ առնու-
ցուս զոր առնիցես , ըստ ամենայնի՝ զոր պատ-
ուիրեմ քեզ : Եւ ննջեաց Դաւիթ ընդ
հարս իւր , եւ թաղեցաւ 'ի քաղաքի Դաւ-
թի : Եւ աւուրք զոր թագաւորեաց Դաւիթ
'ի վերայ Իսրայէլի ամք քառասուն , 'ի Քեբ-
րոն՝ ամս եօթն , եւ յԵրուսաղէմ ամս երե-
սուն եւ երիս : Եւ Սողոմոն նստաւ յաթոռ
Դաւթի հօր իւրոյ ամաց երկոտասանից , եւ
թագաւորութիւն նորա մեծացաւ յոյժ :




Ընդարեւելն Սողոմոնի :

Եւ սիրեաց Սողոմոն զՏէր գնալ ըստ հրա-
մանաց Դաւթի հօր իւրոյ : Եւ երեւեցաւ
Տէր Սողոմոնի 'ի Գաբաւոն 'ի քուն գիշերոյ .
և ասէ Տէր ցՍողոմոն , խնդրեա՛ն դու քեզ
խնդիր ինչ : Եւ ասէ Սողոմոն , դու արարեր
ողորմութիւն մեծ ընդ Դաւթի հօր խնոյ ,

որպէս և շրջեցաւ ճշմարտութեամբ և ար
 դարութեամբ և օղորութեամբ սրտի ընդ-
 քեզ , և և պահեցեր նմա զօղորմութիւնս զայս
 մեծ տալ որչւոյ նորա նստել յաթոռ նորա որ-
 պէս և յաւուր յայսմիկ : Եւ արդ Տէր Աստ-
 ուած իմ , դու ետուր զծառայքոյ փոխանակ
 Գաւթի Տօր իմոյ , և և ես եմ մանուկ փոքրիկ
 և ոչ զիտեմ զել և զմուտ իմ : Եւ ծառայ քո
 'ի մէջ ժողովրդեան քոէ , զոր ընդրեցեր ան-
 թիւ և անհամար 'ի բազմութենէ : Տացցես
 ծառայի քում սիրտ լսելոյ և դատելոյ զժողո-
 վուրդ քո արդարութեամբ 'ի խելամուտ լի-
 նել 'ի մէջ բարւոյ և չարի քանդի ո՞ կարիցէ
 դատել զայս ժողովուրդ քո ծանր :

Եւ հաճոյ թուեցաւ բանն առաջի Տեառն ,
 և և ասէ ցնա Տէր , փոխանակ զի խնդրեցեր
 յինէն զբանդ զսոյգ և ոչ խնդրեցեր քեզ ա-
 լուրս բազումս , և ոչ խնդրեցեր մեծութիւն ,
 և և ոչ խնդրեցեր զանձինս թշնամեաց քոց ,
 այլ խնդրեցեր դու քեզ խելամուտ լինել և լսել
 զիրաւունս : Ահա արարի ըստ բանիդ քում
 ահա ետուր քեզ սիրտ իմաստուն և հանձա-
 րեղ իբրև զքեզ ոչ ոք եղև յառաջ քան ըդ-
 քեզ , և և յետ քեզ ոչ ոք յարիցէ նման քեզ :

Եւ զոր ոչ եւս խնդրեցեր ետու քեզ զմեծ ու-
 թիւն եւ զփառս , որպէս ոչ ոք եղեւ նման
 'ի թագաւորս զամենայն աւուրս քոյ : Եւ
 զարթեալ Սողոմոն եւ ահա երազէր . եւ
 յարեալ եկն յԵրուսաղէմ , եւ եկաց առաջի
 սեղանոյն յանդիման տապանակի ուխտին
 Տեառն 'ի Սիոն , եւ մատոյց ողջակէզս , եւ
 արար խաղաղականս եւ արար խրախուժիւն
 մեծ իւր եւ ամենայն ծառայից իւրոց :



Դասարարան Սողոմոնի

Յայնժամ երեցան երկու կանայք , և կացին
 առաջի արքայի . եւ ասէ մի կինն , յիս տէր
 իմ , ես և կինս այս էաք 'ի միում տան , և
 ծնայ 'ի տանն : Եւ եղև յաւուրն երրուդի ծը-
 նաւ և կինս այս . և մեք առանձինն էաք , և
 ոչ ոք գոյր ընդ մեզ 'ի տանն բայց 'ի մէնջ յեր-
 կոցունց 'ի տանն : Եւ մեռաւ որդի սորա 'ի
 մէջ գիշերի , քանզի ննջեաց 'ի վերայ նորա :
 Եւ յարեալ 'ի հասարակ գիշերի , և էառ
 զմանուկն իմ 'ի գրկաց իմոց . և աղախին քո 'ի
 քուն էր , և ննջեցոյց 'ի ծոց իւրում և զորդին

իւր զմեռեալ ննջեցոյց ՚ի ծոց իմում : Եւ յարեայ ընդ առաւօտն դիտեցուցանել զորդին իմ , և նա էր մեռեալ , և հայեցայ ընդ նա այգունն , և ահա չէր որդին իմ զոր ծնայ : Եւ ասէ միւս կինն , ոչ , այլ որդի քո է մեռեալն , և որդի իմ կենդանին : Այսպէս խօսեցան առաջի արքայի : Եւ ասէ ցնոսա արքայ , դու ասես թէ այս որդի իմ է , որ կենդանիս է և որդի դորա մեռեալն , և դու ասես . ոչ , այլ որդին քո մեռեալն , և որդի է իմ կենդանին : Եւ ասէ արքայ ածէք զսուրն , և բերին առաջի արքայի :

Եւ ասէ արքայ կտրեցէք զմանուկն զսանդիաց զկենդանի յերկուս , և տուք զկէսն դմա և զկէսն նմա : Եւ պատասխանի ետ կինն որոյ որդին կենդանի էր , և ասէ ցարքայ քանդի խռովեցան աղիք նորա ՚ի վերայ որդւոյն իւրոյ , յիս տէր տուք , նմա զմանուկն կենդանի , և մահու մի սպանանէք զնա , և միւսն ասէր , մի՛ իմ լիցի և մի՛ դորա , կտրեցէք ընդ մէջ : Պատասխանի ետ արքայ և ասէ , որ ասաց մահու մի՛ սպանէք զդա նա է մայր դորա : Եւ լուաւ ամենայն իսրայէլ զդատատառն զոր դատեցաւ արքայ և զահի հարան յերե-

սաց արքայի , զի տեսին թէ իմաստութիւն
Աստուծոյ է 'ի նմա առնել իրաւունս :




Փոռք Սողոմոնի

Եւ Սողոմոն իշխանէր թագաւորութեանց
'ի գետոյ երկրին այլազգեաց մինչեւ 'ի սահ-
մանս Եգիպտոսի : Եւ այս ուժիկք էին Սո-
ղոմոնի 'ի միում աւուր , երեսուն քու նաշ-
հւոյ , և քառասուն քու ալեր գերմակոյ :
Եւ տասն եղն ընտիր . և քսան կով արօտա-
կան , և հարիւր ոչխար թո՛ղ զեղջերու և
զայծեամն , և զընտիրո հաւուց պարարելոց :
Եւ բնակեալէր Յուդայ և Իսրայէլ վստա-
հութեամբ իւրաքանչիւրօք ընդ որթով և
ընդ թզենեաւ իւրով , ուտէին և ըմպէին 'ի
Դանայ մինչեւ ցԲերսաբէէ զամենայն ա-
ւուրս Սողոմոնի : Եւ էին Սողոմոնի քառա-
սուն հազար մատակ ձիոց 'ի կառս , և երկո-
տասան երիվարաց : Եւ տային այնպէս ու-
ճիկ գործակալքն արքայի Սողոմոնի , և զա-
մենայն հրամանս սեղանոյ արքայի զիւրա-
քանչիւր ամիս , և ոչ սխալէին բան մի : Եոյն-

պէս և զգարին և զյարդն երիվարացն և կա-
ռամտացն , բերէին ՚ի տեղին՝ ուր էր արքայ
իւրաքանչիւրոք ըստ իւրում սահմանի : Եւ
ետ Տէր իմաստութիւն Սողոմոնի՝ յոյժ , քան
զՏանձարնախնեաց ամենայն մարդկան , և քան
զամենայն իմաստնոց Եգիպտոսի : Եւ իմաստ-
նացաւ քան զամենայն մարդիկ , և իմաստ-
նացաւ քան զԳեթան զԱրացի , և զԱեման
զՔաղքաղ և զԴարդան որդիս Մաւուլայ . և
էր անուանի յամենայն ազգս շուրջանկի :

Եւ խօսեցաւ Սողոմոն երիս Տաղար առա-
կըս . և էին օրհնութիւնք նորա Տաղար և
Տինգ : Եւ խօսեցաւ զփայտից՝ եղենափայ-
տէն որ ՚ի Լիբանան , մինչև ցղոպայ՝ որ յորմն
եւանէ , և խօսեցաւ զանասնոց , և զթռչոց , և
զձկանց : Եւ գային ամենայն ազգք լսել զի-
մաստութիւնն Սողոմոնի և յամենայն թաղա-
ւորաց երկրի , որ լսէին զիմաստութիւն նորա :
Եւ շինեաց Սողոմոն զԴաղեր , և զԲեթրոն
զՆերքին , և զՔաղշաթ և զԹերմոն յանա-
պատի և յերկրի անդ . և զամենայն քաղաքս
բնակութեանց որ էին Սողոմոնի , և զքաղա-
քըս կառաց , և զամենայն քաղաքս երիվա-
րաց : Եւ արար նաւ արքայ Սողոմոն ՚ի

Գասիօն դաբեր , որ է մերձ յԷղաթ , յերզեր
 Կարմիր ծովուն յերկրին Եդուլմայ : Եւ ա-
 ուաքեաց Քիրամ ընդ նաւան 'ի ծառայից իւ-
 րոց նսուորդս հմուտս նաւարկութեան ծովու
 ընդ ծառայս Սողոմոնի : Եւ չոգան 'ի Սոփե-
 րայ , և առին անտի ոսկի չորեք հարիւր և քը-
 սան տաղանդ և բերին արքայի Սողոմոնի :



Թագուհին Սաբայ :


Եւ Տիկինն Սաբայ լուաւ զանուն Սողոմոնի
 և եկն փորձել զնա առակօք : Եւ եկն յԵրու-
 սաղէմ զօրու ծանու յոյժ , և ուղարկք որ
 բարձեալ բերէին խունկս , և ոսկի բազում
 յոյժ և ականս պատուականս , և եմուտ առ
 Սողոմոն , և խօսեցաւ ընդ նմա զամենայն
 ինչ որ էր 'ի սրտի իւրում : Եւ մեկնեաց նմա
 Սողոմոն զամենայն բանս նորա , և ոչ էր
 բան սխտեալ յարքայէ զոր ոչ մեկնեաց նմա :
 Եւ ետես թագուհին զամենայն իմաստութիւն
 Սողոմոնի , և զտունն զոր շինեաց , և զխոր-
 տիկոն Սողոմոնի և զաթոռ ծառայից նորա ,
 զկարգ պաշտօնէից նորա , և զհանդերձանո

նորա , և զմատուռակս նորա և ողջակէզն
 նորա զոր մատուցանէր Տեառն , և յիմարե-
 ցաւ : Եւ ասէ ցարքայ Սողոմոնն , ճշմարիտ
 էր բանն , զոր լուայ յերկրէն իմում վասն բա-
 նից քոց , և վասն իմաստութեան քոյ :
 Եւ ոչ հաւատացի խօսելեացն առիս , մին-
 չեւ ինձէն եկի՝ և տեսին աչք իմ . և ասա ՚ի
 կէս չէ զոր պատմեցին ինձ իմաստութեանդ
 զոր յաւելեր և բարութեան , և ամենայն
 համբաւոյն զոր լսէին յերկրի իմում : Երա-
 նելի են կանայք , և երանելի են ծառայք քո ,
 սր կան առաջի քո՝ և հանապազ լսեն զիմաս-
 տութիւն քո :

Եւ եղիցի Տէր Աստուած քո օրհնեալ , որ
 հաճեցաւ ընդ քեզ տալ յաթ ուղ Իսրայէլի
 վասն սիրելոյ Տեառն զԻսրայէլ հաստատել
 յաւիտեան . և կացոյց զքեզ արքայ ՚ի վերայ
 նոցա , առնել իրաւունս և արդարութիւն
 յատեանս նոցա : Եւ ետ Սողոմոնի հարիւր
 և քսան աազանդ ոսկւոյ և խունկս բազումս
 յոյժ , և ականս պատուականս և ոչ էին ե-
 կեալ այնպիսի խունկք բազումք և անու-
 շունք , զորս ետ տիկինն Սաբայ արքայի
 Սողոմոնի : Եւ արքայ Սողոմոն ետ տիկնոջն

Սաբայ զամենայն ինչ զոր կամեցաւ . և զոր խնդրեաց , բայց յայնմանէ՝ զորս տուեալ էր նորա 'ի ձեռսարքայի Սողոմոնի . և դարձաւ և գնաց յերկիր իւր՝ ինքն և ամենայն ծառայք իւր : Եւ մեծացաւ Սողոմոն քան զամենայն թագաւորս երկրի մեծութեամբ և իմաստութեամբ : Եւ ամենայն թագաւորք երկրի խնդրէին տեսանել զերեսս Սողոմոնի , և լսել զիմաստութիւն նորա , զոր ետ տէր 'ի սիրտ նորա :

Եւ մնացորդք բանիցն Սողոմոնի , և զամենայն ինչ զոր արար , և ամենայն իմաստութիւն նորա , աւանիկ գրեալ է 'ի գիրս բանից Սողոմոնի : Եւ աւուրք զորս թագաւորեացն Սողոմոն յԵրուսաղէմ 'ի վերայ ամենայն Իսրայէլի ամք քառասուն : Եւ ննջեաց Սողոմոն ընդ հարս իւր . և թաղեցին զնա 'ի քաղաքի Դաւթի հօր իւրոյ , և Ռոբովամ որդի նորա թագաւորեաց յետ նորա :



Գերուսեան Բաբելայոց

Եւ եղեւ յամին իններորդի թագաւորութեան Սեգեկիայ եկն Նաբուգոդոնոսոր

արքայն **Բաբելոնի** , և ամենայն զօրք իւր ՚ի
 վերայ երուսաղէմի , և բանակեցու զնովաւ
 և շինեաց շուրջ զնովաւ պարիսպ : **Եւ** պա-
 շարեաց զքաղաքն մինչեւ ցամն մետասաներ-
 րորդ **Սեդեկիայ** արքայի : **Եւ** սաստկացաւ
 սովն ՚ի քաղաքին , և ոչ գոյր հաց ժողովր-
 դեանն երկրին : **Եւ** խրամատեցաւ քաղաքն ,
 և ամենայն արք պատերազմի ելին տրտաքս
 ՚ի գիշերի ընդ ճանապարհ դրանն ՚ի մեջ
 պարսպացն , որ էր առ պարտիզաւն արքունի ,
 և պնդեցան զօրքն **Քաղդէացւոց** զհետ
 թագաւորին , և հասին նմա յարաբովդ երի-
 քովայ , և ամենայն զօրք նորա ցրուեցաւ ի
 նմանէ : **Եւ** կալան զնա , և ածին առ արքայն
Բաբելոնի ՚ի **Դեբղաթա** , և խօսեցու ընդ
 նմա դատաստանօք : **Եւ** զորդիսն **Սեդեկիայ**
 սպան առաջի նորա , զաչան **Սեդեկիայ** կու-
 րացոյց , և կապեաց զնա կապանօք և տարաւ
 ՚ի **Բաբելոն** : **Եւ** այրեաց զտունն **Տեառն** ,
 և զտուն թագաւորին և զամենայն տունս
Երուսաղէմի այրեաց հրով : **Եւ** զաւելորդ
 ժողովրդեանն զմնացեալս ՚ի քաղաքին , և
 զանկեալսն յարքայն **Բաբելացւոց** , և զայլ ևս
 խուժան ժողովրդեանն խաղացոյց **Նաբու-**

զարդան դահճապետան :


Եւ 'ի թագաւորութեան Աիւրոսի Պարսից յամին առաջնում յեօթանասուներրորդամի գերութեանն Տրէաստանի, յարոյց Տէր զուգի Աիւրոսի թագաւորին Պարսից, և Տրամայեաց Աիւրոս յամենայն թագաւորութեան իւրում քարոզ կարդալ և ասել : Այսպէս ասէ թագաւորն Պարսից Աիւրոս, ինձ յայտնեաց թագաւորն ամենայն տիեզերաց Տէր Աստուած Իսրայէլի, Տէր բարձեալ, և նշանակեալ յայանեաց ինձ շինել նմա տաճար յԵրուսաղէմ Հրէաստանի, արդ ո՞ ոք և իցէ կայցէ առ նմա յազգացն Հրէից, և Տէր Աստուած եղիցի ընդ նմա : Եւ ամենայն ոք որ յիւրաքանչիւր տեղիս բնակեալ են, օգնեսցեն նոցա ոսկով և արծաթով, ձիովք և ամենայն խաշամբք, և ամենայն կազմածովք իւրեանց նուիրեսցեն 'ի տաճար Տրամայեաց Աստուծոյ յԵրուսաղէմ : Եւ կացցեն իշխանք ըստ ազգացն և հայրապետաց ազգին Յուդայ և ցեղին Բենիամինի, և քահանայիցն և Ղևտացւոց, և ամենեցուն՝ զորոց զարթոյց Տէր զողիս նոցա, ելանել և շինել գտունն Տէր յԵրուսաղէմ : Օգնեսցեն ամենեքեան ոսկով

և արծաթով, ձիովք և խաշտաբ, ու ի տեսցեն
Տեառն որչափ և ի միտս իւրեանց անկցի :
Եւ թագաւորն Վիւրոս ետ բերել զսուրբ
սպաս տան Տեառն՝ զոր բերեալ էր Նաբու-
գոդոնոսորայ յԵրուսաղէմէ, և եդեալ էր ՚ի
պահ ՚ի տան կռոցն իւրոց :

Եւ հրամայեաց տալ զսպասն Միթրիդատայ
գանձաւորի իւրոյ, և նորա համարեալ ետ
ցՍաղմանասար հանդերձապետ Յուդայ : Եւ
ժամանեաց եհաս ամիսն եօթներորդ, և
էին որդիքն Իսրայէլի յիւրաքանչիւր քաղաքս
և ժողովեցան ամենայն ժողովուրդն իբրև
զմի սյր յԵրուսաղէմ : Եւ յառաջնում ամ-
սեանն եօթներորդի, սկսան մատուցանել
ողջակէզս Տեառն Աստուծոյ, և տունն ոչ ևս
էր հիմն արկեալ : Եւ ետուն արծաթ քարա-
հատացն և հիւսանցն, և կերակուր, և ըմ-
պելիս, և ձէթ Սիդոնացւոց՝ և Տիւրացւոց, և
բերէին փայտս մայրս ՚ի Լիբանանէ ընդ ծով
՚ի Յոպպէ որպէս և հրամայեաց նոցա Վիւրոս
թագաւոր Պարսից : Եւ յերկրորդ ամի ելա-
նելոյն նոցա յորժամ եկին ՚ի տաճարն Տեառն
յամսեանն երկրորդի, սկսաւ Չորաբաբէլ
Սաղաթիէլեանց և Յեսու Յովսեդեկեանց

և եղբարք նոցա , և քահանայքն , և Ղև-
 տացիքն և ամենայն եկեալքն 'ի գերութե-
 նէն յԵրուսաղէմ . և կացուցին զՂևտացիսն 'ի
 քսան ամենից և 'ի վեր վերահացուս 'ի վերայ
 գործոց տանն Տեառն : Եւ արկին Տիմն , և
 սկսան շինել զտուն Տեառն , և կային քահա-
 նայքն զգեցեալ զպատմութեանն , և հարկա-
 նէին զփողս իւրեանց , և Ղևտացիքն որդիք
 Ասարսայ ծնծղայիւք օրհնէին զՏէր Աստ-
 ուած՝ որպէս և կարգեաց Պաւլիթ թագա-
 ւոր Իսրայէլի : Եւ ասեն այր ցընկեր իւր ,
 խոստովան եղերուք և գոհացարուք զՏեառ-
 նէ : զի քաղցր է , զի յաւիտեան է ողորմութիւն
 նորա 'ի վերայ Իսրայէլի : Եւ ամենայն ժո-
 ղովուրդն մեծաձայն օրհնէին զՏէր Աստ-
 ուած Իսրայէլի , վասն զի արկին հիմունս տան
 Տեառն : Եւ բազումք 'ի քահանայիցն և Ղև-
 տացուցն և յիշխանացն և 'ի հաղարապետացն
 և 'ի ծերոցն որոց տեսեալ էր զտաճարն Տեա-
 ուրն և յայնժամ տեսին աչօք իւրեանց զՏիմն
 նորա , լային մեծաձայն , և ժողովուրդն ամե-
 նայն նշանակէին զուրախութիւն և բարձրա-
 ցուցանէին զձայնս իւրեանց : Եւ ոչ ոք էր 'ի
 ժողովրդեանն որ կարէր դիտել և լսել զձայն

ուրախութեան , վասն զի ժողովուրդն աղա-
ղակէր մեծաձայն և լսելի լինէր ձայնն մինչև
'ի հեռաւորս :




Ն Ո Ր Կ Տ Ը Կ Ը Ր Ը Ն

Ծնունդ Քրիստոսի :

Եւ եղև ընդ աւուրսն ընդ սյնոսիկ ել հրա-
ման յՕգոստոս կայսերէ աշխարհագիր առնել
ընդ ամենայն տիեզերս : Եւ երթային ամե-
նեքեան մտանել յաշխարհագիր յիւրաքան-
չիւր քաղաքի : Եւ և Յովսէփ 'ի Գալիլիէ 'ի
քաղաքէ Նազարեթէ 'ի Հրէաստան 'ի քաղաք
Դաւթի , որ կոչի Բեթղահէմ , վասն լինելոյ
նորա 'ի տանէ և յազգէ Դաւթի մտանել
յաշխարհագիր Սարիամաւ հանդերձ զորխո-
սեալն էր նմա , և էր յղի : Եւ եղև 'ի հասա-
նել նոցա անդր , լցան աւուրք ծնանելոյնորա
և ծնաւ զօրդին իւր զանդրանիկ , և պատեաց
'ի խանձարուրս , և եղ զնա 'ի մուր , զի ոչ
գոյր նոցա տեղի իջևանի : Եւ հովիւքն էին
'ի տեղւոջն յայնմիկ բացօթեայք , որ պահէին
զպահստանութիւն գիշերոյ հօտից իւրեանց :

Եւ հրեշտակ Տեառն երևեցաւ նոցա , և
 փառք Տեառն ծագեցին առ նոսա , և եր-
 կեան երկիւղ մեծ : Եւ ասէ ցնոսա հրեշտակ
 մի երկնչիք , զի ահաւասիկ աւետարանեմ
 ձեզ ուրախութիւն մեծ , որ եղիցի ամենայն
 ժողովրդեան : Զի ծնաւ ձեզ այսօր Փրկիչ ,
 որ է օծեալ Տէր 'ի քաղաքի Դաւթի : Եւ
 այս նշանակ ձեզ . գտանիցէք մանուկ պա-
 տեալ 'ի խանձարուրս և եղեալ 'ի մսուր : Եւ
 յանկարծակի եղև ընդ հրեշտակին ընդ
 այնմիկ բազմութիւն զօրաց երկնաւորաց , որ
 օրհնէին զԱստուած և ասէին : Փառք 'ի բար-
 ձունս Աստուծոյ և յերկիր խաղաղութիւն
 'ի մարդիկ հաճութիւն : Եւ եղև իբրև վե-
 րացան 'ի նոցանէ հրեշտակքն յերկինս , ասե՛ն
 ցմիմեանս հովիւքն . եկնյք երթիցուք մինչև
 ցԹեթղահէմ , և տեսցուք զի՛նչ է բանս այս
 որ եղև . զոր Տէր եցոյց մեզ : Եկին փութա-
 նակի , և գտին զՄարիամ և զՅովսէփ , եւ
 զմանուկն եղեալ 'ի մսուր : Եւ ծանեան
 վասն բանին որ ասացաւ նոցա զմանկանէն :
 Եւ դարձան հովիւքն փառաւոր առնէին եւ
 օրհնէին զԱստուած վասն ամենայնի՛ զօրլուան
 եւ տեսին , որպէս պատմեցաւ նոցա : Եւ


իբրև յցան աւուրք ութ թլպատելոյ զնա . եւ
կոչեցաւ անուն նորա Յիսուս :



Մոգոյ Արեւելոյ

Եւ ՚ի ծնանելն Յիսուսի ՚ի ԲեթղաՏէմ
Հրէաստանի յաւուրս Հերովդէի արքայի՝
աՏա մոգք յարևելից եկին յԵրուսաղէմ : Եւ
ասեն . ո՛ւր է որ ծնաւ արքայն Հրէից . զի տե-
սաք զաստղն նւրա յարևելս , եւ եկաք երկիր
պազանել նմա : Յայնժամ Հերովդէս զաղա
կոչեաց զմոգսն , եւ ստուգեաց ՚ի նոցանէ
զժամանակ աստղն երևելոյ : Եւ արձա-
կեալ զնոսա ՚ի ԲեթղաՏէմ , ասէ . զնացէք
ստուգեցէք վասն մանկանն , եւ յորժամ գը-
տանիցէք ազդ արասջիք ինձ , զի և ես եկեալ
երկիրպագից նմա : Եւ նոքա իբրև լուան
ի թագաւորէն զնացին . եւ աՏա աստղն զոր
տեսին յարևելս առաջնորդեաց նոցա , մին-
չև եկեալ եկաց ՚ի վերայ՝ ուր էր մանուկն :
Եւ իբրև մօին ՚ի տուն , տեսին զմանակ
Տանդերձ Մարիամաւ մարբն իւրով , եւ ան-
կեալ երկիրպագանէին նմա , եւ բացեալ ըզ-


գանձս իւրեանց մատուցին նմա պատարագս
 ոսկի , եւ կնդրուկ , եւ զմուռս : Եւ հրա-
 ման առեալ 'ի տեսլեան , չդառնալ անդրէն
 առ Հերովդէս , ընդ այլ ճանապարհ գնացին
 յաշխարհ իւրեանց : Եւ իբրև գնացին նոքա
 յանտի , ահա հրեշտակ Տեառն երևէր 'ի
 տեսլեան Յովսէփու , եւ ասէր • արի՛ւն
 զմանուկդ եւ զմայր իւր , եւ փախիր Յե-
 դիպոս , եւ անդ լինիջիր ցորժամ ասացից
 քեզ • քանզի 'ի խնդիր է Հերովդէս կորու-
 սանել զմանուկդ : Եւ նա յարուցեալ առ
 զմանուկն եւ զմայր իւր 'ի գիշերի՝ եւ գնաց
 յԵդիպոս : Եւ 'ի վախճանիւն Հերովդէի ե-
 կեալ բնակեցաւ 'ի քաղաքին՝ որ կոչէր 'Նա-
 զարէթ • զի 199ի բան մարգարէին , թէ
 'Նազովրեցի կոչեսցի :



ՅԵՒՈՒՍ ԸՆԴ ՀԱՐԴԱՍՏԵԱՍ ՕՐԷՆԱԿ

Եւ մանուկն աճէր եւ զօրանայր լի խնաս-
 տութեամբ • եւ շնորհք Աստուծոյ էին 'ի
 վերայ նորա : Եւ երթային ծնողք նորա
 ամի ամի յԵրուսաղէմ 'ի տօն զատկին : Եւ

իբրև եղև նորա ամ երկոտասան , յեւանել
 նոցա յԵրուսաղէմէ ըստ սովորութեան տօնին
 եւ կատարել զաւուրսն եւ դառնալ անդրէն՝
 մնաց Յիսուս մանուկն յԵրուսաղէմ , եւ ոչ
 գիտացին ծնողքն : Եւ եղև յետ երից ա-
 ւուրց գտին զնա 'ի տաճարին , զի նստէր
 ընդ վարդասպետսն , լսէր 'ի նոցանէ եւ հար-
 ցանէր զնոսա : Զարմանային ամենեքեան
 որ լսէին 'ի նմանէ , ընդ իմաստութիւնն
 եւ ընդ պատասխանին : Եւ Յիսուս զար-
 գանայր իմաստութեամբ եւ հասակաւ եւ
 շնորհօք Ստուծոյ եւ 'ի մտրդկանէ :




Եր'պատան Առաքելոյն :

Եւ եղև ընդ աւուրսն ընդ այնոսիկ ել 'ի
 լեառն կալ յաղօթս , եւ հանէր զգիշերն 'ի
 գլուխ յաղօթսն Աստուծոյ : Եւ իբրև այգ-
 եղև կոչեաց զաշակերտսն իւր եւ ընդրեաց
 'ի նոցանէ երկոտասանսն , զոր եւ առաքետլս ,
 անուանեաց , զՍիմովն՝ զոր եւ Պետրոսն ան-
 ուանեաց , եւ զԱնդրէաս եղբայր նորա , եւ
 զՅակոբոս , եւ զՅովհաննէս , եւ Փիլիպպոս եւ

դՔարթուղիմէոս : Եւ զՄատթէոս , և զԹովմաս , և զՅակոբոս Աւփեայ , և զՍիմոն զկոչեցեալն նախանձայոյդ : Եւ զՅուդայ Յակովբայ , և զՅուդայ Իսկարիօտացի , որ եղև իսկ մատնիչ : Եւ իջեալ նորօք Տանդերձ ՚ի տեղի մի տափարակ . և ժողով աշակերտացն նորա և բազմութիւն յոյժ ժողովրդեանն յամենայն Հրէաստանէ , յԵրուսաղէմէ , և յայնմ կողմանէ Յորդանանու , և ՚ի ծովեզերաց Տիրոսի և Սիդոնի :


Եւ եկեալ ՚ի գաւառ իւր ուսուցանէր զնոսա ՚ի ժողովրդեան նոցա . մինչև զարմանալ նոցա և ասել . սմա ուստի՞ իցէ այս իմաստութիւն և զօրութիւն : Ոչ սա է Տիւսանն որդի . ոչ մայր սորա կոչի Մարիամ . և եղբարք սորա Յակոբոս , և Յովսէփ և Սիմոն և Յուդայ : Եւ քորք սորա ոչ ամենեքեան առ մեզ են . և արդ ուստի՞ է սմա այս ամենայն : Եւ զայթակղէին ՚ի նա . բայց Յիսուս ասէ ցնոսա . չիք մարգարէ անարգելթէ ոչ յիւրում գաւառի և յիւրում տան : Եւ ոչ արար անդ զօրութիւնս բազումս վասն անհաւատութեան նոցա :



Կինն Սամարացի :

Գայ նա 'ի քաղաք մի Սամարացւոց՝ որում անուն էր Սեքար, մերձ 'ի գեղն՝ զոր ետ Յակոբ որդւոյ իւրում Յովսեփայ : Եւ անդ էր աղբիւր մի Յակոբայ, և Յիսուս վաստակեալ 'ի ճանապարհին, նստէր 'ի վերայ աղբերն և էր ժամ իբրև վեցերորդ : Գայ կին մի 'ի Սամարիայ հանել ջուր, ասէ ցնա Յիսուս, տո՛ւր ինձ ըմպել : Զի աշակերտք նորա երթեալ էին 'ի քաղաք անդը գնել զկերակուր : Ասէ ցնա կինն Սամարացի, դու որ հրէայ ես՝ զի՞ արդ յինէն ըմպել ինդրես 'ի կնոջէ Սամարացւոյ, զի ոչ երբէք խառնակին Հրօրէայք ընդ Սամարացիս : Պատասխանի ետ նմա Յիսուս և ասէ, եթէ գիտէիր դու ըզտարգևսն Աստուծոյ՝ և ո՞վ է որ ասէդ ցքեզ թէ տո՛ւր ինձ ըմպել, դու արդեօք խնդրէիր 'ի նմանէ, և տայր քեզ ջուր կենդանի : Ասէ ցնա կինն, Տէր, դու քանզի եւ դոյլ իսկ ոչ ունիս, և ջրհորս խոր է, իսկ արդ ուստի՞ ունիցիս զջուրն կենդանի : Պատասխանի ետ նմա Յիսուս եւ ասէ, ամենայն որ ըմպէ 'ի ջրոյ յայդմանէ՝ միւսանգամ ծարուէ : Բայց որ

ըմպէ 'ի ջրոյն զոր ես տաց նմա , մի՛ ծարաւ
 ւեսցէ յաւիտեան : Այլ ջուրն զոր ես տաց նմա
 եղիցի նմա աղբիւր ջրոյ բղխելոյ 'ի կեանսն
 յաւիտենականս : Ասէ ցնա կինն . Տէր [Թուի
 ինձ [Թէ մարգարէ իցես դու : Ե[Թող կինն
 զՍափորն իւր և չողաւ 'ի քաղաքն , և ասէ
 ցմարդիկն : Եկնյք տեսէք զայր մի՞ որ ասաց
 ինձ զամենայն որ ինչ իմ գործեալ է . մի՞ [Թէ
 նա իցէ Քրիստոսն : Ելին 'ի քաղաքէն և
 եկին առ նա : Իսկ իբրև եկին առ նա Սա-
 մարացիքն , աղաչէին զնա լինել առ նոսա .
 և եղև անդ աւուրս երկուս : Եւ ևս բազումք
 հաւատացին 'ի նա վասն բանին նորա . և
 ասէին ցկինն [Թէ ոչ այսուհետև վասն քո
 լաօսիցդ հաւատամք . զի մեզէն իսկ լուաք 'ի
 դմանէ , և գիտեմք ե[Թէ դա է ճմարիտ
 փրկիչ աշխարհաց : Եւ յետ երկուց աւուրց
 ել անախ և գնաց 'ի Գալիլիա :




Քրիստոս Ժողովրդոց

Եւ եր[Թային զհետ նորա Ժողովուրդք
 բազում 'ի Գալիլիէ , և 'ի Իերկապօլեայ , և
 յԵրուսաղէմէ և 'ի Հրէաստանէ , և յայնկոյս

Յորդանանու , և բժշկեաց զնոսա : Եւ տե-
սեալ զժողովուրդն ել ՚ի լեառն , և իբրև նրս-
տաւ անդ՝ մատեան ան նա աշակերտքն նո-
րա : Եւ բացեալ զբերան իւր ուսուցանէր
զնոսա , և ասէր : Երանի աղքատաց հոգևով ,
զի նոցա է արքայութիւնն երկնից : Երանի սը-
գաւորաց , զի նոքա մխիթարեսցին : Երանի հե-
զոց , ի նոքա ժառանգեսցեն զերկիր : Երանի՝
որ քաղցեալ և ծարաւիք իցեն արդարութեան ,
զի նոքա յագեսցին : Երանի ողորմածաց ,
զի նոքա ողորմութիւն գացեն : Երանի այնո-
ցիկ , որ սուրբք են սրտիւք , զի նոքա զԱստ-
ուած տեսցեն : Երանի խաղաղարարաց , զի
նոքա որդիք Աստուծոյ կոչեսցին : Երանի՝ որ
հալածեալ իցեն վասն արդարութեան , զի
նոցա է արքայութիւն երկնից : Երանի է
ձեզ յորժամ նախատիցեն զձեզ և հալածես-
ցեն , և ասիցեն զամենայն բան չար զձէնը
սուտ վասն իմ : Ար ոք լուծցէ մի ինչ ՚ի պատ-
ուիրանացս յայսցանէ ՚ի փոքունց , և ուսուս-
ցէ այնպէս զմարդիկ , փոքր կոչեսցի յարքայ-
ութեան երկնից , իսկ որ արացէ և ուսուս-
ցէ , նա մեծ կոչեսցի յարքայութեան երկնից :
Բայց ասեմ ձեզ , զի եթէ ոչ առաւելուցու


արդարութիւնն ձեր առաւել քան դդպրացն և
զփարիսեցւոց , ոչ մտանիցէք յարփայութիւն
երկնից : Լուարուք ապաքէն՝ զի ասացաւ ,
սիրեացես զընկեր քո , և ատեսցես զթշնամին
քո : Այլ ես ասեմ ձեզ , սիրեցէք զթշնամիս
ձեր , օրհնեցէք զանիծիչս ձեր , բարի արա-
րէք ատելեաց ձերոց , և աղօթս արարէք ՚ի
վերայ այնոցիկ՝ որ լկենն զձեզ և հալածեն :
Ձի եղիջիք որդիք հօր ձերոյ , որ յերկինս է .
զի զարեգակն իւր ծագէ ՚ի վերայ չարաց և
բարեաց , և ածէ անձրև ՚ի վերայ արդարոց
և մեղաւորաց :



Յեռուստի Գլխաւոր :

Տեսեալ Յիսուսի Ժողովուրդս բազումս
զիւրև՝ հրամայեաց երթալ յայնկոյս : Եւ
մատուցեալ դպիր մի ասէ ցնա , վարդապետ
եկից և ես զկնի քո յոր վայր և երթիցես :
Ասէ ցնա Յիսուս , աղուիսուց որջք գոն , և
թռչնոց երկնից բոյնք , սյլ որդւոյ մարդոյ
ոչ գոյ՝ ուր դիցէ զգլուխ իւր : Եւ իբրև եմուտ
՚ի նաւն , գնացին զկնի նորա աշակերտքնս :

րա : Եւ ահա շարժումն մեծ եղև ՚ի ծովուն
 մինչ նախն ծածկիլ յալեաց անտի , և ինքն
 ննջէր : Եւ մատուցեալ աշակերտքն յարուցին
 զնա և ասեն . Տէր փրկեան զմեզ , զի կորնչիմք :
 Եւ ասէ ցնոսա , ընդէ՞ր վատասիրտք էք
 սակաւահաւատք : Յայնժամ յարուցեալ սաս-
 տեաց հողմոցն և ծովուն , և եղև խաղաղու-
 թիւն մեծ : Եւ մարդիկն զարմացան և ասէին
 ո՞րպիտի ոք իցէ սա , զի հողմք և ծով հնա-
 զանդին սմա :




Առաջնի պարպտութարց :

Յայնժամ մատեաւ առ նա Պետրոս և ասէ .
 Տէր քանի՞քս անգամ եթէ մեղիցէ ինձ եղբայր
 իմ , և թողից նմա , մինչև ցեօթն անգամ ,
 Ասէ ցնա Յիսուս , ոչ ասեմքեզ թէ մինչև
 ցեօթն անգամ , այլ մինչև ցեօթանասներկին
 յեօթն : Կայր թագաւոր ոք , որ կամեցաւ հա-
 մար առնել ՚ի մէջ ծառայից իւրոց : Եւ իբրև
 սկսաւ եկն առ նա պարտապան մի հազար քան-
 քարոյ : Իբրև ոչ ունէր հատուցանելոյ՝ հրա-
 մայեաց Տէր նորա վաճառել զնա , և զկին

և զորդիս , զամենայն որ ինչ և ունիցի , և
 հատուցանել : Եւ անկեալ ծառայն երկիր
 պառանէր նմա և ասէր , երկայնամիտ լեր առիս
 և զամենայն հատուցից քեզ : Գթացեալ տէր
 ծառային այնորիկ , արձակեաց զնա , և փոխն
 եթող նմա : Եւ ելեալ ծառայն եզլիտ զմի ՚ի
 ծառայակցաց իւրոց , որ պարտէր նմա հարիւր
 դահեկան և կալեալ զնա իւեղդէր և ասէր ,
 հատո՛ ինձ զոր պարտիս : Արդ անկեալ ծա-
 ռայակցին առ ոտս նորա , աղաչէր զնա և
 ասէր , երկայնամիտ լեր առիս և հատուցից
 քեզ : Եւ նա ոչ կամէր , այլ չողաւ արկ զնա
 ՚ի բանտ մինչև հատուցանիցէ զպարտան : Իբ-
 րև տեսին ծառայակիցքն նորա որ ինչ եղևն
 տրտմեցան յոյժ , և եկեալ ցուցին տեսուն իւ-
 րեանց զամենայն որ ինչ եղևն : Յայնժամ
 կոչեաց զնա տէրն իւր և ասէ , ծանայ չար ,
 զամենայն զպարտան քո թողի քեզ , վասն զի
 աղաչեցեր զիս : Իսկ արդ ո՞չ էր պարտ և քեզ
 ողորմիլ ծառայակցին քում , որպէս և ես քեզ
 ողորմեցայ : Եւ բարկացեալ Տէրն մատնեաց
 զնա դահճաց , մինչև հատուցէ զամենայն
 զպարտան : Նոյնպէս և հայր իմ որ յերկինս
 է , արասցէ ձեզ , եթէ ոչ թողուցուք իւ-


ըաքանչիւր եղբար իւրում 'ի սրտից ձերոց
զյանցանս նոցա :



Առաջ ասան Տաղանդաց :

Այր մի գնացեալ 'ի տար աշխարհ , կոչեաց
զժառայս իւր և ետնոցա զինչս իւր : Ումեմն
ետ Տինգ քանքար , և ումեմն երկուս , և
ումեմն մի , իւրաքանչիւր ըստ կարի և գնաց :
Չոգաւ վաղվաղակի որ առ զՏինգն , գոր-
ծեաց նօքօք , և շահեցաւ այլ եւս Տինգ :
Նոյնպէս եւ որ զերկուսն՝ շահեցու այլ եւս
երկուս : Եւ որ զմինն առ , գնաց փոքեաց զեր-
կիր , եւ Թագոյց դարձաթ Տեառն իւրոյ :
Յետ բազում ժամանակի , գայ Տէր ծառայ-
իցն այնոցիկ , եւ առնէ համարս 'ի մէջ նոցա :
Եւ մատուցեալ որ զՏինգ քանքարն առ ,
մատոյց այլ եւս Տինգ քանքար եւ ասէ . Տէր
Տինգ քանքար ետուր ցիս , արդ ահաւասիկ
Տինգ այլ եւս քանքար 'ի վերայ շահեցայ :
Ասէ ցնա Տէրն իւր , աղնիւ ծառայ բարի եւ
հաւատարիմ , որով հետեւ 'իսակաւուդ հաւա-
տարիմ ես , 'ի վերայ բազմաց կացուցից զքեզ


մնւոյ յուրախուժիւն Տեառն քո : Մատուցեալ եւ որոյ զերկուս քանքարսն առեալ էր ,
 ասէ . Տէր երկուս քանքարս ետուր ցիս ,
 ասաւստիկ երկուս եւս այլ քանքարս՝ զոր 'ի
 վերայ շահեցայ : Ասէ ցնա Տէրն իւր , ազ-
 նիւ ծառայ բարի եւ հաւատարիմ , որովհե-
 տեւ 'ի սակաւուդ հաւատարիմ ես , 'ի վերայ
 բազմաց կացուցից զքեզ . մնւոյ յուրախուժիւն
 Տեառն քոյ : Մատուցեալ եւ որոյ զմի քան-
 քարն առեալ էր , եւ ասէ Տէր գիտէ ի զի այր
 մի խիստ ես , հնձես՝ զոր ոչ սերմանեցեր , եւ
 ժողովես՝ ուստի ոչ սփռեցեր : Երկեայ , զը-
 նացի եւ թագուցի զքանքարն քո յերկի թարգ-
 սուստիկ քոյդ ցքեզ : Պատասխանի ետ Տէրն
 եւ ասէ ցնա , ծառայ չար եւ վատ . գիտէ իր
 թէ հնձեմ ուստի ոչ սերմանեցի , եւ ժողո-
 վեմ ուստի ոչ սփռեցի : Պարտ էր քեզ արկա-
 նել զարծաթն իմ 'ի սեղանաւորս , զի եկեալ
 տոկոսեօք պահանջէի զիմն : Արդ առէք 'ի
 դմանէ զքանքարդ եւ տուք այնմ որ ունիցի
 տասն քանքար : Զի ամենայնի՝ որ ունիցի
 տացի եւ յաւելցի , եւ որ ոչն ունիցի , եւ զոր
 ունիցի՝ բարձցի 'ի նմանէ :



Բարի Սամարացիներ :

Եւ ահա յարեալ ոմն օրինական փորձէր զնա և ասէր . վարդապետ զի՞նչ գործեցից . զի զկեանսն յաւիտենականս ժառանգեցից : Եւ նա ասէ ցնա . յօրէնս զի՞նչ գրեալ է . որպիսի՞ ընթեռնուս : Նա պատասխանի ետ և ասէ . Սիրեսցես զտէր Աստուած քո յամենայն սրտէ քումմէ , և յամենայն մտաց քոց , և զընկեր քո իբրև զանձն քո : Եւ ասէ ցնա . ուղիղ ետուր պատասխանիդ , զայդ արն՝ և կեցցես : Նա իբրև կամեցաւ զանձն արդարացուցանել՝ ասէ ցՅիսուս՝ և ո՞վ է իմ ընկեր : Պատասխանի ետ Յիսուս և ասէ . այր մի իջանէր յԵրուսաղէմէ յԵրիբով , և անկաւ ՚ի ձեռս աւազակաց , որք մերկացուցին զնա և վէրս ՚ի վերայ եղին , և թողին կիսամահ և զնացին : Իէպէզև քահանայի միջ իջանել ընդ նոյն ճանապարհ , և տեսեալ զնա զանց արար : Նոյնպէս և Ղևտացի մի եկեալ ընդ նոյն տեղի , ետես և զանց արար : Սամարացի ոմն ճանապարհորդեալ եկն ընդ նոյն առնովաւ , և տեսեալ զնա գթացաւ : Եւ մատուցեալ պատեաց զվէրս նորա , արկեալ ՚իվերայ ձէթ և գինի

և եղեալ 'ի վերայ գրաստու խրոյ , ած զնա
'ի պանդոկ մի , և դարմանեաց զնա : Եւ 'ի
վաղիւ անդր իբրև ելանէր անտի՝ հանեալ ետ
ցպանդակապեան երկուս դահեկանս և ասէ ,
դարման տանր դմա , և զոր ինչ ծախեսցես
'ի դա՝ 'ի միւսանդամ գալստեան իմում հատու-
ցից քեզ : Արդ ո՛յերիցունց 'ի նոցանէ թուի
քեզ մերձաւոր լինել անկելոյն 'ի ձեռս աւազա-
կացն : Եւ նա ասէ որ արար սղորմութիւն ,
ասէ ցնա Յիսուս , երթ և դու արն նոյնպէս :




Յարութիւն Ղազարոս :

Եւ էր ոմն հիւանդ Ղազարոս 'ի Բեթանիա :
Առաքեցին քորք նորա առ Յիսուս եւ ասե-
սեն . Տէր ահաւասիկ զոր դուն սիրելիք հի-
ւանդացեալ է : Իբրև լուաւ Յիսուս , ասէ ,
այն հիւանդութիւն չէ 'ի մահ , այլ վասն
փառացն Աստուծոյ , զի փառաւոր լիցի որդի
Աստուծոյ այնուիկ : Եւ սիրէր Յիսուս զՂա-
զար եւ զքորս նորա : Իբրև լուաւ թէ հի-
ւանդացեալ է , գտեղի կալաւ անդէն ուր էր
աւուրս երկուս : Ապա յետ այնորիկ ասէ ցնա-

սա . Ղազարոս բարեկամ մեր ննջեաց , այլ
 երթեալ զարթուցից զնա : Ասեն ցնա աշա-
 կերաքն . Տէր եթէ ննջեաց՝ ապա ապրի :
 Յայնժամ ասէ ցնոսա Յիսուս յայտնապէս ,
 Ղազարոս մեռաւ . բազումք ՚ի հրէից անախ-
 որք եկեալ էին առ Մարթա եւ Մարիամ , զի
 մխիթարեսցեն վասն եղբօրն : Մարթա իբրև
 լուաւ թէ Յիսուս գայ , ընդառաջ գնաց
 նորա բայց Մարիամ նստէր անդէն ՚ի տան :
 Ասէ Մարիամ ցՅիսուս . Տէր եթէ աստ լեալ
 էիր , եղբայրն իմ չէր մեռեալ : Այլ եւ արդ-
 գիտեմ , թէ զոր ինչ ինդրեսցես յԱստուծոյ
 տացէ քեզ Աստուած : Ասէ ցնա Յիսուս յա-
 րիցէ եղբայրն քո : Եւ գնաց կոչեաց զմարիամ
 զքոյր իւր լուելեայն եւ ասէ . վարդապետն
 եկեալ է եւ կոչէ զքեզ : Նա իբրև լուաւ
 յարեաւ վաղվաղակի , եւ եկն առ նա :
 Յիսուս իբրև ետես զնա զի լայր եւ որ ընդ-
 նմայն էին՝ զի լային խռովեցաւ յոգի իւր իբրև
 զայրացեալ : Եւ ասէ ուր եդիք զնա , ասեն
 ցնա՝ Տէր եկ եւ տես : Յիսուս դարձեալ զայ-
 րացեալ ընդ միտս իւր , գայ ՚ի գերեզմանն :
 Եւ ասէ ՚ի բնաց արարէք զվէմի : Եւ իբրև
 ՚ի վեր առին զվէմն , Յիսուս ամբարձ զաչս

իւր 'ի վեր, եւ ասէ : Հայր գոհանամ ըզ-
 քէն՝ զի լուար ինձ : Եւ ես գիտէի զի յամե-
 նայն ժամ լսես ինձ վասն ժողովրդեան
 որ շուրջ կան առնեմ, զի հաւատայցեն ինձ
 թէ դու առաքելքեր ինձ : Չայս իբրև
 ասաց, 'ի ձայն մեծ աղաղակեաց եւ ասէ :
 Ղազարէ՛ արի՛ եկ արտաքս : Եւ ել մե-
 աւեալն ոտիւք կապելովք, եւ ձեռքն երի-
 զապնսօք եւ երեսօքն վարշամակապատովք,
 եւ ասէ ցնոսա Յիսուս, լուծէք զդա եւ
 թողէք երթալ :




Նէնգո-նիւն Յուդայի

Յայնժամ ժողովեցան քահանայապետքն
 և գալիւքն և ծերք ժողովրդեան, և արարին
 խորհուրդ զինենդութեամբ կալցին զՅիսուս
 և սպանցեն : Յետ այսորիկ եկն Յիսուս 'ի Բե-
 թանիա 'ի տուն Սիմոնի բարոտի : Յայնժամ
 գնաց միյեւրկոտասանիցն անուանեալ Յուդայ
 իսկարիօտացի առ քահանայապետն : Եւ ասէ,
 զի՞նչ կամիք տալ ինձ, և ես մատնեցից զնա
 ձեզ : Եւ նոքա կշռեցին նմա եղեսուն արծա-

Թի: Եւ յայնմ հետէ խնդրէր պարապ զի մատնեօ ցէ զնա նոցա : Եւ առաջնում աւուր բաղարջակերացն մատեան աշակերտքն առ Յիսուս և ասէն . մըւր կամիս զի պատրաստեսցուք քեզ ուտել զզատիկն : Եւ նա ասէ ցնոսա . երթայք ՚ի քաղաքն առ այս անուն , և ասացէք ցնա . վարդապետ ասէ ժամանակիմ մերձեալ է , առ քեզ առնեմ զզատիկ աշակերտօքս հանդերձ : Եւ արտրին աշակերտքն որպէս հրամայեաց նոցա Յիսուս , պատրաստեցին զզատիկն : Եւ իբրև երեկոյ եղև կայր բազմեալ ընդ երկոտասան աշակերտսն :

Եւ մինչ դեռ ուտէին նոքա , ասէ . ամէն ասեմ ձեզ , զի մի ոմն ՚ի ձէնջ մատնելոց է զիս : Յայնժամ գայ Յիսուս ընդ նոսա ՚ի գեղ մի որում անուն էր Գեթսամանի , և ասէ ցնոսա . նստարո՛ւք այդր , մինչև երթայց կացից յաղօթս : Եւ առեալ ընդ իւր զՊետրոս և զԵրկուս զօրդիսն Ջեբեդեայ , սկսաւ տրտմիլ և հոգալ : Յայնժամ ասէ ցնոսա , տրտում է անձն իմ մինչև ՚ի մահ , կոցէ՛ք աստ և հսկեցէք ընդիս : Եւ մատուցեալ յառաջ ստկաւիկ մի անկաւ ՚ի վերայ երեսաց իւրոց , կաց յաղօթս և

ասէ . Հայր իմ , եթէ հնար է . անցցէ բա-
 ժակս այս յինէն . բայց ոչ որպէս եսս կա-
 միմ այլ որպէս դու : Յայնժամ դայ առ
 աշակերտսն և ասէ ցնոսա . ննջեցէք այսու-
 հետև և հանդերձք . զի ասան հասեալ է
 ժամ , և Որդի Մարդոյ մատնի ՚ի ձեռս մեղա-
 ւորաց : Արևք երթիցձք աստի , զի ասա
 ւասիկ եհաս որ մատնելոց է զիս : Եւ մինչ-
 դեռ նա զայն խօսէր , ասան Յուդայ մի յեր-
 կոտասանիցն եկն , և ընդ նմա ամբոխ բա-
 զում սրովք և բրօք ՚ի քահանայապետիցն
 և ՚ի ծերոց ժողովրդեանն : Եւ որ մատնե-
 լոցն էր զնա ետ նոցա նշան և ասէ . ընդ ո-
 րում ես համբուրեցից՝ նա է . զնա ունիցիք :
 Եւ վաղվաղակի մատուցեալ առ Յիսուս՝ ա-
 սէ . ողջեր վարդապետ . և համբուրեաց
 զնա : Եւ Յիսուս ասէ ցնա . ընկեր վասն
 ո՞րոյ եկիրդ . Յայնժամ մատուցեալ արկին
 ձեռս ՚ի Յիսուս և կալան զնա :



Մահ Բրեպոսի :

Իբրև այդ եղև , խորհուրդ արարին ամե-
 նայն քահանայապետքն և ծերք ժողովր-


դեան վասն Յիսուսի սպանանել : Կապե-
 ցին զնա , և առին գնացին և ետուն 'ի ձեռն
 Պոնտացւոյ Պիղատոսի դատաւորի : Յայնժամ
 տեսեալ Յուդայի որ մատնեացն զնա , թէ
 պարտաւորեցաւ , զղջացաւ , և դարձոյց զար-
 ծաթն առ քահանայապետն և ծերսն ժո-
 ղովրդեան : Եւ ասէ մեղայ զի մատնեցի զս-
 րիւն արդար : Եւ նոքա ասեն մեզ չէ՛ փոյթ
 դու գիտես : Եւ ընկէց զարծաթն 'ի տաճա-
 րին և գնաց , և չողաւ խեղդեցաւ : Եւ
 Յիսուս եկաց առաջի դատաւորին : Եւ 'ի
 չարախօսելն նորա 'ի քահանայապետիցն և
 և 'ի ծերոց , յայնժամ ասէ ցնա Պիղատոս . ս'ջ
 լսես որչափ դոքա հակառակ քո վկայեն :
 Եւ ոչ ետ նմա պատասխանի և ոչ բան մի ,
 մինչ զարմանալ դատաւորին յոյժ : Եւ մինչ
 նստէր յատենին , առաքեաց առ նա կինն
 իւր և ասէ , չկայ իմ և քո ինչ արդարոյն այնո-
 րիկ զի բազում անցք անցին ընդ իս յանուրջս
 վասն նորա : Իսկ քահանայապետքն և ծերք
 հաւանեցուցին զժողովուրդն , զի կորուսցեն
 զՅիսուս : Եւ ասէ դատաւորն , զինչ չար
 արար : Եւ նոքա ևս աղաղակէին և ասէին
 խաչեցի : Եւ տեսեալ Պիղատոսի թէ ոչինչ

օգնէ , այլ առաւել խռովութիւն լինի , առ
 եալ ջուր լուացղձեռս առաջի ժողովրդեան ,
 և ասէ . քաւեալ եմ ես յարեմէ արդարոյդ այ-
 դորիկ . դուք գիտասջիք : Աստասխանի ետ
 ամենայն ժողովուրդն և ասէ արին դորա 'ի
 վերայ մեր և 'ի վերայ որդւոց մերոց : Յայն-
 ժամ զինուորք դատաւորին առին զՅիսուս
 յապարանս և ժողովեցին 'ի վերայ նորա զա-
 մենայն զգունդն : Մերկացուցին զնա , և ար-
 կին զնովաւ քղամիտ կարմիր : Եւ բոլորեալ
 պսակ 'ի փշոց եդին 'ի գլուխնորա , և եղէզն
 յաջոյ ձեռին նորա , 'ի ծունր իջեալ առաջի
 նորա , կատակէին և ասէին . Աղջեր թագա-
 ւոր Հրէից : Եւ թքեալ 'ի նա առնուին զե-
 ղէզն և ծեծէին զգլուխ նորա : Եւ յորժամ
 ձաղեցին զնա , մերկացուցին 'ի նմանէ զքը-
 ղամիդն կարմիր և ագուցին նմա զիւր հանդերձ
 և տարան զնա : Եւ հանին զնա 'ի խաչ .
 բաժանեցին զհանդերձսն նորա վիճակաւ .
 զի լցցի բանն որ ասացաւ 'ի մարդարէէն .
 բաժանեցին զհանդերձս իմ յիւրեանս , և 'ի
 վերայ պատմութեանի իմոյ վիճակս արկանէին :
 Եւ նստեալ պահէին զնա : Եւ եդին 'ի վե-
 րայ գլխոյ նորա գրեալ զվասս նորա թէ՛




ENGRAVED BY KAM DHON MORNO KER

ԱՀԱ ՅԻՍՈՒՍ ԹԱԳԱՒՈՐ ՀՐԻՒՅ :
 Որով առեալ խաչեցին ՚ի փրկութիւն աշ-
 խարհի , և ՚ի փառս Հօրն յաւիտենականի :



Թողումն Քրիստոսի

Եւ ահան այր մի անուն Յովսէփ , որ էր նախարար այր բարեգործ և արդար : Սա չէր միաբանեալ ընդ խորհուրդս և ընդ գործս նոցա , Արիմաթեայ քաղաքէ Հորէից , որ և ինքն իսկ ակն ունէր արքայութեան Աստուծոյ : Սա մատուցեալ առ Պիղատոս խնդրեաց զմարմինն Յիսուսի , Եւ իջուցեալ զնա՝ պատեաց սրտատառակալաւ , և եղ ՚ի կռածոյ դերեղմանին , ուր չէր բնաւ զոք եղեալ : Եւ օրն էր ուրբաթ , և ՚ի շաբաթ լուսանայր : Եւ երթային զհետ նորա կանայք՝ որ եկեալ էին ընդ նմա ՚ի Գալիլիէ , տեսին զգերեղմանն , և որպէս եղաւ մարմին նորա : Դարձան , և պատրաստեցին խունկս և իւղս , և ՚ի շաբաթուն հանդարտեցին վասն պատուիրանին :



Յարութիւն Քրիստոսի :

Եւ յերեկոյի շաբաթուն՝ յորում լուսանայր միաշաբաթն, եկն Մարիամ, Մագդաղենացի և միւս Մարիամն տեսանել զգերեզման: Եւ ահա շաբաթումն մեծ եղև, զի հրեշտակ Տեառն իջեալ յերկնից, մատուցեալ ՚ի բաց թաւալեցոյց զվէմն ՚ի դրանց անտի՛ և նստէր ՚ի վերայ նորա: Եւ տեսիլ նորա իբրև զփայլակն, և հանդերձ նորա իբրև զձիւն: Եւ ասէ հրեշտակն ցկանայս մի՛ երկնչիք դուք, գիտեմ զի զՅիսուս զխաչելեալն խնդրէք՝ չէ աստ, այլ յարեալ որպէս ասացն: Եւ վազվաղակի՛ երթայք ասացէք աշակերտաց նորա, թէ յարեալ, և ահա յառաջանայ քան զձեզ ՚ի Գալիլիա, անդ տեսանիցէք զնա: Եւ ահա պատահեաց նոցա Յիսուս և ասէ, ո՞րչ էք, մի՛ երկնչիք, այլ ասացէք եղբարցն իմոց, զի երթիցեն ՚ի Գալիլիա և անդ տեսցեն զիս: Իսկ նոքա գռնացին ՚ի լեառն՝ ուր ժամադիր եղև նոցա Յիսուս: Իբրև տեսին զնա երկրիպագին նմա: Եւ մատուցեալ Յիսուս ասէ, Տուալ ինձ ամենայն իշխանութիւն յերկինս և յերկ-

րի : Գնացէք այսուհետև աշակերտեցէք
 զամենայն հեթանոսս մկրտեցէք զնոսա
 յանուն Հոր՝ և Արդւոյ և Հոգւոյն Սրբոյ :
 Ուսուցէք նոցա պահել զամենայն որ ինչ
 պատուիրեցի ձեզ , և ահաւասիկ ես ընդ
 ձեզ եմ զամենայն աւուրս մինչև ՚ի կատա-
 րած աշխարհի :



Վ, Ե Ր Զ,

